

C
181231
林

共三册 第一册

11675

救主降世一千九百十四年

林亨理 著

四書解義適今

民國三年

廣學會發行

上海商務印書館代印

MORNING CENTRAL LIBRARY OF SHANGHAI

LIBRARY

A
COMMENTARY

ON THE

FOUR BOOKS

Adapted to Modern Times

PREPARED SPECIALLY FOR USE IN

Christian Schools and Colleges

BY

HENRY M. WOODS, D.D.

Vol. I.

The Analects.

THIRD EDITION
Revised and Enlarged

學 貴 於 知 要

'The Value of Learning consists in Knowing the Essential things.'

CHU HSI

SHANGHAI
CHRISTIAN LITERATURE SOCIETY FOR CHINA

1914

序

嘗觀支那之學生。以背誦爲專功。而鮮通其義。若欲考究註疏。又苦卷帙浩繁。不暇徧閱。願僅記其字而不能明其理。猶取美穗而遺其中之實。徒勞無益而已。竊謂字句固當記誦。義理尤宜貫通。教者於每日授書時。當殷勤講解。學者可以領會。悟性與記性並進。自能漸入佳境。茲爲此書。惟求言簡意賅。理明辭達。聊供大小學校。及私讀者之一助爾。特是人卽睿智。未有無差錯者。凡古書所載。理有未妥。語有未當處。宜敬謹代爲揭明。勿使貽誤。此非駁古人。正所以愛古人。傳古人也。此書名曰。四書解義。適今專以尊崇真理。俾有益於支那爲宗旨。雜採中外古今各事。以引證之。所參考諸書。爲羣義彙解。西河合集。四書正義。論語集解。義疏等。棄短取長。雖多依據朱子美注。亦間有不從處。朱注固未能盡備也。支那以四書五經爲最古。四書五經中。往往言及上帝。其義若深

究明通。實引人敬奉救世之道。凡昔聖賢所未能了徹者。救主之道皆明白宣示。孔子言未知生死。上帝則示人以永生。孔子不知禘之說。惟上主言古祭原已所命。特表明贖罪施義之意。而成就於救主捨身之大祭。支那古重孝親。救世道則推孝之極以敬天父。孔子言四海皆兄弟。救世道明示共奉一天父。從一眞道。宇宙則成一家。聖賢求一貫。救世道則明示以上帝有統貫萬世萬國。使歸於一之聖旨。凡古人所歎而未得。上帝於救世道。垂顯而鴻賜。人若不奉其訓。則與古聖賢求道之苦心。不安小成之美意。全相反矣。且古者傳善訓而歷代敬從。上帝垂天教。何不尤當欽崇乎。學者宜玩味眞理。勿執偏見。朱子曰。雖孔子所言。亦當明白討箇是非。書曰。有言逆於汝心。必求諸道。有言遜於汝志。必求諸非道。今支那所至要之事。非兵。非新學。乃天道也。知奉救世道。則本立而道生。國可由此大興矣。此書之作。卽本此意。讀者幸留意焉可。

論語解義序

余年半百矣、恆究心於經籍、竊自謂於文學一途、不無微長足錄、及與林先生游、乃覺向之沾沾自詡者、眞井蛙之見也、先生諱亨理、字懋文、美國積學士也、詞章古樸、考據詳明、不獨西學宏深、抑且中文淵博、然此第言其學也、而其志之所在、則尤足嘉尙焉、先生奉耶穌教、遠來中華、傳救主之訓、實以宣上帝之恩、必誠必信、有非我中華人士、所可企及者、且能以中華文義、貫通上帝之奧旨、參求救主之功能、其傳誦福音、以教我中華人士、固先生所專長、而中華孔孟之書、先生尤欽佩焉、每謂宋儒訓詁、雖極精明、恆多粉飾虛杳之說、其折衷獨以漢儒爲準、因卽孔孟原經、據實考求、獨憑真理而解釋之、世人一切迷信之事、如偶像、鬼神、占卜、以及婚喪祭祀、繁文末節、皆辨駁其謬誤、嗚乎、先生合西學中文、會通焉以教我中華人士、其學其志、不誠足嘉尙者哉、余因章君百

詩、獲交於先生、蒙先生不棄、去歲以所註孟子解義、質證於余、今又以所註論語解義見示、余以其文辭簡括、見解真實、謹守先生原意、稍加潤飾、誦讀之餘、足令人篤信天道、歸順上主、則此書出版、其有功於風俗人心也、良非淺矣、余因悅服之、而樂爲之序、

淮安河下鏡清程宏淦撰

PREFACE.

The object in view in writing this Commentary has been to prepare a manual for the study of the Four Books in Christian schools and colleges; but it is also intended to be of service to individual students, both Chinese and foreign, in their private study of ancient Chinese literature. The writer hopes that hereby something may be contributed to the solution of the vexed problem of the place of the Classics in modern Chinese education.

As is well known, two extreme views are held regarding the study of the Classics. The old conservative idea made them the exclusive object of study. The new radical view would banish them entirely from modern education. It is contended by many, Chinese as well as foreigners, that the ancient books contain views which are in conflict with scientific and religious truth, and so obstruct the path of enlightenment and progress in China. As is usual, the truth will doubtless be found between these extremes. After the present wave of reaction against the old learning has passed, it will probably be seen that no Chinese can rightly be called educated and fitted to exert influence in his native land who has not mastered the Four Books and Five Classics; and no College in China, which attempts to give a board and liberal culture can hope to maintain itself if it does not give in its curriculum what every Chinaman who wishes to understand the history and institutions of his country for 2,400 years, cannot but demand as a part of his education. On the one hand, therefore, the Classics should be retained and carefully studied. On the other hand whatever in them is found at variance with the truth and a hindrance to real progress should be candidly pointed out and the truth plainly stated.

Another objection which is urged against the study of the Classics, not without reason, is that it consists mainly of memorizing the words of the Text of whose meaning the student understand but little. The average teacher often gives no explanation of the meaning, or what he gives consists merely of stereotyped repetitions of the Text and of the ancient expositions of it. The student has no suitable Commentary to consult. He has no time to read the lengthy standard commentaries even if he had the inclination to do so.

It is to meet these difficulties, that this Commentary has been specially prepared. An effort is made to give a fair, sympathetic statement of the meaning of each passage, as concisely as possible,

and show where the principles involved in the text apply to modern life, as regards government, religion and society. The aim has been to bring out in a clear light the many noble helpful utterance of the Ancients and, when errors appear, to correct them in a respectful but honest spirit. It is manifestly impossible to do more than give the gist of each passage, without making the commentary too cumbrous to serve as a manual for students who can only give a limited time to such study. Historical and literary allusions and illustrations beyond the range of the ordinary Chinese reader have been chosen, to stimulate thought and to encourage wide reading.

In interpretation the admirable Commentary of Chu Hsi has generally been followed. There are not a few passages however where one has ventured to differ from him.

Other standard works have been carefully compared and often quoted; as 羣義彙解, 西河合集, 四書正義, 論語集解義疏. Much labor has been spent in collating definitions and synonyms, geographical and biographical references: in doing this a debt is owed Dr. Legge's scholarly work. In style an attempt has been made to follow the advice of the majority of prominent educators consulted. At the request of Chinese students the names of foreign authors and historical persons mentioned are given in English as well as in Chinese.

An important point which cannot fail to impress every thoughtful reader of the Classics and which it has been the aim to keep before the student, is that there are many sayings, and principles of the Ancients which if carried to their logical conclusion, will lead the honest seeker after Truth to belief in Christianity. The remedy for the evils over which the great Sage grieved,—a remedy which he never found,—the realization of his highest aspirations, his ideals of individual character and of the nation, the mysteries which he could not penetrate, the meaning of Life and Death, and of the Great Sacrifice,—the answer to all of these is found, and found only in the Christian religion.

If this Handbook will prove of service to Chinese students in helping them to a better understanding of their Ancient books, and yet more important, lead them to grasp the Highest of all Truth, that Divine Wisdom which is the only lasting basis of moral character and national greatness, the labor which has been spent on it will be abundantly repaid.

HENRY M. WOODS.

Hwai-an-fu, May 1910.

PREFACE TO THE THIRD EDITION.

The present edition of the *Analects* has been carefully revised and considerably enlarged. A map of China as it was in the days of Confucius and a brief account of his life, have also been added.

The recent reaction in Government circles, favoring the establishment of a State religion and the advancement of the old learning, shows how far the Chinese people are from discarding the Classics, and how premature is the movement in some Christian colleges and schools to omit the Four Books from their course of study. Such a movement cannot but prove in the end to be highly prejudicial to the prosperity of the institutions which follow it: being sure to result in putting their students to a great disadvantage when competing in public examinations with students from government schools, where careful attention is paid to classical literature and to composition.

It would indeed be a calamity to China to return to the old idea of trying to make the Confucian books the Nation's guide in matters of religion, thus "putting new wine into old bottles." There can be little hope of real progress either for the individual or for the nation, whose face is turned backward, and whose ideals never advance.


But the other extreme of hasty judgment, of casting the old learning aside as wholly useless, is also to be carefully avoided. If Chinese students are to be trained to express their thoughts in vigorous and appropriate language, and are not to remain in ignorance of the fountain head of their literature, history and social and political institutions, then the Classics will ever be found indispensable.

No leader in the Christian Church, nor in secular affairs, can afford to be without a thorough knowledge of them. He must be able to show those whom he would influence that he stands for Christianity, not because he is ignorant of the beliefs of his native land, but because he has found in Christianity those eternal verities which satisfy the soul and which no other religious system can supply. And the more deeply and sympathetically he studies the Classics, the more fully will he be convinced of the Divine origin of the Bible, and that in the Christian faith is found the one complete, universal, and final message of the Creator to the human race.


The author will appreciate any criticisms or suggestions from Chinese or foreign readers, which will tend to increase the usefulness of this Commentary.

HENRY M. WOODS.

Hwai-an-fu, China, April 1914.



孔子生時支那古國變遷大國地界 國子小國
 斷線今時省界 紅線是老界



孔子生時支那古國邊線大國地界 國子小國地界
 斷線分時看界 紅線是老黃河

孔子、名丘、字仲尼。先世原屬宋人。父叔梁紇。母顏氏。魯襄公二十二年、卽主降世前五百五十一年、生於魯陬邑、屬今之山東兗州府。十九歲娶妻、生一子、名鯉、字伯魚。出身爲小官、職司糧食、曰、委吏。明年爲孟子所謂乘田、職係畜牧。二十二歲、始教弟子。往周洛城、屬今之河南、會老聃問禮。孔子年三十五、魯亂、昭公逃齊、孔子亦赴齊、始得聞韶樂。齊公不使用、遂返魯。是時定公在位、魯大亂、季桓僭權、陽貨叛逆、孔子十五年不得仕。退而修詩書禮樂。教多門人。公山弗擾以費叛、召孔子、子路阻而不去。年五十一、定公召爲中都宰、不久、道行風化、遂爲司空、又升爲大司寇、在職三年許、魯興善政。齊懼、謀陷魯、送以女樂、魯君臣卽淫樂、不理政事、孔子退而往衛、後往陳、遇危於匡、經曹與宋、至陳。居三年、反衛。靈公不用。佛肸欲召至晉、子路阻之。又反陳。往蔡遇難。及葉。楚王欲留孔子、其相阻之。又反衛。顏回不久去世。孔子終歸魯、年六十八、纂修易象、詩、書、禮、

樂。作春秋。教門人約三千。哀公十五年、子路死。十六年、孔子年七十二去世、葬於曲阜。其孫、伯魚之子孔伋、字子思、作中庸。

論語

論語、記孔子與弟子之言。此名何時始用無考、或以爲自秦朝起也。漢王充言自孔安國起、曰武帝得論語於孔壁中、皆名曰傳。孔安國以古論教晉人扶卿、始曰論語。論語非孔子弟子作、乃弟子之門生所集也。程氏曰、論語之書、成於有子曾子之門人、故其書獨二子以子稱。論語之原文有三、一屬魯、一屬齊、一復得於孔壁中、書以科斗文字、尋見於漢景帝時、卽主降生前百五十年、共分二十卷、所記頗爲足據、眞孔子與弟子所言也。蓋自孔子至秦、隔只有二百五十八年、其間孟子生孔子之後、止一百零七年、孔孟之間、亦有孔子孫孔伋子思相接、孟子既八十三歲去世、其於秦家相隔、不過五十年、秦紀既存不久、孔子至漢儒有不斷之緒、而論語書文所含之錯誤或辭矣。考論語作之時、必於主前四世紀之

學而第一 凡十六章

第一章

子曰、學而時習之、不亦說乎。

末、或於五世紀之始、其在秦紀之前否、無從考也。

學爲全書之大旨、人生之要務、須恆且熟、則可喜也。(子)夫子、指孔子言。(學)增進知識、古人以學包知及德、其法有二、讀書考物、及效法人。(時)常。(習)朱氏曰、如鳥數飛。(時)習常考熟而行之、如鳥動翹、時刻不息。(說)悅、喜。○實學含三要、一、所聞所見、當熟思以明其理。二、當篤行以得其效、不然、則虛而無益。三、須恆久而不已、則知識廣而日進。英國貝懇 Bacon 曰、知、能也。學而得之、豈不悅乎。

二節 有朋自遠方來、不亦樂乎。

見學之效及人、引同志者來、參考而並進。(朋)同類者。(樂)喜發於外、悅、存在內。○中世紀間、歐洲大學堂學博名高、引志學者遠來雲集、殷勤攻學、以至知識廣布、而歐洲重生、即

如義波卵亞、Bologna 法巴黎、Paris 英罌克士弗、Oxford 等也。

三節 人不知、而不愠、不亦君子乎。

第二章

有子曰、其爲人也孝弟、而好犯上者、鮮矣、不好犯上、而好作亂者、未之有也。

見學之效於己、使心內知足、不患無名（人）衆人（愠）憾（人不知）無聲名（君子）厚德之人。○其悅在有學有德、不在乎人之知己、縱無名、但有學、則以爲足而無憾。尹氏曰、學在己、知不知在人、何愠之有。此三節、義或一貫而漸增進。見孝弟至要、爲順服之德所本。（有子）孔子門徒、姓有名、若古解、善事父母爲孝、善事兄長爲弟。（犯上）干犯在上者。（鮮）少。（作亂）悖逆。○順服之德、乃守法與一切正行所本也、須始學於家、孝親敬長、然後國人對於治政者、學生對於教習、凡屬下者對於其上者、皆知敬重、無所逆亂、今民國成立、更當慎重、切勿托自由之說、背逆肆行、甚至道廢而國敗。

二節

君子務本，本立而道生，孝弟也者，其爲仁之本與。

孟德斯鳩 *Montesquieu* 曰：法嚴長幼之序，使幼者必受制於高年，此亦善俗防民之至術也。又曰：重嚴父治子之權，亦維持國俗之一大事也。

欲治事合宜，須主重其本，孝弟乃全德之本也。（務）專治。（本）根本。（仁）通謂全德。（爲仁）行仁（與）朱氏作疑辭，謙問，不敢直言。○本者，物之所由出而爲至要，本立，其道自生。本未立，道不能生也。大學曰：其本亂而末治者否矣。曰：孝弟爲諸德之本，謂仁愛須先行於家，然後可推廣及衆。○曰：孝弟爲本，止就人道言，就天道言，須推大本於上主，事上主，崇其救世之道，乃道德之極，孝弟之本。先孝天父，後孝家父，天理之序也。聖經云：敬畏上主，乃智慧之始基。智慧包括仁義道德見箴言一節

第三章

子曰、巧言、令色、鮮矣仁。

指偽飾與德不相合、人所當戒。(巧言)好聽、似有理。(令色)美觀、似有德。其實虛浮、故與仁德相反。○竊疑鮮字、當作無字解。

第四章

曾子曰、吾日三省吾身、為人謀而不忠乎、與朋友交而不信乎、傳不習乎。

曾子言修身之三、要為己所常務。(曾子)孔子門人、姓曾、名參、字子輿。(省)察。(忠)盡心、治人之事物、如己之事物。(信)篤實無偽。(傳)師傳之訓。(習)熟思而恆行。(不忠)則負人所託。(不信)則人不可靠。(不習)則學必無效。曾子以此三事、日日自察、改過而勉道。

第五章

子曰、道千乘之國、敬事而信、節用而愛人、使民以時。

言古人興政之五要。(道)治、指主政者言。(千乘)諸侯之國。其地可備兵車千輛。(敬事)重公事。朱氏作、主一無適之謂。(節用)儉省經費。(時)應時。(使民以時)乘民間暇時、用之作公役、農忙時不可使、亦不可勒取其船車驢馬等。○胡氏

曰、凡此數者、皆以敬爲主。○書經堯典舜典等、常主於敬、反復言之、以示其重要。○今另有二要、不可不謹。一、在位者不可深居畧內、當出外訪明公事、以免吏役蒙蔽而害政。二、凡官吏須得足用之俸祿、而此外毫不可取、以免中飽而虐民。少此二者、則政難興。

第六章

子曰、弟子入則孝、出則弟、謹而信、汎愛衆、而親仁、行有餘力、則以學文。

言少年修身之道、及文德之相宜。(弟子)少年(謹)留心、與放相反。(汎)廣而有餘。(親)近。(仁)仁人。(有餘力)盡職後之閒時。(以)用。(文)雅、與質相反、包括詩、書、六藝等。○少年當以孝弟爲首要、亦當懇切誠實、廣愛衆而交善人、職盡後以所有暇時攻文藝。○此教弟子以入德之門、德行爲本、文藝爲末、有文無德、卽如美積而內無寶珠、有德無文、則粗野先務德、後加文、則相宜而全備。

第七章

子夏曰、賢賢、易色、事父母、能竭其力、事君、能致其身、與朋友交、言而有信、雖曰未學、吾必謂之學矣。

第八章

子曰、君子不重、則不威、學則不固。

實學必有效果於行、貴乎守道盡職。(子夏)孔子門人、姓名商(賢賢)上賢字、動詞、慕人之賢。(易色)去私慾。(竭)盡(事君)今當作事國、人君有善惡、有可愛可惡、惟祖國豈能不常愛乎、愛國之情、乃天下君子所最崇尚、(致身)捨命。○言慕人之德而防私慾、事親能盡力、事國能捨身、交友能誠實、雖無文學可取、我卻曰、已深進道、有學之果也。○子夏知多人之學屬空論而無效於行、故言此。上章言人於暇時宜學文、此章承其義、見學之益、不獨在文字與空論、尤在備人於日用、盡職也。

論修身之數事、志士所當慎也。○容體莊肅(重)莊肅(威)令人畏。(固)堅實。人不莊重、則不免輕浮而人不敬畏、亦不能懇切求實、故學不堅。

二節 主忠信。

忠信爲要。(忠)盡心於所當守所當行，無虧於責任。(信)篤實，言行無僞。○有忠信，凡言可信而事能託。無忠信，則虛僞而諸事必敗。愛國重商務者，須謹於此。

三節 無友不如己者。

當慎交際以防損友。(無)毋禁止之辭。(友)動詞，以爲友。(不如己者)朋友知德不及我，交之不但無益，恐亦有損。聖經云，與智慧者往來，必得智慧，與愚昧德即無者相交，終至敗亡。見箴言十三章二十節

四節 過則勿憚改。

見改過之要，人宜勇於治己。(憚)畏。○察己過而改之，實不易，但不可畏難而退縮。若憚改，則惡日長。程氏曰：學問之道無他，知其不善，則速改以從善而已。

第九章

曾子曰：慎終追遠，民德歸厚矣。

論民德歸厚之方。(慎終)盡喪親之禮。(追遠)尊敬祖先。○考慎終追遠之方，須辨其虛實。行禮從實，乃真盡孝，行禮從

第十章

子禽問於子貢曰、夫子至於是邦也、必聞其政、求之與、抑與之與。

論語 學而第一

虛、非尊敬父母、反羞辱之。父母臨終、宜安其身、以天道之美訓慰其心。去世後、當從厚殮葬、修墳立碑、尤行善舉以誌念之、如設醫局、學塾、書院等、此正合上主之道、大裨益衆而尊敬祖先。世俗所用靈牌、祭祀、紙扎等物、既虛而無益、切不當行也。至於民德歸厚、當務德之大本、始可有成、上主卽道德之本、民心必歸回上主、守主真道、其德方能歸厚。瓦興滕

Washington 勸美國政府議院曰、國興本乎民德、民德本乎

宗教。宗教、卽基督
教世教也

見孔子善於問政、其得知、乃由於厚德。(子禽)姓陳、名亢。(子貢)姓端木、名賜、皆孔子門徒、或謂亢爲子貢門徒、無考。(是邦)某國。(抑)反辭。上下之與字、問辭。中與字、告給之意。言孔子或問而得知、或不問而人自告乎。

二節

子貢曰：夫子溫、良、恭、儉、讓，以得之。夫子之求之也，其諸異乎人之求之與。

第十一章

子曰：父在，觀其志；父沒，觀其行。三年無改於父之道，可謂孝矣。

第十二章

有子曰：禮之用，和爲貴。先王之道，斯爲美。小大由之。

（溫）柔和。（良）正直。（恭）莊敬。（儉）節制。（讓）謙遜。（其諸）朱氏作語辭。（人）他人。○言人見夫子好學，且仁敬懇切，則樂於告給，是孔子所以得知也。

言人子之孝否，憑何而知。（志）行之所自出者，主意。○父在，子必遵其命，而不得自主，所行或出於勉強，故當察其志，方可知其孝否。父不在，子始能自主，所行出於情願，而露其真意，故足憑以知其孝。尹氏曰：如其道，雖終身無改可也，如其非道，何待三年。○孝之真道，必令人爲善，非不辨父之善惡，而盲從之。父有所當改而改之，則真爲孝。范氏曰：子能改父之過，變惡以爲美，則可謂孝，頗中理也。

行禮貴乎從容，尤始終主於敬。（禮）儀文。朱氏曰：天理之節文，人事之儀則。（和）從容不迫之意。（由）從。○行禮當戒其

二節

有所不行、知和而和、不以禮節之、亦不可行也。

第十三章

有子曰、信近於義、言可復也。恭近於禮、遠恥辱也。因不失其親、亦可宗也。

第十四章

子曰、君子食無求飽、居無求安、敏於事而慎於言、就有道而正焉、可謂好學也。

偏、禮太過則迂拘而不合。從容、則動人而合宜。此古王所尚、後人凡事皆從之。

(知和而和)和從容之美而行之。(以禮節之)以禮之本意制之。○從容雖貴、不可專主於此。恐禮歸於虛文、當主其本意、而昭恭敬、則合宜。范氏曰、敬者、禮之所以主也。

見交人接物、當慎之於初、則無悔於後。(信)約。(復)踐。(恭)敬發於外。(禮)節文。(遠)動詞。(因)所依者。(宗)主、或師。○立約以理、然後能踐之。敬人以禮、可遠離羞辱。所依者若是當親之人、則可以為師。如此謹慎、必免後悔。

見志學者主於道而不役於物。(無求安飽)不求身之宴逸、不役於物。(敏於事)行事懇切。(慎言)知言語間易失、故抑制之。(就有道)親近善人以正己。如此重道、可稱好學。尹氏

已。

第十五章

子貢曰、貧而無諂、富而無驕、何如。子曰、可也。未若貧而樂、富而好禮者也。

二節

子貢曰、詩云、如切如磋、如琢如磨、其斯之謂與。

曰、君子之學、能是四者、可謂篤志力行者矣。

以貧富相較、見其進道不等。(詔)自屈而媚人。(樂)雖物無可樂、仍能樂道。(好禮)不迷於財、而知理所當然。(無詔無驕)能去貧富之常病。(貧而樂富而好禮)又進一步、不徒能無其病、且又能加其德、故尤爲可嘉。朱氏曰、子貢先貧後富而欲自守、故孔子許其所已能、而勉其所未至。

子貢引詩、見人於修道、當常勉進、治己、宜日求精。○詩、衛風淇澳之篇。(切、磋、琢、磨)四者、匠人以器治物之事。朱氏曰、治骨角者、既切而復磋、治玉石者、既琢而復磨、治之已精、而益求其精、子貢自以無詔無驕爲至矣、但聞夫子之言、始知道德之無窮、雖有所得、不可以爲足、必復勉進其極、故引詩以明之。

二節

子曰、賜也、如可與言詩已矣、告諸往而知來者。

第十六章

子曰、不患人之不己知、患不知人也。

爲政第二 凡二十四章

第一章

子曰、爲政以德、譬如北辰、居其所、而衆星共之。

論語

爲政第二

孔子稱子貢明通、足與論學也。(可與言詩)今爾足以同論詩。(往)所已言。(來)所未言。(知來者)憑所告推其所歸、卽聞一知二之意。公治長第八章○朱氏言此章見學者不可安於小成、而不求道之極致、亦不可驚於虛遠、而不察切己之實病、見君子所慮、在己不在人、不圖名、惟求增進知識。(人不己知)雖無名譽、亦不問。(不知人)不辨其真僞、不知交際之宜、則治事無所成也。

孔子示德政之大感力、以北辰爲譬。(北辰)北極星、照遠而所謂衆星之樞紐。今天文家稱阿勒法(Alpha)乃二等之星、屬小熊之宿。(居其所)不移動。(共)猶作拱、朱氏作、向。(共之)以其爲主而旋繞之。○古天文家以所名北極星者、正

第二章

子曰、詩三百、一言以蔽之、曰、思無邪。

第三章

子曰、道之以政、齊之以刑、民免而無恥。

二節

道之以德、齊之以禮、有恥

中北極而爲天樞、後世考驗尤確、知其離北極一度二十五分而漸近之。○爲政以德、則無所不感、生與大治、死貽模範於後世。以中國堯舜、英國大阿孚德 Alfred the Great 克墨衛 Cromwell 美國瓦興滕 Washington 爲式。

言詩經崇正之意。詩三百（三百十一篇、言三百、大約之數）（蔽）蓋（思無邪）魯頌駟篇之辭。范氏曰、經禮三百、曲禮三千、可以一言蔽之、曰、毋不敬。

爲治民之具、道德美於法令（道）引導（政）法令（齊）使民歸一（免而無恥）惟苟免刑、非以作惡爲恥。○禁令刑罰、只令民畏懼、而其守法出於勉強、雖不敢作惡、其作惡之心仍在。

（禮）主理所當然（格）歸正。○上者欲使民歸道、當先率之

且格。

第四章

子曰、吾十有五、而志于學。
三十而立。四十而不惑。五
十而知天命。六十而耳順。
七十而從心所欲、不踰矩。

以德、然後民感化、不但恥於作惡、且有志從正。朱氏曰、政刑雖不可偏廢、然不過使民遠罪而已、惟德理能使民日遷善。法國孟德斯鳩·Montesquien 法意書、言公法本乎人心所秉之天理、故欲使民守法、不可不以理義引之也。

孔子言己一生進道之階。(學)朱氏作、大學之道、或通言諸知。(立)固立於所學。(惑)疑。所志之道、篤信無疑。(天命)當解上主所命。(耳順)不違所學者。(踰)越。(矩)朱氏曰、法度之器、所以爲方也。○孔子於此示進道之階、一、年少時勉學。二、堅立於所學。三、中年信道而除疑。四、知人之禍福、一切世事、皆上主所定。五、安於天命所定之休戚。六、心所欲不外乎倫常。○當審孔子自言不踰矩、未言不踰天道、蓋就天理言、世間未有能全守天道而無過者、各國聖賢皆明認己之有

第五章

孟懿子問孝，子曰：無違。

二節

樊遲御，子告之曰：孟孫問孝於我，我對曰：無違。

三節

樊遲曰：何謂也？子曰：生事之以禮，死葬之以禮，祭之以禮。

非，如希臘瑣克而替 *Zocrates* 猶太聖保羅 *St. Paul* 聖約翰 *St. John* 及近世法國怕四加利 *Pascal* 等，其歎道之無窮，與己多不及，並非僞謙之言，乃憑實而證也。孔子此言，見非生而知之也。

論孝道，原主於敬，而以順服爲方。（孟懿子）魯大夫，名何忌。（無違）無所背理。

（樊遲）孔子門徒，名須。（御）爲孔子趕車。（孟孫）仲孫，即孟懿。○孔子恐懿子不明所言，僅以不違父母之命爲孝，故告樊遲，使轉告之。

考孝道之實，父母在，當盡力事之，即敬愛、供養、順服。邇上主之誠曰：當孝敬父母，使爾得長壽。在爾主耶和華所賜之地。
出埃及記二十章十二節、馬太十五章四節 父母不在，當從厚備棺修墓等事，尤

第六章

孟武伯問孝，子曰：父母唯其疾之憂。

當盡力守道，使上人之名無損。至於靈牌祭祀等物，全不當用，不徒與亡人無益，尤爲不合天道。夫祭祀無益，乃顯而易見，試問亡人能來食之乎？且奉物於祖先而後自食之，何足謂敬乎？亦何止祭三代之祖，而不顧前代乎？又何忍自食，每日三餐，而供上者，一年止數次耶？或曰：惟欲盡心而已，答：心非由虛事而盡，必由實事而盡也。卽如捐款助醫院、濟醫、啞、癡、瘋、孤、嬰等局，如此則真盡孝也。

言人子當念父母之愛，以勉孝而報恩。（武伯）懿子之子，名懿。（伯）長子之稱。（唯）惟慮。○除上帝之愛外，未有大於父母之愛者，子有病，父母朝夕憂慮，專以救子爲心，人子念父母之恩，實當盡心事奉以報之。○有註唯作惟，獨，解人子能使父母不以其陷於不義爲憂，而獨以其疾爲憂，乃可謂孝。

第七章

子游問孝。子曰：「今之孝者，是謂能養。至於犬馬，皆能有養。不敬，何以別乎？」

第八章

子夏問孝。子曰：「色難。有事，弟子服其勞，有酒食，先生饌。曾是以爲孝乎？」

第九章

子曰：「吾與回言終日，不違，

義最佳也。

見孝道主於敬愛，不僅在供養。（子游）孔子門徒，姓名，名偃。（養）供食。○供養父母實爲要，但止於此，則無異於養畜類，當常主敬愛而奉養，則爲孝矣。

見人子事親，當有敬愛發現於容。（色難）喜悅之貌爲難。（食）飯。（先生）父兄。（饌）使飲食之。（曾）嘗。○人子事親長，不但宜服勞供食，亦當甘心事奉，而表明之於容貌，愁容露出無甘心，但喜容表明有愛心，而真爲孝矣。○程氏言，孔子與門人論孝，就各人所失而告之。告武伯，以其多可憂之事。告子游，因其能養而或失於敬。告子夏，以其能直義或少溫潤之色。

稱顏淵敏切而通理。（回）孔子門徒，姓顏，名回，字子淵。（不

如愚、退而省其私亦足以發、回也不愚。

第十章

子曰、視其所以、

二節

觀其所由、

三節

察其所安、

四節

人焉廋哉、人焉廋哉。

（違）聽道不辨駁、不問難。（私）離師獨居之所爲。（發）顯明。○其貌似愚、但察所行、可知其通理、能發明夫子之訓、是回實不愚也。

言三事可憑以知人之實也。（所以）所行。行在外、而易僞、故不可獨憑之。

（觀）比視加詳。（所由）行之所因、卽本意。此在內而相近、但或出於勉強、故亦不足憑之。

（察）比觀又加詳。（所安）心之所喜而居之。以此可徹底、而知人之實。以由、安、三者自外入內而漸進。

（焉）何。（廋）隱藏。○見人之善惡、不能久藏、其實或早或晚、不免出露。重言、切警之意。見路加十二章二節。哥林多前書四章五節。

第十一章 子曰、溫故而知新、可以爲師矣。

第十二章 子曰、君子不器。

第十三章 子貢問君子、子曰、先行其言、而後從之。

第十四章 子曰、君子周而不比、小人比而不周。

言學之全備、在習舊而加新。(溫)重考、則熟而不忘。(故)舊所得。(知新)新所加、則見識廣、而有以教人。獨通古則無備今事。古新並進、則通達全備。○竊意昔之學、病於溫故而輕新。今之學、恐專新而棄故。

見君子有周備之用。(器)朱氏言、各應其用、不能通用。○君子學博德厚、故其用無不周、不止有一材一藝。

見言之相宜、尙行而先之、輕言而後之。○世人之常病、易言而難行、惟君子知行之難言之易、故先行而後言。

言君子小人有廣狹公私之分。(周)普徧、見識廣而友情通。(比)偏黨、見識淺而心情私。○君子體量大衆、小人獨顧一己。惟周、由博學而得比、因淺學而生、今學者當深玩之、切勿

黨爭、惟顧大局、務求公益。

第十五章

子曰、學而不思、則罔。思而不學、則殆。

見學思彼此相待、相離、則各有所損。(罔)無。(殆)危。(學而不思)多聞見而不究其理、則學無效果、正如進食而不消化、則無益於身。(思而不學)則無以制思而不免狂亂。如馬之無韁、船之無舵。○十八世紀法國改政時、王公大臣、自傲虐民、不知時變、以至喪國、卽學而不思。法民兇猛放蕩、無所不爲、乃思而不學。近滿清時、拳匪狂亂、搆禍、王公廷臣迷從、陷國亡身、亦足爲鑒。

第十六章

子曰、攻乎異端、斯害也已。

孔子指異端之害、警人防之。(攻)專治。(異端)與正道相反。○凡不認上帝爲主、不合上帝之道者、卽爲異端。○程氏曰、佛氏之說、比楊墨無父無君之言、猶爲近理、故其害爲甚、學者當如淫聲美色以遠之。

第十七章

子曰、由、誨女知之乎、知之

見學當篤實而無僞飾。(由)孔子門徒、姓仲、名由、字子路。

爲知之、不知爲不知、是知也。

第八十章 子張學干祿。

二節

子曰、多聞闕疑、慎言其餘、則寡尤、多見闕殆、慎行其餘、則寡悔、言寡尤、行寡悔、祿在其中矣。

第十九章

哀公問曰、何爲則民服、孔子對曰、舉直錯諸枉、則民服、舉枉錯諸直、則民不服。

(女)汝。○孔子問子路、欲吾教爾實學之道乎。所知、當確知而不疑、所不知、當以爲不知而求得之、如此、則學可固、而無僞飾之病。子路造次、其學有不達、而近於虛飾、故以此救之。見學宜主於自修、不主於祿。(子張)孔子門徒、姓、顓孫、名師。(干)求。(祿)官俸。

(闕)置於一旁。(疑)所未信。(尤)過失。(悔)自責。○朱氏曰、多聞見、學之博。闕疑殆、擇之精。謹言行、守之約。以知德爲心、則不求而俸祿自來。程氏曰、修天爵、則人爵至、君子言行能謹、得祿之道也。此孔子欲救子張之病、引其正道、而不求利。上者欲令民順服、當升善而降不善。(哀公)魯君之諡、名蔣。上章常謂子曰、此章初謂孔子曰、(對)指與上言、敬上之意。○國家立官、德爲至要、民之順逆、在官之善不善。升善降不

第二十章

季康子問使民敬、忠、以勸、如之何。子曰：臨之以莊，則敬。孝慈，則忠。舉善而教不能，則勸。

第廿一章

或謂孔子曰：子奚不為政。

二節

子曰：書云：孝乎，惟孝友于兄弟，施於有政，是亦為政，奚其為為政。

第廿二章

子曰：人而無信，不知其可。

語

為政第二

善，則民安而國可興。不善者升，則政乖而民必亂。箴言曰：義人掌權，民皆喜樂。惡人發達，民都歎傷。見箴言二十九章二節

見上者為所當為，民則效法而守道。（季康子）魯大夫，姓季孫，名肥。（使）有強迫之意。（莊）端肅。（勸）自勉。見中庸二十三節

三則字，皆見自然之意。○在位者接民以禮，則民必敬；孝親恤衆，則民必忠；升善而教無才者，則民受感動，自勉於善。

見人欲助政，不必事官職，隱居而守道亦是也。

（書）周書，君陳篇。（書云孝乎）書經言孝道如何。（友于兄弟）盡昆仲之倫。（其）指官位言。○孔子引書經，見孝弟為政治所本，其隱居而行倫常，乃若為政耳。定公初年，孔子不在位，其不仕之由，不便言，故以此推託。

見信實乃人不可少，無則為棄才，無所成也。（大車）平地裝

見信實乃人不可少，無則為棄才，無所成也。（大車）平地裝

見信實乃人不可少，無則為棄才，無所成也。（大車）平地裝

見信實乃人不可少，無則為棄才，無所成也。（大車）平地裝

見信實乃人不可少，無則為棄才，無所成也。（大車）平地裝

見信實乃人不可少，無則為棄才，無所成也。（大車）平地裝

也。大車無輓，小車無軌，其何以行之哉。

載之車。(輓)音尼，車前駕牲之橫木。(小車)田車，乘車。(軌)音月，與輓相似。車無輓軌，不能動而無用。人無信實，則無以立而枉居人世。

第廿三章 子張問十世可知也。

言道之大端，永無更改，後世可因前世而知。(世)三十年，或作百年。(也)作乎。○子張問十世後之事，可前知否。

二節

子曰：殷因於夏禮，所損益，可知也。周因於殷禮，所損益，可知也。其或繼周者，雖百世可知也。

(殷)商朝名，自盤庚起。(因於)本乎。(損)減。(益)加。(其)他朝。(繼)接續。○謂殷本乎夏，周本乎殷，其道之大旨皆同。所異，即所加減，不過禮之末節。○馬融曰：所因，謂三綱五常。所損益，文質三統。朱氏曰：夏尚忠，商尚質，周尚文。三綱五常，道之大體，三代所不更變。有所加減，不過儀文制度。故因往推來，雖百世之遠，亦可知也。

第廿四章

子曰：非其鬼而祭之，諂也。

見人行禮，當戒諂媚。(鬼)死人之魂。(非其鬼)非己家之祖

二節 見義不爲、無勇也。

八佾第三 凡二十六章

第一章

孔子謂季氏、八佾舞於庭、
是可忍也、孰不可忍也。

論語

八佾第三

考、祭之、乃諂媚、不當行也。○古人祭鬼神、原因誤以死人有待於後人供養、亦掌禍福之權、其實亡者不知所祭、而無權降災賜福、上主乃永生之天父、專掌世人之禍福、故務當孝敬、而不奉一切鬼神。

見人當勇於行義。(義)屬理所當然。○惜世人有膽行惡、而無勇行善、知世俗劣而不改、天道真而不從、即所謂無勇矣、當思君子之勇、高於武夫、而主於理義、中國後來能興、非因勇於兵力、必因勇於道德。

季氏用君禮、孔子深責其僭妄。(季氏)魯大夫、姓季孫、即季桓子。(佾)舞列。皇帝有八、諸侯六、大夫四、士二。(忍)容。(孰)何事。○季氏爲大夫、當用四佾、其用八佾、是僭君之尊、故孔

第二章

三家者以雍徹。子曰：相維辟公，天子穆穆，奚取於三家之堂。

第三章

子曰：人而不仁，如禮何？人而不仁，如樂何。

第四章

林放問禮之本。

子曰：大哉問。

禮與其奢也，寧儉。喪與其

子深責之曰：此事自容爲，後何事不容爲乎？指其非禮之甚。孔子病大卿非禮，僭用君詩。（三家）皆魯大夫、孟孫、叔孫、季孫。（以）用。（雍）周頌篇名。（徹）撤，祭完收器具。（相）助。（辟公）諸侯。（穆穆）隆重貌。（奚）何。○君禮收器，應唱雍詩，是時三家僭用，孔子引詩指其獨關君事，與大卿無涉，是三家之僭尊也。

見人若無道德，其行禮樂，則不合宜。○有德而外加文雅可也，無德而行禮樂，則如朽屍粧飾以盛服，或按聖經言，如寶珠在猪之喙，全不相合，可醜也。

行禮儀當主其本意，其不足，強於有餘。（林放）魯人。（禮）上禮字，通謂諸儀文。下禮字，專謂吉事之儀文。（易）繁文。（戚）深哀。（奢、易）禮之有餘。（儉、戚）禮之不足。○林放知俗禮徒

易也、寧戚。

第五章

子曰：夷狄之有君，不如諸夏之亡也。

第六章

季氏旅於泰山，子謂冉有曰：女弗能救與？對曰：不能。

論語

八佾第三

務繁文而失大本，故問之。孔子答：禮儀所貴，在表人之情也。慶事宜表喜樂，喪事宜表哀傷，且禮儀不足強於有餘，禮儀不足，本意仍能發見，禮儀太過，本意必失，而心情蔽於繁文，惟禮儀足以表明人之情，則得其當也。

孔子歎當時之亂，謂本國不如外野者有道。（夷狄）野人，東曰夷，北曰狄。（如）似。（諸夏）中國之諸邦。（亡）無。○指夷狄有道，能忠其上者，非若我列國僭亂，違背其上。尹氏曰：亡非實亡，雖有之，不能盡其道爾。○今共和成立，當審平等自由之旨，並非各任憑其意，違命怠慢上者，乃尤宜順上守法，以免共和廢敗也。

孔子病季孫祭泰山僭禮。（旅）祭名。（泰山）屬山東泰安府。（女）爾。（救）救其非禮。（嗚呼）歎傷辭。（曾）則季氏祭泰山。

子曰、嗚呼、曾謂泰山、不如林放乎。

第七章

子曰、君子無所爭、必也射乎、揖讓而升、下而飲、其爭也君子。

第八章

二節

子夏問曰、巧笑倩兮、美目盼兮、素以爲絢兮、何謂也。子曰、繪事後素。

乃僭君之尊。○古人誤以爲山川各有其神。所謂神者、不過君封之亡人而已。但世人豈能封天上者乎。今蒙天道昭垂、可知世人當敬之神惟一、卽造化真主、無所不在、而山川萬物、皆所歸屬、故天下人當專事之、而棄他神。○孔子稱林放知禮、但泰山不能阻季氏妄祭、則不如林放明達、此足見鬼神之不靈、通學者所不當奉矣。

見君子恭遜而不爭。(升)上射箭之臺。(下)下臺。(飲)使輸者飲。○古例、同人比射、作揖三次、後行諸禮、而罰輸者飲酒。君子所爭、止在巧與才、且謙和而循禮、與小人全相反也。

見道德爲質而首要。禮儀爲文而次要。(倩)腮上小窩。朱氏作口輔。(盼)目之黑白分明。(素)朱氏作粉地。畫之質。(絢)采色。畫之飾。(繪事)繪畫之事。(後)動詞。(後素)後於素事。

三節

曰、禮後乎。子曰、起予者商也、始可與言詩已矣。

第九章

子曰、夏禮吾能言之、杞不足徵也、殷禮吾能言之、宋不足徵也、文獻不足故也、足則吾能徵之矣。

第十章

子曰、禘自既灌而往者、吾不欲觀之矣。

(禮後)禮儀當居道德之後。(起予)發我之意。(商)子夏名。(詩)上二句衛風碩人之二章、其下一句逸也。○子夏引詩而問其義。孔子言治繪事、先須備質、然後加文。子夏悟其意、謂先當修德、後加文雅。孔子稱其明理、可與敍論詩也。

孔子歎書籍沒、賢人亡、因而往古多不足據。(杞)小國名、夏朝後。(宋)亦小國名、殷朝後。(徵)證。(文)書籍。(獻)賢人。○謂二代之禮儀章程、我皆能述、但無以足證之、因書籍賢人多亡失故也。

孔子歎禮儀之衰、失敬而無足觀也。(禘)上古祭上主之大禮。趙伯循曰、禘、王者之大祭、推始祖所自出之帝、祀之於始祖之廟。依此、推而又推、始祖所自出者、豈非造化真主乎。(灌)祭之初、以酒倒地。(而往)以後。○時人行禮、疎怠無敬。

第十一章 或問禘之說。子曰：不知也，知其說者之於天下也，其如示諸斯指乎其掌。

故不足觀。

見禘含神妙之意。(說)解。(示)視。(其如示諸斯)是事易如觀此。○有人問禘之意於孔子，孔子答，不知其說，人若知之，則能化天下而興大治，易如反掌。○考禘之解，原係祀上主之大禮，趙氏明證非敬君之祖先，乃敬始祖所自出之帝，即上主也。且考天下古史，知各國有祀上主之大禮，是上主太初時，自命於天下人之始祖者，其意本屬認罪，求赦，特預表上天救世之大祭，即基督捨身替萬代贖罪，惜世人早忘記上主，而以其祭祀轉奉承君之祖先，至孔子時，禮存而意亡，只隱知其包含奧妙而有關挽回天下，明其意者，能興道德而化天下也。夫禘若僅係敬君之祖先，其說不難，孔子奚曰不知乎。且於挽回天下有何干涉耶。但原係上主之大祭，孔

第十二章 祭、如在。祭神、如神在。

二節 子曰、吾不與祭、如不祭。

第十三章 王孫賈問曰、與其媚於奧、寧媚於竈、何謂也。

二節 子曰、不然、獲罪於天、無所

子曰不知不足怪、因本意早失、而世俗溺於敬鬼神之迷、且既包括上主贖罪之意、其所關乎挽回天下、乃密切、蓋除上主救世道外、有何法能成此大事乎。如此解、孔子之言、不但見有奇妙之意、今欲化民而興國、幸在古祭祀所預表之救世道、備有靈驗之方也。

見人行禮、當主於恭敬。○二如字、明顯鬼神不在、故敬之無益、天下人當敬之神惟一、乃無所不在、永生之主、專事上主、奉其救世之祭、莫非報本修道之大綱也。

(與)在。○行禮而人不與在、是屬輕忽、而禮成具文矣。

言人枉道爲非、而奉鬼神以飾過、是乃無益、罪不可免也。

(王孫賈)衛大夫。(媚)奉承。(奧)室西南隅。(奧、竈)古俗所敬之虛神。○孔安國言、王孫賈當時佔權、而欲孔子奉承之、

禱也。

以輿喻君、以竈喻己、曰媚輿不如媚竈、指孔子敬君不如奉承己也。○孔子所答最美、謂人得罪上天、而奉鬼神以避刑罰、乃徒然無益、無所避也。○古人言天、未免含混、不辨其物與物之大君。因此後人忘記上主、而誤敬天地。上主非天亦非理、乃創造管理天地人物者。曰天而不明認上主、卽如人子曰家而不明認家父、何足爲孝乎。○此章指世人之常病、不願改過、反欲媚虛神、以圖粉飾而免惡報、不知乃愚而自欺、蓋上主無所不知、人所不能欺、終必以真情、按人之善惡而報應之。爲免罪之計、宜痛改前非、賴上帝贖罪之法、方可有成。啓示錄二十二章、十二節、行傳三章、十九、二十六節。

第十四章 子曰、周監於二代、郁郁乎

文哉、吾從周。

商。(郁郁)文雅全備。

孔子稱周朝制度、文雅全備、乃己所從也。(監)觀。(二代)夏、

第十五章 子入太廟，每事問。或曰：孰謂鄫人之子知禮乎？入太廟，每事問。子聞之曰：是禮也。

第十六章 子曰：射不主皮，爲力不同科。古之道也。

第十七章 子貢欲去告朔之餼羊。

二節 子曰：賜也，爾愛其羊，我愛其禮。

見孔子問廟中一切，是即循禮。（太廟）魯周公廟。（鄫）魯邑名，孔子父叔梁紇，向爲鄫邑大夫。○孔子問禮儀，非屬閒玩，乃其好學，且表恭敬，故曰是禮。

以譬見才美於力，射主於中，不主於貫皮。（皮）侯靶。（科）等。○周朝原崇禮，但國衰禮廢，列國紛爭而尙力，故孔子言此，以輕力而尙德。○古人以爲人之德，可憑其射而知，但不足據，古時最善射者，不見有德，如羿、逢蒙等。

見孔子謹守古禮，雖衰亦不忍廢棄。（去）除。（告）告於祖廟。（朔）月之初一。（餼）生牲。古人每月朔，以生羊獻於祖廟，當時司祭者疏懈而禮廢，故子貢欲去之，孔子以爲若去，則告朔之禮全廢，但存之，則禮儀或可復興，故譏子貢惜羊不

第十八章 子曰、事君盡禮、人以爲諂也。

第十九章 定公問君使臣、臣事君、如之何。孔子對曰、君使臣以禮、臣事君以忠。

第二十章 子曰、關雎、樂而不淫、哀而不傷。

第二十一章 哀公問社於宰我、宰我對

願禮也。

孔子指世人疏忽、禮得其宜、以爲諂媚。○當時俗衰禮廢、孔子盡職崇禮、人以爲太過而諂媚。孔子言此以責之。

言君臣相交、各有所當謹之德。(定公)魯君、名宋。○君易恃威權而輕其臣、卽失禮。臣易營私而不奉公、卽失忠。君主禮臣主忠、則相交合宜。法國孟德斯鳩 *Montesquieu* 言上者交臣民、宜常昭恭敬、切不可於衆人前輕藐臣下、恐激生難息之怨。

稱詩經首篇之正、哀樂各得其當。(關雎)詩首篇名。○人情易偏而過分、樂易至於淫、哀易至於傷。惟此詩、哀樂各得其正、故孔子美之。

孔子歎宰我論社、妄說無忌、恐令上者殘害其民。(社)所謂

曰、夏后氏以松、殷人以柏。
周人以栗、曰、使民戰栗。

二節

子聞之曰、成事不說、遂事
不諫、既往不咎。

第廿二章

子曰、管仲之器、小哉。

二節

或曰、管仲儉乎。曰、管氏有
三歸、官事不攝、焉得儉。

土地之神。(宰我)孔子門徒、名予。(夏后氏)指大禹。(殷)商
盤庚時遷都於殷、故此稱。上栗、樹名。下栗、驚懼之意。○古時
社壇前栽樹、各因其土所適也。哀公問之、宰我答、大禹以松。
殷以柏。周以栗、特威駭其民。隱指古者殺人於社前之例。
(遂事)事已起、無法可阻。(咎)歸罪。謂妄言已出、不能復回、
故責之無益。○孔子指宰我妄說、恐令哀公苛虐其民、但言
已出、則無法挽回、不必追究矣。

孔子深責管仲僭君之禮。(管仲)齊大夫、名夷吾、助桓公霸
諸侯。(器小)度量淺狹。

(三歸)臺名、或作三妾。(攝)兼治、其家臣各專一事。○或人
疑器小謂吝嗇之意。孔子答、既有三歸、而多用家臣、奚謂儉
乎。

三節

然則管仲知禮乎。曰：邦君樹塞門，管氏亦樹塞門。邦君爲兩君之好，有反坫，管氏亦有反坫。管氏而知禮，孰不知禮。

第廿三章

子語魯大師樂，曰：樂其可知也。始作，翕如也；從之，純如也；皦如也；繹如也；以成。

第廿四章

儀封人請見，曰：君子之至於斯也，吾未嘗不得見也。從者見之，出曰：二三子，何患於喪乎？天下之無道也。

然則云云，亦或人之問。（然）既是如此。（曰）孔子答。（樹）屏（塞）蔽門前立屏蔽之。禮，諸侯用屏，大夫用簾。（好）兩君相友會。（坫）土几。飲酒反杯於上。此諸侯宜專用，而管仲僭用之。○苞氏曰：或人聞不儉，更謂爲得知禮也。孔子指管仲以樹與反坫，是僭用上者之禮，故曰不知禮。

論奏樂之法。（語）告。（大師）樂官長。（翕）合。（從）放。（純）和。（皦）分明。（繹）如水順流不絕。（以成）至終。○言始，樂器皆一齊作音，繼相和而清朗，順流不絕以至終。

封人稱孔子，後必有布道醒世之大任。（儀）衛邑名，屬今之河南開封府。（封人）守封疆之官。（君子）賢人。（從者）從孔子者。（見）使得見。（二三子）衆弟子。（喪）失位。（木鐸）朱氏解，金口木舌之器，用以驚衆，而布政教。○謂衆弟子曰：今雖

第廿五章

久矣。天將以夫子爲木鐸。子謂韶、盡美矣，又盡善也。謂武、盡美矣，未盡善也。

第廿六章

子曰：居上不寬，爲禮不敬，臨喪不哀，吾何以觀之哉。

里仁第四 凡二十六章

第一章

子曰：里仁爲美，擇不處仁，焉得知。

論語

里仁第四

道廢俗衰，何必慮夫子無位乎？彼將有布道驚世之職也。

以韶武之樂相較，見韶之全美。（韶）舜樂。（美）隆盛。（善）有益於德。（武）武王樂。○舜帝時，道德興盛，其樂相稱，故曰盡美盡善。至武王時，常動干戈，其樂雖美，頗有武氣，令人好戰，故不全善。

治事而忽其本意，則廢敗無足述也。（居上）居高位者。○居上主於仁。禮主於敬。喪主於哀。若仁、敬、哀，皆無，則事各失其當，而無足觀，可勝歎哉。

知者選宅，以德隣爲貴。（里）五家爲隣，五隣爲里。（仁）通謂道德。（知）智慧。○人之於善惡，不免效法其所相交者。里仁，必習其善而得益。里不仁，則染其污而受損。故擇里不可不

知者選宅，以德隣爲貴。（里）五家爲隣，五隣爲里。（仁）通謂道德。（知）智慧。○人之於善惡，不免效法其所相交者。里仁，必習其善而得益。里不仁，則染其污而受損。故擇里不可不

第二章

子曰、不仁者、不可以久處約、不可以長處樂、仁者安仁、知者利仁。

第三章

子曰、惟仁者、能好人、能惡人。

第四章

子曰、苟志於仁矣、無惡也。

慎。傳言孟母三遷、可以爲表。

見人遇大順逆、非有厚德、不能久守正。(仁)通言盛德。(約)窮困。(利)動詞、以爲利而求之。○有德、則有所以抑欲而守正。無德、心無管束而易敗、暫處貧樂或可、但久處、不免喪德。久樂必至於淫蕩。久困則怨天害義。(安仁)居德而寧。(知者利仁)明人貴德而求之、如大學言、以義爲利。朱氏曰、二者雖深淺不同、然皆非外物所能奪矣。

惟厚德者之心情、發之以正。(惟)獨。○人若無德、其愛惡不主理而偏發。獨善人之情、各得其正、當愛則愛、當惡則惡。○當辨明、非惡人、乃惡其惡、亦必引之改以遷善。

言志必堅立於道、然後不陷於惡。(苟)如果。(志)心之主、行之所由發。○志未定、則易陷於惡。志堅立於道、則能固守而

第五章

子曰、富與貴、是人之所以欲也、不以其道得之、不處也。貧與賤、是人之所以惡也、不以其道得之、不去也。

二節

君子去仁、惡乎成名。

三節

君子無終食之間違仁、造次必於是、顛沛必於是。

第六章

子曰、我未見好仁者、惡不

防惡。楊氏曰、苟志於仁、未必無過舉也、然而為惡則無矣。

言君子於富貴貧賤、必主於理義而取捨、不以其道得之、富貴雖人所皆求、理不當得、則不取。貧賤雖人所皆嫌、理不當去、則不去。其休戚終以道而處也。

（惡）何。君子所以為君子、在乎守道、若離棄道德、何能成其名乎。

君子一刻不離道、雖遇危難、固守不棄也。（終食）一飯時。（造次）慌急時、道易忘。（顛沛）危險時、德易棄。君子寧死、不失其正、無論何時何在、始終持德、而不失、如孟子舍生取義之美說。

孔子歎世人不好善惡惡。（未見）猶謂沒有、（尚）崇。○孔子

仁者、好仁者、無以尙之。惡不仁者、其爲仁矣、不使不仁者、加乎其身。

二節

有能一日用其力於仁矣乎、我未見力不足者。

三節

蓋有之矣、我未之見也。

歎未見好善惡惡之人、曰、世人如眞愛道德、必崇之過於一切寶物。若實恨惡、必謹防之、而毫不許臨其身。惜乎世人非如是也。聖經云、世間未有一完全義人、能常爲善而無罪也。孔子此言最眞、其間可見上主救世之道、乃天下人不可少、特以正人之心、使之好仁惡不仁也。

人專賴己之力、則不能守道。○（力不足、愚疑不字誤傳。似與上句之意不合。孔子問、誰能一日去不善而全然守道乎、卽謂人不能也。若曰力未有不足、奚問一日能乎。羅馬國詩士歎世人行善無力、作惡有能、曰、我雖稱美德善、嗚呼、仍從不善。此言確實、萬代所證也。幸聖經云、人所不能者、上主果能也。賴上主之大能補人之弱、則力足也。哥林多後書四章七節、十二章九節）（有之矣）有此等人。○孔子重言未見、以甚世人不好善惡

第七章

子曰、人之過也、各於其黨、
觀過、斯知仁矣。

第八章

子曰、朝聞道、夕死可矣。

第九章

子曰、士志於道、而恥惡衣
惡食者、未足與議也。

論語

里仁第四

惡也。

人之過與德同類、見其過、可知其德也。(黨)等類。考人之過與德、正則爲德、偏則爲過、卽如愼爲德、其過分則爲怯。厚爲德、其過分則爲奢。儉爲德、其過分則爲吝。見人怯、可知其慎。奢、可知其厚。吝、可知其儉。是觀人之過、可知其德也。

人信天道、有備於死、而後無患。(朝夕)謂死際之近。(道)宜解天道。非世間平常事物之理、旣言死、則有係死後之大局、善惡之永報、此道莫非上主救世之道也。信此道、果能重新、有備善終而後得永安。聖經云、救主降世、特顯示此道。見十約

四章六節提摩太後一章十節

志士求道、不可恥貧。(與議)同論道。○士當主道德而不役於物、若恥惡衣食、則徵其重物不重道、故無可取、而不足與

第十章

子曰：君子之於天下也，無適也，無莫也，義之與比。

論也。

見君子交人接物，無預定之見，惟義是從。（適）音的，偏愛而從。（莫）偏惡而拒。（比）從。其愛惡取捨，無不主理，見義則從而已。

第十一章

子曰：君子懷德，小人懷土，君子懷刑，小人懷惠。

言君子小人異於所念而求。（懷）念而求。（土）屬身安飽之物。（刑）律法。（惠）小恩。○君子小人異於所念所欲，即心之宜、身之益，所係上者，在守法求利之間。尹氏曰：樂善、惡不善，所以爲君子。苟安、務得，所以爲小人。

第十二章

子曰：放於利而行，多怨。

行事常主於利己，必多遭怨。（放）依。（怨）搆人怨。○常求利己，必至於害義而虧負人，故多遭怨。

第十三章

子曰：能以禮讓爲國乎？何有。不能以禮讓爲國，如禮

爲政之方，在以禮遜讓。（禮）非事繁文，乃主理所當然。（讓）註作禮之實。（禮讓）非怯弱而退縮，乃主公益而捨己。（何

何。

第十四章

子曰、不患無位、患所以立、不患莫己知、求爲可知也。

第十五章

子曰、參乎、吾道一以貫之。曾子曰、唯。

二節

子出、門人問曰、何謂也。曾

論語

里仁第四

有)有何難。○上者能主理義、知所當行所當改而讓之、則合宜、但固執不讓、必惹禍而害國、其儀文繁盛何足濟事乎。可取鑒於英加勒士一、Charles I、傑美士二、James II、知而知二、George III、及中國近時改政之事也。

見君子不慮無名位、惟慮其才德不足以得之。○才德、君子所以盡職而著名、能修之、名位自來、故專以才德爲慮也。程氏曰、君子所求在己而已矣。

孔子言其道惟一、貫通世間諸事。(參)曾子之名。(貫)通(唯)諸辭、朱氏曰、應之速而無疑。○曰一以貫之、止就人道言、未就天道言、人道只關世交與人倫。上帝之道、包括天倫人倫一切善德、直貫通宇宙與萬世。

(忠)內之體。(恕)外之用、忠、盡己、恕、推己及人。曾子曰、此道

子曰、夫子之道、忠恕而已矣。

第十六章 子曰、君子喻於義、小人喻

於利。

第十七章 子曰、見賢、思齊焉。見不賢、

而內自省也。

第十八章 子曰、事父母幾諫、見志不

從、又敬不違、勞而不怨。

之大旨、即在忠恕、貫通以問一切事務。○窮理而推其極、當盡忠孝於上主、而接人以恕、救主一句包括天道云、當盡心盡力敬愛上帝爾之主、亦當愛人如己。

言君子小人異於所務、即在義利之間。(喻)曉、常言而事之。(義)天理所當然、凡係公正者。(利)一己之私益。○君子公正而主於道、小人徇私而役於物、其間可見其相異。

見人之善惡、當取以自警而勉道。○世俗見賢、則嫉妬而滅色之。見不賢、則譏之而自矜。孔子此言甚美。見賢人、當自勉而效其善。見不賢、當自戒而改過。如此、則可進道矣。

言人子諫父母、以敬與恆爲法。(幾)微。(諫)勸上人改過。(志)父母之意。(不違)不止。(勞)痛責。○父母有過、子不可不諫、如禮記曰、下氣、怡色、柔聲、以諫。父母不從、當加敬而又

第十九章 子曰、父母在、不遠遊、遊必
有方。

第三十章 子曰、三年無改於父之道、
可謂孝矣。

第廿一章 子曰、父母之年、不可不知
也、一則以喜、一則以懼。

第廿二章 子曰、古者言之不出、恥躬
之不逮也。

勸、父母雖重責、宜緘默而忍受。

見人子離家居遠方、惟主於無妨孝道。(遠遊)往遠方。○人子平素不當至遠處、恐遇事歸回不及、如必去、當有定處、以便聞知、使父母無憂。范氏曰、人子能以父母之心爲心、則爲孝。

解見學而十一章。

言人子當念父母之年、以自警而盡孝。(知)記。○念父母之年、可喜其壽、以感恩而勉孝、懼其衰、以自警、恐有失於人子之分。

稱古人謹於言、恐其行不及其說。(不出)不速出。(躬)身之行。(逮)及。○常人之病、能言、不能行、是可恥也、故古者戒之。

第廿三章 子曰、以約失之者鮮矣。

而謹其言。

見謹慎之美、足以使人寡過。(約)抑欲而自束。(失)差錯。○放縱而造次、必陷於錯失。謹慎而約己、則寡過矣。

第廿四章 子曰、君子欲訥於言、而敏於行。

言君子謹於言而切於行。(納)緩而抑之。(敏)奮切。謝氏曰、放言易、故欲納。力行難、故欲敏。胡氏曰、十五章至是章、疑皆曾子門人所記。

第廿五章 子曰、德不孤、必有鄰。

言道德有大感力、令人效法而同居佳境。(孤)獨在。(鄰)同居。

第廿六章 子游曰、事君數、斯辱矣。朋友數、斯疏矣。

勸戒之言、當以裁度而少用。(數)煩數。○胡氏曰、諫君不行、則當去。勸友不聽、則當止。至於煩瀆、則言者輕。聽者厭、求榮而反辱、求親而反疏。此非謂諫言不可用、惟知機而少用耳。以上五章義相貫、皆見謹言之美。

公治長第五 凡二十
七章

第一章

子謂公治長、可妻也。雖在
繯綆之中、非其罪也。以其
子妻之。

二節

子謂南容、邦有道、不廢。邦
無道、免於刑戮。以其兄之
子妻之。

第二章

子謂子賤、君子哉。若人、魯
無君子者、斯焉取斯。

孔子與人結親、不以其不幸而棄、惟視其有德而許也。(公治長) 孔子門人、其詳無考。(妻) 動詞、與爲妻。(繯) 鐵練。(綆) 拘縛。(子) 孔子之女。○公治長雖向坐監、孔子以爲無罪、故與其結婚、不以爲恥。

孔子稱南容、謹慎而才足以仕用、故亦與結婚。(南容) 孔子門徒、名縉、又名适、字子容、居南宮孟懿子之兄。(不廢) 見仕用。○曰時治、南容之才、足以仕用。時亂、其謹慎足以免禍。故將兄之女、給與爲妻。

稱子賤德厚、原因魯之多賢才而得也。(子賤) 孔子門徒、姓名不齊。(若人) 此等人。上斯、指此人。下斯、謂此德。○稱魯國崇道、多有賢人。是人有厚德、乃因與魯賢人相交而取法。

第三章

子貢問曰、賜也何如。子曰、女器也。曰、何器也。曰、瑚璉也。

第四章

或曰、雍也、仁而不佞。

二節

子曰、焉用佞、禦人以口給、屢憎於人、不知其仁、焉用佞。

第五章

子使漆雕開仕。對曰、吾斯

也。

孔子多子貢之德、但未及上品也。(器)有用之具。見為政十二章

(瑚璉)寶器、盛黍稷以祭祀、夏曰瑚、商曰璉。○子貢知孔子以君子稱子賤、而欲知許已如何。孔子以器許子貢、雖不及君子、其才德亦優而可嘉矣。

孔子論口才、指與道德無係、而不足求也。(雍)孔子門徒、姓冉、名雍。(佞)口才。○時道廢俗衰而尚巧言、或人許雍有德、但因無口才、以為無大可取。

(禦)應答。(口給)口舌快捷。(憎於人)遭人厭惡。○孔子知佞者多屬詭詐、故恨之曰、何必佞乎、佞與德無涉、而終至構人怨。是警門徒戒之、反崇實而求仁也。

門人自認不足為仕、孔子喜其明道。(漆雕開)孔子門徒、字

之未信能。子說。

第六章

子曰：道不行，乘桴浮于海，從我者，其由與？子路聞之喜。子曰：由也，好勇過我，無所取材。

第七章

孟武伯問子路仁乎。子曰：不知也。

二節

又問。子曰：由也，千乘之國，可使治其賦也，不知其仁也。

子若（仕）爲官。（斯）或指爲官之事，或特指道之一大節。（信）確知而無疑。（說）悅。○曰吾有所未確知，恐不勝任，此表其敏切求道，故孔子喜之。

孔子歡，世人不信其道，警子路勇敢太過。（桴）木鐸。（浮）漂（材）朱氏作裁。○孔子言乘桴浮海，假設之辭。子路以爲真，稱其勇而喜之。故孔子加言，指其勇敢太過，而裁度不足。

孔子品評三子之德，各有所長，但皆未全備。（不知也）因子路造次而無恆心，其德或有或無，故未能許可。

（賦）糧稅，因以田賦養兵，此特言兵備。○孔子許子路之才，足以治諸侯國之兵備，但許其德全不可也。

三節

求也何如。子曰：求也千室之邑，百乘之家，可使爲之宰也，不知其仁也。

四節

赤也何如。子曰：赤也，束帶立於朝，可使與賓客言也，不知其仁也。

第八章

子謂子貢曰：女與回也孰愈。

二節

對曰：賜也，何敢望回。回也，聞一以知十。賜也，聞一以知二。

三節

子曰：弗如也，吾與女弗如。

（求）冉求。（千室之邑）大城。（百乘之家）卿大夫之家。（宰）

邑長、家臣之通號。○見冉求之才，亞於子路，或管大城，或爲大夫之家臣，皆可。但不可許其德全也。

（赤）孔子門徒，姓公西，字子華。○言赤之才亞於冉求，只足以立朝接客，行禮儀而已，其德亦不可許爲全。三者雖各有其才，但孔子以同言指皆不足稱仁也。

稱顏回明道之甚，子貢自認不及，而孔子許之。（愈）勝。（孰愈）誰爲勝。

（望）比。（十）成數，指道之全體。○子貢言顏淵聽道之一節，能推其全體，但自聞一，只能推其二。

（與）許。（女）爾。○孔子許其不及顏回，重言許之之決。

第九章

也。

宰予晝寢。子曰：朽木，不可雕也。糞土之牆，不可朽也。於予與何誅。

二節

子曰：始吾於人也，聽其言而信其行。今吾於人也，聽其言而觀其行。於予與改是。

第十章

子曰：吾未見剛者。或對曰：申枨。子曰：枨也慾，焉得剛。

論語

公治長第五

深責宰予怠惰，無所成而不足斥也。（宰予）苞氏曰：孔子弟子，宰我（朽）爛（雕）刻畫（朽）鏝（誅）責（何誅）責之何益，深病之意。○人怠惰不自治，則不能進道而無所成，即如朽木土牆，無施力之處，不能修理，終為棄才，無所望也。

孔子謂己先聽人之言，而信其行相合。但見宰予毫無信實，不安分而敗事，後必觀人之行。此警弟子當殷勤自治而勉道。○范氏曰：君子之於事，必日孜孜，斃而後已，惟恐其不及也。

論剛，人役於慾，則不能志於道。（剛）堅立不移。（申枨）弟子姓名，魯人。○孔子曰：未見志堅而不移者，或人指申枨。孔子見道與欲相悖，不能並行，言枨役於慾，其性堅，不過血氣之

強，惟剛者志於道，物欲所不能奪也。

第十一章 子貢曰：我不欲人之加諸我也，我亦欲無加諸人。子曰：賜也，非爾所及也。

見仁道廣而難行，非子貢所能及。諸於（無）不。○程氏曰：我不欲人之加諸我者，我亦不欲加於人，仁也。施諸己而不願，亦勿施於人，恕也。恕，子貢或能勉之，仁，非所及矣。朱氏曰：無者，自然而然。勿者，禁止之謂。此所以爲仁恕之別。

第十二章 子貢曰：夫子之文章，可得而聞也。夫子之言性與天道，不可得而聞也。

見孔子啓道，分其深微淺近，故有罕論常論之異。（文）雅與華。（章）有規模者。（文章）學之見於外者，所係舉止儀文。（性）道心。（天道）係上主與善惡之報。○夫子舉動與常論，門徒所常聞而共知，但人性與天道，奧妙難測，故門徒鮮得聽也。○曰天道，當辨明古今有所不同，古時上主垂教，有所未顯示，迨基督降生，天道與贖罪之法，方全備也。

第十三章 子路有聞，未之能行，唯恐

見子路奮行所聽之道。（唯恐有聞）惟恐又有所聞。○子路

有聞。

第十四章

子貢問曰：孔文子何以謂之文也？子曰：敏而好學，不恥下問，是以謂之文也。

力行發奮，聞道即欲行之，恐未行所聞，而又加聞，則不通達而學無效矣。

見古者賜諡之理，孔氏得文號，惟視其奮學也。（孔文子）衛大夫，即孔叔圉。考孔子同時人，其為最公最能之臣，傳言孔子聞其死，即哭之。（敏）明切。（不恥下問）不恥問於其下人。上者問取於下者，是好學罕見也。○子貢知文子有大過，疑其號不當得，故問。孔子猶答諡號，不顧人之短，惟就其所長而賜也。○子貢所問似有理，臣子有大過而得美諡，似不合宜，恐令人不但效其長，亦仿其短也。

第十五章

子謂子產有君子之道四焉：其行己也恭，其事上也敬，其養民也惠，其使民也

稱子產之厚德有四。（子產）鄭大夫，姓公孫，名僑，（使民義）以公正用民。○子產舉動謙虛，事上者以敬，治民生計以寬，用民以公正，其為臣，修言行，交上下，皆合宜，故足稱也。

義。

第十六章 子曰、晏平仲、善與人交、久而敬之。

第十七章 子曰、臧文仲、居蔡、山節、藻

稅、何如其知也。

稱晏平仲善於交人、存敬先後如一。(晏平仲)齊大夫、名嬰、姓晏、諡平、(仲)行二。○常人交久或疏忽失敬、平仲交久而常存之、是難得、可嘉也。英國捨克施皮而 Shakespeare 曰、狎生輕慢、卽指此病也。

譏臧文仲迷於虛妄。(臧文仲)魯大夫、卽臧孫辰、文諡。(居藏) (蔡)大龜、所以占卜之獸。蔡國出龜有名、故此稱。(節)雕刻之柱頭、荀氏曰、櫨 (藻)水草名。(稅)梁上短木。○時人以文仲有知、但造華屋以居龜、足見其溺於鬼神占卜之迷、既事虛妄而誤民義、何足稱知乎。貝懇 Bacon 明指虛妄之習、必害民俗與政治、曰、其褻瀆上主而妄形容之、昔者有多國因此傾敗也。

第十八章

子張問曰、令尹子文三仕
爲令尹、無喜色、三已之、無
愠色、舊尹令之政、必以告
新令尹、何如。子曰、忠矣。曰、
仁矣乎。曰、未知、焉得仁。

二節

崔子弑齊君、陳文子有馬
十乘、棄而違之、至於他邦、
則曰、猶吾大夫崔子也、違
之、一邦、則又曰、猶吾大
夫崔子也、違之、何如。子曰、
清矣。曰、仁矣乎。曰、未知、焉
得仁。

見全德難得、孔子言兩臣雖各有所長、不足稱仁也。(令尹)
官名、楚大夫。(子文)諡、姓鬬、名穀、字於菟。(三仕無喜)得位
三次不樂。(三已無愠)去位三次不憾。○子張以其三次去
就而不動心、且告新官其職、則足謂仁。孔子答、雖表其忠、不
足稱仁也。

(崔子)齊大夫、名棼。(齊君)莊公。(陳文子)亦齊大夫、名須
無。(乘)四馬並駕。(違)去國、之一邦之之、至。○文子不忍居
殺君之國、其出境、棄財物、實屬不降志而清正、但未足稱仁。
○朱氏曰、以他書考之、子文之相楚、所謀者無非僭王猾夏
之事、文子之仕齊、既失正君討賊之義、又不數歲而復反於
齊焉、則其不仁亦可見矣。

第十九章 季文子三思而後行。子聞之曰：再，斯可矣。

行事貴乎熟思而果斷。(季文子)魯大夫，名行父。(三思)反覆多思。(再)思二次。(斯)助語辭，猶則。○行事當戒緩急之病。急則思不足而事必敗，緩則遲疑不決，恐私意起而行不正。此所謂三思。惟熟思而果斷，窮理而即行，則成事合宜，是所謂再思也。

第二十章 子曰：甯武子，邦有道則知，邦無道則愚，其知可及也，其愚不可及也。

稱甯武子權變之才，雖形似愚，其實甚明。(甯武子)衛大夫，名俞。其居位在文公成公之時，文公時泰，武子不見異常之功。成公時亂，而國失，武子忍難冒險，善謀而終使君復位，時人以爲愚，其實乃智巧之士。故孔子曰：其知，他人或可比也。但其愚，實他人不能及其功也。

第廿一章 子在陳曰：歸與，歸與，吾黨之小子，狂簡，斐然成章，不

孔子歎門徒之學，雖儀文有可取，其於道之大端，仍不達也。(陳)邦名。(歸)回魯。(與)歎辭。(吾黨小子)指門徒。或微含

知所以裁之。

第廿二章 子曰、伯夷、叔齊、不念舊惡、

怨是用希。

第廿三章

子曰、孰謂微生高直、或乞

醯焉、乞諸其鄰而與之。

第廿四章

子曰、巧言令色、足恭、左邱

明恥之、丘亦恥之、匿怨而

友其人、左邱明恥之、丘亦

斥責之意。(狂)志太高、疾於進。(簡)略於細事而不達。(斐)文雅。(成章)備於儀文。(不知裁)不通大理而自制。○孔子至陳三次、是時年老而道不行、故欲回魯、使門人改錯而堅立於道。

稱伯夷、叔齊大量、不追究舊過、故不遭人怨。(伯夷、叔齊)孤竹君之二子。孤竹、國名、屬今之直隸永平府。○夷、齊雖嚴守己、不交惡人、但見人改過、則不追究所往、故少遭怨。

孔子譏微生鄙陋而不正直。(微生)姓。(高)名、魯人。(乞)求。(醯)醋。○乞物而轉送人若己之物、事雖小、亦足證其劣也。孔子美左邱明恥詔媚與僞飾、是己亦所恥也。(足)太過。(巧言、令色、足恭)詔媚之狀。(左邱明)魯太史。(丘)孔子名。(匿怨友人)內藏怨、外詐親、皆虛僞而有害、故恥之。

恥之。

第廿五章 顏淵季路侍。子曰：盍各言

爾志。

二節

子路曰：願車馬，衣輕裘，與朋友共，敝之而無憾。

三節

顏淵曰：願無伐善，無施勞。

四節

子路曰：願聞子之志。子曰：老者安之，朋友信之，少者懷之。

第廿六章

子曰：已矣乎！吾未見能見其過，而內自訟者也。

孔子令顏淵季路各言所欲，亦自言所欲。(盍)何不。○孔子令各言所欲，以見其所進，而使之勉道。

(衣)動詞，穿。(裘)皮服。(敝)壞。(憾)惱怒。○子路以美物與友共享，所欲雖屬寬厚，但關乎外物。

(伐)誇。(施)銜。(勞)功。○顏淵尤美，所欲關乎道德，而屬謙遜，但僅係一己。

(老者)長且衰，故安之。(少者)弱而愚，故慈之。(信之)孔子之忠。(安之、懷之)孔子之仁。○孔子所欲，專主於道而爲人，故至美。

孔子歎世人之重病，不知己過，不能悔悟。(已矣乎)註曰：歎此以下事久已無也。(自訟)自責。○能知己過者少，能恨己

第廿七章

子曰、十室之邑、必有忠信、如丘者焉、不如丘之好學也。

雍也第六 凡二十八章

第一章 子曰、雍也、可使南面。

二節

仲弓問子桑伯子。子曰、可也、簡。

過而改之者全無。曰未見能者、示人力不足自救、獨賴己不能知過而改正、但仰賴上主則可也。

孔子謙言己之德與他人無異、所長惟在好學。(十室之邑)小村、古解、人聚會之稱也。○曰、雖小地、亦有如我忠信者、其所不及我、惟在好學。孫綽曰、夫忠信之行、中人所能存全、雖聖人無以加也。

稱雍與伯子治政之才。(南面)人君聽政之位。(使南面)苞氏曰、任諸侯。○雍之才足以居君位。

(仲弓)冉雍字。(子桑伯子)魯人、無所考。(可也)朱氏曰、僅可而有所未盡之辭。(簡)不煩事之小節。○雍得孔子稱讚、而問伯子之程度。子答、伯子既知務大事、而不煩細微、其治

三節

仲弓曰：居敬而行簡，以臨其民，不亦可乎？居簡而行簡，無乃大簡乎？

四節

子曰：雍之言然。

第二章

哀公問：弟子孰為好學？孔子對曰：有顏回者好學，不遷，怒不貳過，不幸短命死矣，今也則亡，未聞好學者也。

第三章

子華使於齊，冉子為其母請粟。子曰：與之釜。請益，曰：

政之才可許也。

（居敬）存心謹切，主重公職。（臨民）治民事。○曰：存心謹切，雖不煩細微，可也。蓋有所以自制而慎政務，但居簡而行簡，則太過，必至疏忽，而政事不成也。

（然）是孔子許其說是。

孔子美顏淵好學，亦深歎其早亡。（孰）誰。（遷）移。（貳）復。（不遷怒）不移怒於他人。（不貳過）不復其過。（短命）顏子三十二歲死。（亡）無，無若回者。（未聞好學者）未聞好學如彼者。○回勉學自修之功，世間難得，故深歎之。羣義曰：凡人任情喜怒違理，顏回主道，怒不過分，遇有不善，不復行也。

孔子以裁度施官祿，指示何以善用之。（子華）孔子門徒，公西赤，字子華。（使）古解，奉君差。朱氏作，為孔子使。（釜）六斗

與之庾。冉子與之粟五秉。

二節

子曰：赤之適齊也，乘肥馬，衣輕裘，吾聞之也。君子周急不繼富。

三節

原思爲之宰，與之粟九百，辭。

四節

子曰：毋，以與爾鄰里鄉黨乎。

第四章

子謂仲弓曰：犁牛之子，騂

論語

雍也第六

四升。(庾)十六斗。(秉)百六十斗。○朱氏言孔子知冉子所請不當與，故少與，但冉子違命而多與也。

(適)往。(乘)駕。(肥馬、輕裘)赤之富。(周)濟助。(急)窮困。(繼)加增。○此與前節相貫，赤先令冉子爲母求糧，後出使大張奢華，甚爲不當，故孔子病之，示君子於財物，不欲加其富，反用以濟貧也。

(原思)孔子門徒，名憲。孔子爲魯司寇，使之爲家宰。(粟)以糧爲祿。

(毋)禁止辭。(鄰里鄉黨)五家爲鄰，二十五家爲里，萬二千五百家爲鄉，五百家爲黨。○孔子命之勿辭，乃取用以濟四方貧民。

孔子稱仲弓之德，以喻示其不當因父之過見棄也。(犁)雜

且角雖欲勿用、山川其舍諸。

色。(辟)赤色。(角)角周正。(用)用以祭。(山川)山川之神。古人誤以山川各有其神、而忘真神惟一。即創造天地之主。(舍)棄。○周禮、犧牲當紅色而角齊、犧牲合式、雖其所由生之牛不合式、豈見棄乎。隱指仲弓當用而不棄、曰、子善、不可因父之惡見棄也。

第五章

子曰、回也、其心三月不違仁、其餘、則日月至焉而已矣。

稱顏淵恆於守道、遠勝衆徒。(不違仁)不背道。(其餘)衆徒。○謂衆弟子只能暫時守道、顏淵三月之久不違仁、是其德遠勝諸門人。

第六章

季康子問仲由可使從政也與。子曰、由也果、於從政乎何有。曰、賜也可使從政也與。曰、賜也達、於從政乎

辨三子之才、各有所長、皆足以從政。(從政)為政者主、從政者臣。(果)決斷。(何有)有何難乎。(達)孔安國作、通事物之理。(藝)多才。○子路長於果斷、子貢長於聰明、冉有長於多才。故皆足使用。程子曰、人各有其長、能取其長、皆可用也。

第七章

何有。曰：求也，可使從政也。與。曰：求也，藝於從政乎？何有。

季氏使閔子騫為費宰。閔子騫曰：善為我辭焉，如有復我者，則吾必在汶上矣。

第八章

伯牛有疾。子問之，自牖執其手，曰：亡之，命矣夫！斯人也，而有斯疾也；斯人也，而有斯疾也。

論語

雍也第六

言閔子不願從季氏政，寧去國也。（閔子騫）孔子門徒，名損。（費）季氏邑名，屬今之山東沂州府。（汶）齊魯交界之河名。○閔子因季氏無道，不願為其臣，託來人以婉言代辭，且欲示其斷絕之意，曰：若再有招，必退往汶地，即隱居齊。

孔子傷伯牛有危患，無法可救也。（伯牛）孔子門徒，姓冉，名耕。侯氏曰：有才德只亞於顏閔。（牖）窗。（亡之）病害死之。（命）天命。（斯人）如是善人。（斯疾）如是危患。重言，見哀之深。○先儒言伯牛患癩疾，今謂大癩風衆人所謹防，故孔子自窗外握其手，而深傷其將亡。朱氏解：伯牛家欲以君居南面之

第九章

子曰、賢哉回也、一簞食、一瓢飲、在陋巷、人不堪其憂、回也不改其樂、賢哉回也。

第十章

冉求曰、非不說子之道、力不足也。子曰、力不足者、中道而廢、今女畫。

第十一章

子謂子夏曰、女爲君子儒、無爲小人儒。

禮尊孔子、孔子不敢當、故立窗外。此不如先儒之說近理。

稱顏回之厚德、雖處困境、不礙其樂。(簞)竹器。(食)飯。(瓢)

瓠。○常人非安飽不樂、惟顏回雖困乏、甚至他人所不能忍、

心仍不牽累、而能樂道、是罕見之德也。○使人處艱難而喜

樂、莫善於上主之道、聖保羅將殉道、坐獄待斃、勸人曰、當因

主樂哉、吾復言樂哉。勝立比四 章四節

指所礙人進道者、非其無力、乃因自限而不恆求。(畫)自限。

○胡氏曰、冉求聽孔子稱顏淵不改其樂、故有是言。孔子指

其病、非力不足、乃不立志而以所已得爲足。

孔子勸弟子當志於高明、不可私己而求名利。(儒)學者。

(君子儒)志於道、學以自修而益人。(小人儒)專營私、學以

圖名而利己、行訛詐、挑訟等事。○謝氏曰、君子小人之分、義

第十二章

子游爲武城宰。子曰：「女得人焉爾乎？」曰：「有澹臺滅明者，行不由徑，非公事，未嘗至於偃之室也。」

第十三章

子曰：「孟之反不伐，奔而殿，將入門，策其馬，曰：『非敢後也，馬不進也。』」

第十四章

子曰：「不有祝鮀之佞，而有

與利之間而已。孔子此言甚美，今當深玩之。

稱滅明治事以正，專主於奉公。（武城）魯邑名，（焉爾乎）示審思不急速之意，送句之辭。（澹臺）姓。（滅明）名，字子羽。（徑）路斜而速。（偃）子游名。○孔子問：有善人助政乎？答：有滅明，正直而無造次犯規之失，其來署，專主公事，而無託狎倚勢之弊，是足助政也。

美孟之反不誇功。（孟之反）魯大夫，名側。（伐）誇功。（奔）逃。（殿）護軍後。（策）鞭。○事在哀公十一年，魯戰敗而逃，之反護衛軍後，待軍入城，然後自入，言非己之勇，乃馬不能進，意欲揜其功也。○嘗思不誇己功實可嘉，但出言以真亦不可少。

孔子譏當世之衰，頗尙口才與美貌。（祝）宗廟頌禱官名。

宋朝之美、難乎免於今之世矣。

第十五章 子曰、誰能出不由戶、何莫

由斯道也。

第十六章

子曰、質勝文、則野。文勝質、則史。文質彬彬、然後君子。

（鮀）名、衛大夫、字子魚。（佞）口才。（朝）宋公子名、有美容、但行淫而惡甚。（免）孔安國曰、免於今世之害。○指世人好諛悅色、二人因有口才與美貌、得寵幸而免難、故曰、非如是則難免。

歎時人多執迷、不從所當行之道。○非從門、誰能出入、非從正、何能堅立而安乎。○救主經上自言爲道、爲門、爲門、使入德義與救恩、爲道、引至上帝與永福。約翰十章九節 十四章六節

見文質須均合、不可偏相勝、方成君子。（野）粗陋。（史）朱氏解、掌文書、多聞習事、而誠或不足。（彬彬）均合。○質有餘而文不足、則粗野、文有餘而質不足、則虛飾、文質均參則合宜而成君子。楊氏曰、文勝而至於滅質、則其本亡矣、雖有文將安施乎。

第十七章 子曰、人之生也直、罔之生也、幸而免。

第十八章 子曰、知之者、不如好之者、好之者、不如樂之者。

第十九章 子曰、中人以上、可以語上也、中人以下、不可以語上也。

第二十章 樊遲問知。子曰、務民之義、敬鬼神而遠之、可謂知矣。問仁。曰、仁者、先難而後獲、

論語

雍也第六

人生之貴、在乎守正。○上生字朱氏作始生、下生字生存也。
(直)正直。(罔)無、或作亡。○上主原創造人、秉以正直之性、人失之、則枉居人世、而難免禍患。

見進道者之三等。(知者)能悟道之美、初步。(好者)又進一步。能知而求之。(樂者)得而喜之、進道之至也。

見師須視學者之程度而施教。(語)告。語上之上、謂道之深奧。○師當視學者之明愚、以道之淺深而告之、高等者敏切、可以道之深奧告之、下等者不通、告之無益、止可以淺近與論也。

孔子與樊遲論知仁之用。(民之義)王肅作、所以化導民之義。朱氏曰、專用力於人道之所宜、而不惑於鬼神之不可知、智者之事也。○不惑於鬼神、實爲智、其不過亡人而已、誤得

可謂仁矣。

第廿一章 子曰、知者樂水、仁者樂山、知者動、仁者靜、知者樂、仁者壽。

第廿二章 子曰、齊一變、至於魯、魯一變、至於道。

第廿三章 子曰、觚不觚、觚哉、觚哉。

神之名。但不可託此輕略天道而遠上主、上主乃永生之眞神、世人之天父、故理當親近而孝事之。(先難)以難行之事爲先而勉之。(獲)得。(後獲)以所能得爲次要。得、關乎名利。難、有係道德。○不顧得失、不畏難、惟主理義所當爲、卽仁也。以知仁相較、見各之用與效果。(樂)賞玩。(水)流而常動。(山)堅而不移。知者心才敏捷而常攻進、故似水而喜之。仁者志堅而安定於道、故似山而喜之。(樂)情之動、與知之動相應。(壽)安之效、使人長生。

見齊魯雖衰、離道不遠、而有望挽回。(齊魯)齊係青州、魯係兗州等處。時魯弱齊強、但魯仍有先王之典、其一改則可歸道、齊俗尤衰、恃強行詐、但一變則形勢似魯、而亦可挽回。歎時之衰、有古道之名而無其實也。(觚)有角之器。重言、深

第廿四章

宰我問曰、仁者、雖告之曰、井有仵焉、其從之也。子曰、何爲其然也、君子可逝也、不可陷也、可欺也、不可罔也。

第廿五章

子曰、君子博學於文、約之以禮、亦可以弗畔矣夫。

第廿六章

子見南子、子路不說。夫子

歎之意。○言觚失其形、則無以成名。孔子以此歎列國徒存古制之名、而全無其實。范氏曰、人而不仁、則非人。國而不治、則不國矣。

見仁不可不以裁度而施。○井有仁之仁、當作人。(從)隨之入井。(何爲其然)何必如此行。(逝)使之往救。(陷)陷於井。(罔)使人背理而行。○宰我信道不實、恐行仁必有所害、故問。孔子謂君子救人、雖不畏難、然不肯徒然冒險。事有情理、或可欺、但無理、不可也。

見學與禮當並用、方可守道不犯也。(約之以禮)以禮節自制。(畔)過犯。○知識廣而以理所當然自制、則可守道不犯。最要、當以上主之道存於心。詩三十一節

孔子見南子、自誓無非。(南子)衛靈公之夫人。(矢)誓。(否)

矢之曰、予所否者、天厭之、
天厭之。

第廿七章
子曰、中庸之爲德也、其至
矣乎、民鮮久矣。

第廿八章
子貢曰、如有博施於民、而
能濟衆、何如、可謂仁乎。子
曰、何事於仁、必也聖乎、堯
舜其猶病諸。

二節
夫仁者、己欲立而立人、己
欲達而達人。

三節
能近取譬、可謂仁之方也

非。(厭)棄。○南子有淫行、孔子至衛拜見之。子路以爲不當見、孔子答、如有非、願天棄我、重言、切示己是。

歎世之衰、至道民間久已未有。(中)正而無偏、無過與不及。(庸)常而不變。(至)極。○美中庸爲道德之極、但世間久已少見。程氏曰、中者、天下之正道。庸者、天下之定理。

論仁之用。(博)廣。(施)惠。(乎)疑辭。(病)患有所不及。(諸)此。○子貢問、人能廣施恩於衆、利益民之身心、可稱仁乎。答、如是廣且深、何止於仁、乃足稱聖、雖堯舜亦患不能及此。

(立)堅於德。(達)擴充。○君子所求、非獨私己、乃亦爲人。欲堅己之德、亦堅人之德。欲擴充己德、亦擴充人之德。

爲仁之方、卽在恕道。(譬)比。(能近取譬)以己推人。(方)法。

已。

述而第七

凡三十七章

第一章

子曰、述而不作、信而好古、竊比於我老彭。

第二章

子曰、默而識之、學而不厭、

論語

述而第七

○仁之術、在推己及人、我所不欲、亦勿施於人、仁之意不外於是。○謂修仁之基址、貝懇 Bacon 曰、考一切法典、道理、與教門、自古未有崇尚道德者如基督宗教崇尚之也。孟德斯鳩 Montesquien 曰、夫基督宗教、形似獨備福於身後、其實亦厚賜福於生前。

孔子言己於學道及書籍、非創作、乃傳授者也。(述)朱氏曰、傳舊而已。(作)創始。(竊比)謙恭之辭。(老彭)商賢大夫、來歷無考。古語、老謂老聃、周之太史。彭、彭祖、名籛、商時人。皆深於古者。孔子刪詩書、定禮樂、贊周易、修春秋、皆傳先王之舊章、未有所自作、故言如此。

孔子謙言學之三美、爲己所不及。(識)記。(默而識)不言而

誨人不倦，何有於我哉。

第三章

子曰：德之不修，學之不講，聞義不能徙，不善不能改，是吾憂也。

第四章

子之燕居，申申如也，夭夭如也。

第五章

子曰：甚矣，吾衰也，久矣，吾不復夢見周公。

深玩，恆於溫故。（不厭）嗜其味而常進，奮於進新。（誨人不倦）勤教不輟。（何有於我）孰可歸我乎。言此三者，雖有所得，仍我未全得。○或解，非孔子所未得，不過謙言而已。但聖人之謙最美，自當以爲實，豈可謂虛僞乎。

孔子言己所慮，卽自修之四要。○稱德而不求其美，攻學而不習所得，見善而不遷，知過而不改，則道廢而學無效，是常人之病，故孔子自慮以戒之。

記孔子閒居之容。（燕）閒暇。（申申）舒坦貌。（夭夭）喜悅貌。此見孔子溫和之性。

孔子歎道之不行，因而失望。○曰夢見周公，因常念其道而欲行之，但年老而道不行，則失望，故言不復夢見，而深歎其衰。

第六章

子曰、志於道。

二節

據於德。

三節

依於仁。

四節

游於藝。

第七章

子曰、自行束脩以上、吾未嘗無誨焉。

第八章

子曰、不憤不啓、不悱不發、舉一隅、不以三隅反、則不

言修身之四要。(志)心之主。(道)天理發於外、人所當從。須推其極、而志於上主之道、則一切善行全包括於內。非主意立定於道、則半途而廢。

(據)堅持。(德)心之善、所存之天理者。德易失、故宜堅持。

(依)從。(仁)廣愛、或作全德。常從仁而不違也。

(游)玩。(藝)六藝。即禮、樂、射、御、書、數。○首三者、關乎質、末句、

關乎文。主重此四者、則文質相宜、而品行可立也。

見孔子甘心施教、不因貧棄弟子。(脩)乾肉。十條爲束。古時

弟子貧、以束脩爲學費供師。○孔子曰、人來受教、雖供最薄

之物、我未曾因此不教也。

孔子言所不願教之徒、即不奮志與不能明道者。(憤)勉力。

(啓)開。(悱)欲言而不能之貌。(發)解。(反)推理。(復)再告。

復也。

第九章

子食於有喪者之側，未嘗飽也。

二節

子於是日哭，則不歌。

第十章

子謂顏淵曰，用之則行，舍之則藏，惟我與爾，有是夫。

二節

子路曰，子行三軍，則誰與。

○此章承上章之意，見孔子雖誨人不倦，而不以貧棄弟子，但懦而不明者，教之無益，故不受也。

見孔子禮恤喪者，亦不輕易變心情。（側）旁。（未飽）少食，表體恤之意。

（哭）弔哭。（是日哭，則不歌）哭主哀，歌主樂，哀樂相反，故孔子一日不同發，是其性情無輕浮之弊。

孔子美顏回不動心於見隱，斥子路冒失太勇。（用）仕用。（行）行職。（舍）見遺。（藏）隱居。○見用則取位而盡職，不見用則泰然隱居，不動心於此，乃進道之深，孔子言惟己與顏淵所及也。

（軍）萬二千五百人，大國有三軍。○子路知孔子美顏子，亦欲得其稱許，猶謂若行三軍，必欲我同去耳。

三節

子曰、暴虎馮河、死而無悔者、吾不與也、必也臨事而懼、好謀而成者也。

第十一章

子曰、富而可求也、雖執鞭之士、吾亦爲之、如不可求、從吾所好。

第十二章

子之所慎、齊、戰、疾。

（暴虎）空手搏虎。（馮河）無舟楫涉河。（懼）知事之難而慎之。（好謀）熟思而善設法。（成）恆行以至終。○孔子知子路銜勇、故取譬以抑之、謂勇而不慎、則不爲功而有害。

孔子指求財之謬、以引志學者專主於道德。（執鞭之士）趕牲之夫。（吾所好）道德。○財富如能得、雖作卑賤之事以得之、吾亦求也、若不能得、則不求、不如求道德也。鄭氏孔氏解、富可以正道而取、則求之、不可以正道而取、則求道、是近理。貝懇 Bacon 指求富之迷曰、財富可謂累德之物也、雖不可無、竟礙人進道、夫發財之術多、而大概不正也。

見孔子所特慎者有三。（齊）音齋、齊思慮、係禁食敬神之事。（戰）國之危、民之難。（疾）有係人生、三者各之所關重大、故慎之。

第十三章

子在齊聞韶，三月不知肉味。曰：不圖爲樂之至於斯也。

言韶樂之美，孔子所甚喜也。韶，舜樂名。見八卷十五章史記三月上有學之二字。不知肉味，專樂韶樂，不理他物。孔子歎美曰：未料樂能如此隆美。○至於斯，何晏作：至於此地，指齊國言。

第十四章

冉有曰：夫子爲衛君乎？子貢曰：諾，吾將問之。

孔子隱斥衛君，不孝而僭位。爲助，衛君出公輒。諾，緩應辭。○靈公因世子蒯聵謀殺其母南子，故逐之，公死，蒯聵之子輒接君位，蒯聵自晉反國，欲取位，而輒拒之。時孔子居衛，衛人以輒爲是，當在位，故冉有疑而問之。

二節

入曰：伯夷、叔齊何人也？曰：古之賢人也。曰：怨乎？曰：求仁而得仁，有何怨。出曰：夫子不爲也。

伯夷、叔齊，見公治長二十二章伯夷遵父遺命，欲讓位與弟，叔齊不願，恐犯昆弟之倫，二人出逃，終餓死而不背義，故問其遇難怨否。孔子稱二者專主道而守道，則無所怨。是孔子以夷齊之讓國爲是，而隱斥衛輒之拒父爲非。故子貢出告冉有曰：

第十五章

子曰、飯疏食、飲水、曲肱而枕之、樂亦在其中矣、不義而富且貴、於我如浮雲。

夫子不爲衛君。

見貧賤無礙於樂、苟得之富貴不足求也。(飯疏食)食粗飯。(曲肱)臂彎而枕首於上。孔子言雖處窮乏、仍不失樂、且不義之財位不足求、其若浮雲、不能久存也。○是言甚美、大有可取。古時希臘底俄格尼(Diogenes)極貧而樂、亞力山得大王一日往見之。問云、朕可爲爾作何事、疑其必求富貴。底俄格尼朝陽坐曬、答曰、幸勿擋我日光。此欲見富貴不足求、而隱警王勿迷於虛榮。

第十六章

子曰、加我數年、五十以學易、可以無大過矣。

孔子貴重易經、曰欲奮學之。○先儒後儒之解相異、是時孔子年已七十、其言加五十以學易、方能無大過、乃設辭。朱氏欲改原文、以(加)作、假以(五十)作卒、似屬勉强、亦有所難解。○朱氏言、易經主重占卜吉凶之術、即以龜草等物、揆度世

人之禍福與未來之事。豈不知天命獨歸上主治理，而世人不能測度，人之禍福，毫無繫於占卜，惟有待於所行之善惡，故是術妄想而無益，且占卜貽害非淺，無非令人忽略所當行之義務，而驚於無稽之隱祕，置道德於不顧，而專主吉凶法術。但去吉凶之說，而注重職分，福自至矣。今欲提挈中國，勿聽憑術士，乃篤信上主，莫事占卜法術，惟廣布仁義道德爲要。

第十七章 子所雅言、詩、書、執禮、皆雅言也。

記孔子所常論之三者（雅）孔安國作正，朱氏作常。（詩）用以理性情。（書）用以導政事。（執）守（禮）用以謹節文。○朱氏曰：三者皆切於日用之實，故常言之，禮獨言執者，恐誦而易失之也。

第十八章 葉公問孔子於子路，子路

孔子謙言己之爲人，主於勉學而樂道。（葉公）楚葉邑宰，沈

不對。

二節

子曰、女奚不曰、其爲人也、
發憤忘食、樂以忘憂、不知

老之將至云爾。

第十九章

子曰、我非生而知之者、好
古敏以求之者也。

第二十章
子不語、怪、力、亂、神。

諸梁字子高、僭稱公、子路不對、不知所以答也。

(發憤)勉力。(爾)耳而已。勉力於學以至忘食、樂道以至忘憂、亦不覺衰老之近、卽是而已。

孔子言己慕古道而切求之、其知乃由學而得也。○憑孔子言、可知所謂聖者、雖才德高於他人、其實亦不大相異、蓋上主所原界之性相同、而皆有限度、所知非生而知、乃由學而得也、夫知德無限量者惟一、卽上主也。

記孔子所避而不論者有四。(怪)凡異於天然之式、而無益於人者皆是。但上帝奇妙之神蹟、不可誤以爲怪、卽基督所行於世間、特以證天道而救人。(力)身之強、不關乎德。(亂)背理害義之事。(神)所封之亡人、誤以當神者。聖賢不語之。

○今通學者皆知真神惟一、卽創造天地之主、切不可託孔子不語鬼神之說、而不信上帝與其救世之道。近者中國所最當防之害、卽在無神之說、具懇 Bacon曰、哲學之淺、或令人偏向無神之見、哲學之深、必令人歸回篤信宗教。

所謂宗教獨指

基督教 德託衛 De Toequerville言棄宗教之害曰、信仰若消滅、

則疑惑無信必侵佔人心上等之才、而若使之癡、令人於解釋所係天道與人生義務之諸要問題、則絕望、以至自屈而不再思念之。又指政治自由之固立、必基於信仰曰、民若無信仰、則不免降志而被壓服、若欲保全自由、必使宗教信仰存也。可以法國於路意十六、Louis XVI王時比較英國於克慕衛 Cromwell及維連三、William III王時、則知政治得失道德之約束、惟有待於宗教信仰之有無。

第廿一章 子曰、三人行、必有我師焉、擇其善者而從之、其不善者而改之。

第廿二章 子曰、天生德於予、桓魋其如予何。

第廿三章 子曰、二三子、以我爲隱乎、吾無隱乎爾、吾無行而不與二三子者、是丘也。

第廿四章 子曰、四教、文、行、忠、信。

孔子言所遇之善惡、皆可藉以自修。(三人)一我、一善者、一惡者。(我師)引我修道。(擇)猶辨別。○見人之善、當自勉而效之、見人之惡、當自省而戒之、如此、則人之善惡皆爲我師、助我進道也。

孔子言己德既出於天、可蒙保佑而無懼。(桓魋)宋司馬、向魋。孔子去衛往陳、由宋而行、魋欲害之、故有此言。(天生德)古者言天、未辨明上主與其所造之物、生德者、無非上主、道德之本、故不當敬天、而專敬造化真主。

孔子自言接交弟子、乃誠實、無所藏也。(二三子)衆門徒。(隱)藏匿。(與)示。○我之言行、無所藏匿、皆顯於爾、此孔子教人之誠、表裏如一。

見孔子所教之四要。(文)文字。(行)品行、係人倫與日用義

第廿五章

子曰、聖人吾不得而見之矣、得見君子者、斯可矣。

二節

子曰、善人、吾不得而見之矣、得見有恆者、斯可矣。

三節

亡而爲有、虛而爲盈、約而爲泰、難乎有恆矣。

第廿六章

子釣而不綱、弋不射宿。

務(忠)心專於理所當然。(信)篤實無僞。忠信存於中。行、德發於外。

孔子歎世之深衰、道德全無、惟圖外觀。(聖人)才德至高者。(不得而見)無有。(君子)才德次於聖人。

(善人)才德又次於君子。(有恆者)未得而恆求之者。○此四者、層層而下。

(亡)無。(約)物欲所累。(泰)安然之貌。○孔子歎世之衰。不但無成德者、亦無君子。不徒無善人、亦無恆求善者。其學德竟無、反假作有、既自滿而虛僞如此、奚有恆於修道哉。

見孔子好生而不掩取。(綱)以繩結網、絕流而廣取。(弋)以繩繫箭而射。(宿)棲鳥。○孔子漁惟以鈎射、惟飛鳥。是其行仁於小物也。

第廿七章

子曰、蓋有不知而作之者、我無是也、多聞擇其善者而從之、多見而識之、知之次也。

見治事、先當考究其理而後行、裁辨強於記念。(蓋)猶或。

(不知而作)不考專之理而盲作。(擇從)所聞不等、故必辨別而取其美。此知之上等。(識)音志、記(多見而識)雖未明其理、可記之而後考知。朱氏曰、記則善惡皆當存之、以備參考。此亞於擇善、故言知之次。

第廿八章

互鄉難與言、童子見、門人惑。

孔子無不願接人、亦不追究其往。(互鄉)地名、不知其詳。其人不善、有一青年來見孔子、門徒疑不當與言。

二節

子曰、與其進也、不與其退也、唯何甚、人潔己以進、與其潔也、不保其往也。

(與)許。(唯何甚)為何太嚴。(潔己以進)去其非禮以進見我。(往)向所為。○謂人以禮進見、而不露有非、不必嚴究其往、乃以為是而與言。此孔子之厚道、不棄絕不肖者。朱氏疑此節有錯簡、人潔至往也十四字、當在與其進也之前。

第廿九章

子曰、仁遠乎哉、我欲仁、斯

見仁德近而能得、惟在人有志求也。○人以為德遠而難修、

仁至矣。

惟因無心求也。聖經示天道與上主離人不遠，曰：此言人即救與爾相近，正在爾口內心內，即我等所傳信主之道也。論道即救道德之本，又云：上主離人不遠，人若誠求，必蒙應允而獲救

恩。羅馬十章八節、行傳十七、章二十七節

第三十章

陳司敗問昭公知禮乎。孔

子曰：知禮。

見孔子自認有錯，亦以有人指之為幸。（陳）國名。（司敗）官名。司寇。（昭公）魯君，名稱習於儀文，時人以為知禮。

二節

孔子退，揖巫馬期而進之，

（巫馬）姓。（期）字。孔子門徒，名施。黨朋比而藏人之非。（巫

曰：吾聞君子不黨，君子亦

年長之稱。（子）有爵者之稱。○魯君與吳之女同姓，姬，禮不

黨乎？君取於吳為同姓，謂

當娶，稱其吳孟子，即若宋公家之女，乃掩蔽其過，孔子言昭

之吳孟子，君而知禮，孰不

公知禮，司敗不允諾，遂指公之非禮，而孔子所言，乃若徇情

知禮。

而為公文過。

三節

巫馬期以告，子曰：丘也幸，

巫馬以司敗之言告孔子，孔子認錯，言已若有過，必有人指

苟有過，人必知之。

第卅一章

子與人歌而善，必使反之，而後和之。

第卅二章

子曰：文莫吾猶人也，躬行君子，則吾未之有得。

第卅三章

子曰：若聖與仁，則吾豈敢，抑爲之不厭，誨人不倦，則可謂云爾已矣。公西華曰：

之，是幸。

孔子諧人之歌，好樂而同乎人情。（使反之，使人復歌，因樂其美，而欲得其詳。）（後和之）遂諧其歌。

孔子謙言己所得與未得，就學可及人，就德未及君子。（莫）無，朱氏作疑辭。（猶人）與人同。（躬）身。（躬行君子）君子之行。○孔子明認所不及，真謙，毫無自足之病，吾等後輩當效之。

孔子謙言己所得，但未及聖與仁之稱也。（抑）止，轉辭。（爲之）學仁聖之道。（不厭）常求而有味。（誨教）（不倦）殷勤而不已。（云爾已矣）完句之辭，猶謂，卽是無他而已。○孔子言己所及者，勉道常而不已，教人勤而不懈，所不及者，乃成德也，其言當以爲真，與萬國聖賢相似，蓋人愈明，則愈覺道

正唯弟子不能學也。

第卅四章

子疾病，子路請禱。子曰：有

諸。子路對曰：有之。誅曰：禱

爾于上下神祇。子曰：丘之

禱久矣。

之無窮，而已所不及，除上帝外，誰有成德而無過乎。

記孔子有危病，而不求鬼神。（有諸）有此事乎。（誅）古禱文。（上下神祇）俗封之亡人，天上者曰神，陰間者曰祇。○人所封之神，不能不虛僞。世人豈能封天上者，下者能封其上者乎。且人必大於所封者，若大於彼，奚能轉敬之爲上者乎。既不過亡人而已，祈禱之無益，而不當行也。（丘之禱久）以爲所行之事，能當作祈禱。○禱告若行於鬼神，實屬虛妄，惟行於上帝，最合理而有益。夫祈禱乃上主所賜之機關，特以感恩而蒙福。上帝既福德之源，獨一真主，自宜專求之。亦因人皆有罪，須賴上主赦免而拯救，故禱告爲至要，人皆不可少。無論何美事善行，俱不足抵之也。聖經云：當禱告不已。上主又云：在患難之日，當呼籲我，我必援救爾。詩五十篇十五章，帖撒羅前書十五章。

第卅五章

子曰、奢、則不孫、儉、則固、與其不孫也、寧固。

第卅六章

子曰、君子坦蕩蕩、小人長戚戚。

第卅七章

子溫而厲、威而不猛、恭而安。

泰伯第八 凡二十章

論語 泰伯第八

以奢儉相較、見各有所損、而奢之尤甚。(奢)侈。(孫)順。(儉)省。(固)鄙陋。○奢、有係放縱、故易至於不順。儉、易至於吝、故陋。不順之病、有害不勝言、令人違上主、棄教道、犯國法、亂社會、奢或可至於此、故曰寧固。

見君子小人相異於容態。(坦)平。(蕩蕩)寬廣貌。(戚戚)憂傷貌。○程氏曰、君子循理、故常舒泰。小人役於物、故多憂戚。見孔子之諸德發於容、並行而無所相悖。(厲)莊。(戚)肅。○德易偏而為病。溫太過、則柔弱而不莊。威太過、則猛暴而不良。恭太過、則迂拘而不安、是常人難免之病、惟孔子全無、其德彬彬而相和。

第一章

子曰、泰伯、其可謂至德也已矣、三以天下讓、民無得而稱焉。

第二章

子曰、恭而無禮則勞、慎而無禮則蕙、勇而無禮則亂、直而無禮則絞。君子篤於親、則民興於仁。故舊不遺、則民不偷。

二節

稱泰伯之德高、三次辭國位。(泰伯)周太王長子。(三讓)三次辭位。曰三次、其詳無考、註各有不同。朱氏作、固遜。(無得而稱)其辭位之故、衆人不知、故不能稱。○太王謀傾殷、泰伯不從、故王欲傳位於三子季歷、及其子昌、昌後爲文王。泰伯知王之意、逃荊蠻。後武王賜謚號爲吳主。孔子稱其堅志辭位、乃鮮見之德也。

見禮之貴、諸德之所以制而無過、上者當作方法以引民守道。(勞)繁。(蕙)音洗、畏怯貌。(絞)鹵莽。○德有禮制之、則正無禮制之、則偏而爲過。

見在位者盡其道、民亦化而免鄙陋。(君子)就位言。(篤於親)切實於孝弟。(故舊)舊臣、舊友。(遺)忽略。(偷)薄。○此節或錯列。吳氏曰、乃曾子之言、當自爲一章、朱氏意同。

第三章

曾子有疾，召門弟子曰：啓予足，啓予手。詩云：戰戰兢兢，如臨深淵，如履薄冰。而今而後，吾知免夫！小子。

第四章

曾子有疾，孟敬子問之。

二節

曾子言曰：鳥之將死，其鳴也哀。人之將死，其言也善。

三節

君子所貴乎道者三：動容

論語

泰伯第八

曾子臨終，指其保身之謹，以證其孝。（啓）開。（詩）小旻篇。（戰戰）畏懼。（兢兢）謹慎。（臨淵履冰）近深坑，行於冰上，即遇大危。（今而後，知免）知自今以後，可免傷身。（夫）呼辭。○曾子欲門人知其孝，命之揭被，觀其手足無傷，蓋身受於父母，宜謹保全之。范氏曰：身體猶不可虧也，况虧行以辱其親乎，此言甚中理。保身以行孝為美，但信天道保靈魂，乃尤美而至孝也。

曾子臨終，以喻勸戒大臣，指所當為也。（孟敬子）魯大夫，仲孫氏，名捷。知曾子有病，往問其安。

曾子取譬，見其臨終，所言切實可記。（言曰）指曾子啓言，或引俗語。

（貴）重。（三三三節）（容貌）身之舉動。（暴）猛。（慢）失敬，上者

貌斯遠暴慢矣。正顏色，斯近信矣。出辭氣，斯遠鄙倍矣。籩豆之事，則有司存。

對下者易犯之過。(正顏色)主篤實，表裏如一。(辭)言語。(氣)意氣。(鄙)陋。(倍)背理。(籩豆)祭具。(有司)特治事之官。(存)守而理之。此勸戒大臣當主於修身，寡過而不事儀文。

第五章

曾子曰：以能問於不能，以多問於寡，有若無，實若虛，犯而不校，昔者吾友嘗從事於斯矣。

曾子稱某舊友之厚德。(校)辯爭，荀氏作報。(友)馬氏謂指顏淵。才德富而不恥問於無才，足備而不自矜，被觸犯而不辯爭，爲人如是，實鮮見而可美矣。

第六章

曾子曰：可以託六尺之孤，可以寄百里之命，臨大節，而不可奪也，君子人與？君子人也。

見君子之才德，忠能雙全，遇危堅守其正也。(六尺之孤)無父之幼君。古時一尺，若今之七寸許。或曰：六尺若十五歲。(百里)諸侯之邦。(寄百里之命)受邦政之權。(臨大節)遇大危難之際，仍能守正。(與)問辭(也)決辭。如此忠且能，亦

第七章

曾子曰：士不可以不弘毅，任重而道遠。

死守其道，果足成君子也。

言道德為終身之重責，當之者須有廣見與堅志。弘，廣。毅，勇而忍。任，所擔當者。因道之無窮，非弘則不達，非毅則畏難而退。

二節

仁以為己任，不亦重乎？死而後已，不亦遠乎？

（仁）全德難修，故謂重。（死而已）死而後止。終身之事，故言遠。○朱氏曰：此必以身體而力行之，一息尚存，不容少懈也。

第八章

子曰：興於詩。

言學之三科，各有其益。（詩）能發人覺悟，使之勉進。

三節

立於禮。成於樂。

（禮）能制行為，使之寡過。

（樂）能起人好美之心，使之文雅。○此三者有次序，與心之三才相應也。

第九章

子曰：民可使由之，不可使知之。

見民所能及，非究事物之理，乃行日用之道。（由）從。（之）道。（知之）通其理。民所當務，即安分守法，毋用求道之高遠，理

之空論。○按新解（民可使）民有程度而適用。（由之當用以助政。（不可使）民程度不足。（知之當教之以備助政。英克墨衛時，國會下議院 House of Commons 爲民爭權曰，賴上帝，國民卽一切公正權柄之泉源。既爲國權所本，自宜由之治政也。

第十章
子曰，好勇疾貧，亂也。人而不仁，疾之已甚，亂也。

孔子指民亂之由，在窮困與受逼太嚴。（疾貧）窮迫而怨，無勇者疾貧，無奈忍難，不敢叛亂，惟好勇者膽敢作亂。（人而不仁）無德者（疾之已甚）嚴逼之。有德者受屈，仍能自守，不仁者疾之太嚴，必至於叛逆。是警戒爲政者，當濟貧而治民不從嚴刻。

第十一章
子曰，如有周公之才之美，使驕且吝，其餘不足觀也。

見重病能廢美才，特指驕吝之害。（周公）周成王之叔，有美才。○驕之害深，令人自傲，故爲衆所厭棄。自滿，則不能進道。

已。

第十二章

子曰、三年學、不至於穀、不
易得也。

且易至於不順。(吝)私己、鄙陋。有此二病、雖有美才、必廢而無功。

第十三章

子曰、篤信好學、守死善道。

見恆久之學、不能無效果。(三年)學之久。(穀)孔安國作、善久而篤學、必增知益德。朱氏就常人貪利之病解、(穀)祿(至)志、謂學久而不求祿者、難得。可見孔氏解、近乎理所當。朱氏解、猶合於俗情。

見志士自修之四要、與其見隱之道。(好學)則知識廣。(篤信)則深得其效。(守死)至死守所得。(善道)日進其道。朱氏曰、守死、篤信之效。善道、好學之功。四者甚美、層層相進。當推其極、篤信上主、好學天道、死守而日進之、則至美矣。

二節

危邦不入、亂邦不居、天下

有道則見、無道則隱。

(不入)國將傾、何必徒然遭難。(不居)因不能行道而治亂(則見)因國有道、能用其才德而興政。(則隱)因國無道、恐

三節

邦有道，貧且賤焉，恥也。邦
焉道，富且貴焉，恥也。

第十四章

子曰：不在其位，不謀其政。

第十五章

子曰：師摯之始，闕雎之亂，
洋洋乎，盈耳哉。

第十六章

子曰：狂而不直，侗而不愿，
愴愴而不信，吾不知之矣。

功廢而失其正。○上節見士之德，此見其所爲。

（貧賤，恥）邦有道，優者在位，而劣者不用，故貧賤可恥。（富貴，恥）邦無道，劣者在位，而優者不用，故富貴可恥。

見人當專主其職，不干豫分外之事。（不謀）不當謀。（位，政）官位與職。○位各有其職，職獨屬在位者，不在其位，則無涉於其政，而不當干之。○雖不宜干豫所不相涉之事，亦不可爲自寥漢而避當承之義務，學者審之。

孔子稱闕雎之美，與師摯奏樂之才。（師）魯樂師。（摯）名。孔子去衛反魯之時，摯初爲樂師。（闕雎）見二十八章（亂）樂之末章。（洋洋）隆美。（盈耳）隆聲滿人之耳。故歎美之。

孔子歎世人有病，而無相補之德，乃無法可治也。（狂）奮，太急於進。（侗）愚。（愿）謹切。（愴愴）朱氏作，無能貌。三者皆屬

第十七章 子曰、學如不及、猶恐失之。

第十八章 子曰、巍巍乎、舜禹之有天
下也、而不與焉。

第十九章 子曰、大哉堯之爲君也、巍
巍乎、唯天爲大、唯堯則之。

容貌直、愿、信、與狂、侷、相對而能補其病。(吾不知之矣)傷其病無法可救。○世人之性質若有病、或亦有相補之德、但有病而無德相補、奚有望哉。蘇氏曰、有是病、而無是德、則天下之棄才也。

見志學者當奮勉於進、而謹切於守。(如不及)知學之無窮、而已之多缺、故勉進。(猶恐失之)知所得易失、故謹記之。慎此二者、則學可廣而固也。

讚舜禹之盛德、從容而行大治、亦不動心於榮位。(巍巍)威隆貌。(不與)朱氏作、不相關。羣義作、不預求天下。二帝從容治國、所主念不外乎德政。

崇堯爲大、其德與政、美不勝言。(唯)獨。(則)朱氏曰、準。(蕩蕩)宏大。(無能名)言語不能形容之。○言天爲高大、惟堯

蕩蕩乎、民無能名焉。

配之。可知不當以人比天，蓋上帝創造天地，保佑宇宙一切，而世人之才德，皆其所恩賜，是乃至聖，超乎萬有。聖經云：皇皇我主，極當頌揚，上主盛德，深妙莫測，在蒼天者，誰配上主，在大能者中，誰可相比哉。見詩百四十五篇八、十九篇六至十五節又曰：上主耶和華，應當讚美，永世無盡，主崇高，在萬有之上，萬物乃自主而來，我等在主前如旅客，與列祖相似，我輩度日如影，無有常存。歷代上二十九章十五節

(成功)造就大爲。(煥)輝煌。(文章)朱氏解，禮樂制度。

二節 巍巍乎、其有成功也。煥乎、其有文章。

第二十章 舜有臣五人、而天下治。

言臣才難得，而美周室之盛。(五人)禹、工司。稷、農司。契、教司。臯陶、刑司。伯益、林澤司。舜以此五臣善治國。

二節 武王曰、予有亂臣十人。

(亂)治。(十人)周公旦、召公奭、太公望、畢公、榮公、太顛、閎夭、

三節

孔子曰、才難、不其然乎、唐虞之際、於斯為盛、有婦人焉、九人而已。

四節

三分天下有其二、以服事殷、周之德、其可謂至德也已矣。

第廿一章

子曰、禹、吾無間然矣。菲飲食、而致孝乎鬼神。惡衣服、而致美乎黻冕。卑宮室、而盡力乎溝洫。禹、吾無間然矣。

散宜生、南宮适、又一婦人、文母、即邑姜。

(才難)孔子引古語。(唐虞)堯舜國號。(際)交會之時。(於斯為盛)多於此世、除唐虞相交時外、才未有多於周者、但周之十人中、亦有一婦人、是足見才之難得也。

稱文王之大作為、周室之德至高、即在此時。(有其二)國之六州、即荆、梁、雍、豫、徐、揚。惟有青、兗、冀、仍歸紂。春秋傳曰、文王率商之叛國以事紂、後得天下三分之一。

美大禹克己奉公、勤勞非常、才德無疵。(間)隙、小疵。(菲)薄。(孝鬼神)古人之意雖美、但鬼神不過俗封之亡人、何足以事乎、上主為天下之大父、而世人生養、無不蒙其洪恩、豈不專當致孝乎。(黻)古禮、皮作之圍裙。(黻冕)祭服。(溝洫)田中水道、以分界、濟旱、而救水災。○禹之衣、食、與室、俱粗俗、而

子罕第九 凡三十章

第一章 子罕言利、與命、與仁。

第二章

達巷黨人曰、大哉孔子、博學而無所成名。

二節

子聞之、謂門弟子曰、吾何執、執御乎、執射乎、吾執御矣。

第三章

子曰、麻冕、禮也、今也純、儉吾從衆。

治水救災之功異常皆足表其盛德、故曰無間。

見孔子鮮論之事有三、(罕)少、(利)係財物而多苟得、(命)天命、人所莫測、(仁)全德、人所不及、○孔子所常言乃日用之道、此三者奧祕、人所難明、故皆罕言。

孔子譏俗人評己無專藝之才、(達巷)黨名、周制、二十五家爲閭、五百家爲黨、(成名)馳名。

(執)專持、(御)趕車、○常人以士宜巧於一藝、如射御等事、方能成名、孔子問弟子當習何藝、是諷時人之謬、見士不必事藝、其成名惟在乎學。

孔子於俗儀、惟視其善否而取捨、(麻冕)緇布冠、奢費、朱氏曰、以三十升布作之、升八十縷、其經二千四百縷、(純)絲、儉

二節

拜下、禮也、今拜乎上、泰也、

雖違衆、吾從下。

第四章

子絕四、毋意、毋必、毋固、毋我。

第五章

子畏於匡

二節

曰、文王既沒、文不在茲乎。

而無礙於禮、俗所用、故從之。

(拜下)古例、臣見君、當行禮於堂下、下而遠、則致敬。(拜乎

上)升堂而拜、此時人行禮疏忽、故孔子不從。

見礙人進道之四病、孔子所全戒也。(絕)除盡。(毋)無。(意)

事未考而先定其見。(必)有愛惡之偏。(固)拘執、知錯而執

之。(我)私己、惟主所涉我者。○四病蒙蔽人心、使不能悟真

理、士易陷於彼、故絕之。

孔子自信奉天命以傳道、遇危、心安於此。(匡)地名、皇侃曰、

宋地、屬今之河南開封府。○或云、魯官陽虎虐匡人、孔子貌

像之、匡人誤認而謀害、故孔子畏懼。

(文)文王所遺之文字與道。(茲)此、孔子指己。意文王亡、傳

道之任不歸我身乎。

三節

天之將喪斯文也，後死者，不得與於斯文也。天之未喪斯文也，匡人其如予何。

(天)宜解上主，上主外乎天地，而爲其大君。天地，上主所造之物也。(後死者)孔子自謂，後於文王而必死者。○曰，天若欲容道喪亡，我未得托任之，既得托任，可望蒙保佑，匡人奚能加害於我。

第六章

犬宰問於子貢曰，夫子聖者與，何其多能也。

或人美孔子多才，乃近於聖，孔子述已得多才之由，但君子成名，非在乎此。(犬宰)官名，屬吳或宋，無考。(與)疑辭。(多能)多能於小藝。○犬宰以聖人之成名，在乎多能，故有此問。

二節

子貢曰，固天縱之將聖，又多能也。

(縱)不施以限度，廣施。(將)幾乎。(聖)才德至高。又字，謂多能乃聖人之餘事，可有可無。子貢稱孔子所原稟之德，富，近於聖，但其多藝，竟外乎此。

三節

子聞之曰，犬宰知我乎，吾

(少)也賤，多能)幼時貧，故習賤事而得多能。孔子譏犬宰不

少也賤，故多能鄙事。君子

多乎哉，不多也。

牢曰：子云，吾不試，故藝。

四節

（牢）孔子門徒，姓琴，字子開，亦字子張。（試）仕用。○牢引孔子言曰：未作官時，生計不足，故多治雜事而習藝。○孔子不恥認其貧而習鄙事，乃最佳。世俗以工爲辱，以閒暇無事爲美觀，其實人皆當有事業而力行之，無則惰而可恥，事雖賤，亦不當辭也。

第七章

子曰：吾有知乎哉？無知也，有鄙夫問於我，空空如也，我叩其兩端而竭焉。

子曰：鳳鳥不至，河不出圖，

第八章

孔子謙言己知不全，惟懇切於教人（無知）不全知。大智者愈進道，則愈覺已多不及。（鄙夫）粗人（空空）慳慳，愚魯樸實之貌。（叩）啓發，闡明。（兩端）事之本末。（竭）盡。雖卑賤之人，若有切實之貌，孔子亦不棄絕，而以道之本末盡解之。孔子歎時之無吉兆，因而失望於興道。（鳳）異鳥（圖）怪像。

吾已矣夫。

係伏羲舜帝文王之時。(已)止。傳言有龍首馬體，背上畫線，古人所憑以占卜，但事無考，孔子言其無，謂時勢不祥，而道不行，故深歎之。

第九章

子見齊衰者，冕衣裳者，與瞽者，見之，雖少必作，過之必趨。

見孔子體恤治喪者，恭敬在位者，憐憫不幸者。(齊)音茲。(衰)音崔。(齊衰)喪服。(冕)貴人之冠。(衣)上服。(裳)下服。尊者之禮服。(瞽)眼無光。(作)起。(趨)速走。是二等雖年少於己，見之必起，過之必趨，以昭恭敬。

第十章

顏淵喟然歎曰：仰之彌高，鑽之彌堅，瞻之在前，忽焉在後。

顏淵讚孔子善於教人，嘆道之美而難及。(喟)音愧，歎聲。(彌高)道升而尤高，故不能及。(鑽)穿。(彌堅)道凝而愈堅。故不可透。(在前、在後)無方體，無所不達。

二節

夫子循循然善誘人，博我以文，約我以禮。

(循循)按次序，不躐等。(善誘人)知引人進道。(博以文)以學擴充我才。(約以禮)以禮教我自制。

三節

欲罷不能、既竭吾才、如有所立、卓爾、雖欲從之、末由也已。

第十一章

子疾病、子路使門人爲臣。

二節

病間曰、久矣哉、由之行詐也。無臣而爲有臣、吾誰欺、欺天乎。

三節

且予與其死於臣之手也、無寧死於二三子之手乎、

論語

子罕第九

(欲罷)因道之難及、欲止(不能)因道之善美吸引、不能不求。(卓爾)直豎然。(有所立、卓爾)如有物直立在前阻我。(末由已)雖勉力求之、竟無從得之。○人眼界愈擴、則愈知道德之無窮、而已遠不及之也。

見孔子深責子路虛僞圖外觀、亦言雖死、心安於門人之照顧。○時孔子不在位、不當有家臣、子路以爲其臨終、故使門人僞作臣、以奉求鬼神。

(病間)病少退時。(爲有臣)僞作有臣。江熙曰、猶禱上下神祇。○孔子病少退而醒、覺子路代爲立臣、而深責之、言其常行詭詐、此僞立臣、乃使孔子見若欺天、豈可如是耶。

(無寧)不如。(縱)雖。(大葬)君臣禮葬。(死於道路)席裹而遺之。○孔子言及已葬事、不欲虛華、雖無大葬、終不至於慘

且予縱不得大葬，予死於道路乎。

棄，且有門徒照料，美於有臣，是信弟子之愛，而心安於其照顧。

第十二章

子貢曰：有美玉於斯，韞匱而藏諸，求善賈而沽諸。子曰：沽之哉，沽之哉，我待賈者也。

子貢設譬見孔子當出仕，孔子答惟須待其所宜而行也。（韞）收。（匱）匣。（賈）價。（沽）賣。○子貢問寶石當收於匣，或求重價而賣，孔子答可賣，但宜待人出合宜之價而求之，此非其不願出仕，乃欲待召而往也。

第十三章

子欲居九夷。或曰：陋如之何。子曰：君子居之，何陋之有。

見君子感人之大力，雖夷狄若得其教，亦能化而歸道。（九夷）東方野人，有九族。是時國亂，孔子痛之，言欲出外（陋）粗野。

第十四章

子曰：吾自衛反魯，然後樂正、雅頌各得其所。

孔子言修樂刪詩之功。○時當哀公十一年，孔子六十八歲，去世前五年，自衛反魯，見詩樂紊亂難存，故修纂以救之。

第十五章

子曰：出則事公卿，入則事

孔子謙言道之要節，乃已所未得。（公卿）指二等君臣。（喪

父兄喪事不敢不勉，不爲酒困，何有於我哉。

第十六章

子在川上曰：逝者如斯夫，不捨晝夜。

第十七章

子曰：吾未見好德如好色者也。

第十八章

子曰：譬如爲山，未成一簣，

事。治葬事雖要，孝敬永生上主尤爲要（勉）竭力（不爲酒困）戒酒之迷亂。○在外務官職，在家行孝弟，盡喪禮而戒酒迷，此孔子言已所未及也。

孔子以水譬世事，常易而速往（逝）過去（舍）息。○孔子立河旁，見水常流不息，知人生與世事皆如此，常變而不能久存。○嘗思今生速逝，來生常存，世事易變，上主與天道不變，幸上主恩示救世道，特教人預備身後，而得永生與不變之佳境。

歎世人之衰，每役於欲，而不尚道德（德）道之效（色）身之欲。○按史記，時孔子居衛，靈公與南子同車，舉動不端，孔子醜之，故言此。

孔子以土工譬學，謂若欲其成，須恆而不已，所進與止，惟在

止、吾止也。譬如平地、雖覆一簣、進、吾往也。

第十九章 子曰、語之而不惰者、其回也與。

第二十章 子謂顏淵曰、惜乎、吾見其進也、未見其止也。

第二十一章 子曰、苗而不秀者、有矣夫。秀而不實者、有矣夫。

乎已。(爲山)堆山。(簣)土籠。(平地)堆土於平地、又作、使地平、去凸補凹。修道之功、增知積德、若爲山。去過與不及之病、若平地。(吾止、吾往)學之成否、惟在於我。曰止、警人不可中道而廢。曰進、勉人恆入、功雖緩、終可有成。

稱顏淵敏切、學而不倦。(語之)我講道。(惰)疏忽。力行我所教而己者、乃回也。○上章言學宜勉進不已、此章意相貫、舉顏淵爲法。

歎美顏淵好學而恆進。○時顏回已死、孔子深歎之、以其勉進而不止爲表、此與上文亦相接。

孔子傷無效之學、始有望而終無成。(苗)芽。(秀)穗。(實)穀。○歎常人修道之病、少進而止、所進雖深淺不同、終皆不至結實也。是亦承上章之意、所重即止則不成也。

第廿二章

子曰、後生可畏、焉知來者之不如今也、四十五、而無聞焉、斯亦不足畏也已。

第廿三章

子曰、法語之言、能無從乎、改之爲貴、巽與之言、能無說乎、繹之爲貴、說而不繹、從而不改、吾末如之何也已矣。

第廿四章

子曰、主忠信、毋友不如己者、過則勿憚改。

論語

子罕第九

言少年有望於後成、而足敬也。(畏)敬。(無聞)無功可聞曰、何知其後來不如我之今乎、至中年而無功、始可不敬。尹氏曰、少而不勉、則老而無聞、自少奮進、安知不至於極乎、是可畏也。

指常人之迷、明道而不循以改正、稱道而不存之於心。(法語言)正道之警戒。(改之)順之以改過。(巽與言)溫良之勸言。(繹)深究其理。○世人之常病、雖能通道、仍不順道、雖稱其美、仍置於不顧、是自迷而昏昧其心、奚可望救乎。聖經云、爾等當行道、不可止聽道、以至自欺。論及常人自言信道、而竟不順道、又云、魔鬼亦如此信而戰兢也。雅各一章二十二節

重言。見學而八章

第廿五章

子曰三軍可奪帥也匹夫不可奪志也。

取譬見志若堅立於道則外物不能奪也。(奪強取)(匹夫)註曰指其賤或曰常人。○人非自降己志則不能陷於惡三軍雖強敵軍或能勝之而奪其將但志堅定雖於常人亦不可奪也。

第廿六章

子曰衣敝緼袍與衣狐貉者立而不恥者其由也與。二節 不佞不求何用不臧。

稱子路不動心於貧但未及道之至。(敝)破。(緼)麻織貧賤之衣。(狐貉)美裘富貴之服。

(佞)恨惡。(求)詔。(臧)善。(不佞不求)無貧人之常病無詔無怨。(何用不臧)註曰何用不謂之為善乎。此衛風雄雉之詩孔子引之以稱讚子路。

三節

子路終身誦之。子曰是道也何足以臧。

子路因得孔子之讚美自喜而常誦此詩故孔子抑之。言其所得雖可嘉亦不足以為成。

第廿七章

子曰歲寒然後知松柏之

孔子取譬言人守正之堅否可見於艱難之際。○平時諸樹

後彫也。

第廿八章

子曰、知者不惑、仁者不憂、勇者不懼。

第廿九章

子曰、可與共學、未可與適道、可與適道、未可與立、可與立、未可與權。

第三十章

唐棣之華、偏其反而、豈不爾思、室是遠而。

論語

子罕第九

不見大異、至冬時則有別、而松柏落葉遲。時太平、善惡者不見有大異、但時變而禍至、惡者必早失正、惟獨君子能久守道也。

言知、仁、勇、各有其效。朱氏解、明足以燭理、故不惑、理足以勝私、故不憂、氣足以配道義、故不懼。○愚疑人須倚賴上主、然後可如此。

見求道者之三等、各有所限。(適道)前進而通其理。(立)品立於道。(權)稱物、辨理之輕重而從之。有能共學者、不能明其理。有能明理者、不能施用之。有能用之、不能辨其所施不一、知時度勢而行也。

孔子引逸詩、見思念之要。(唐棣)美李。(偏)晉書作翮。(而)完句辭。此逸詩之辭、有缺而難釋。謂樹花翻復而翮、非我不

二節

子曰、未之思也、夫何遠之有。

念爾、乃爾居遠而難至。

言思念之貴、能使高遠者近而可知。○推其理、常人以為上帝遠、天道渺茫、其實非遠非渺茫、乃未求之耳、若思而求之、則知上主相近、而天道明朗如日。

鄉黨第十 凡十八章

第一章

孔子於鄉黨、恂恂如也、似不能言者。

此卷多詳述孔子之衣食容貌、舉動等、不甚關乎道德。

記孔子之言貌、皆與其在相稱。(鄉黨)家族所在。(恂恂)純樸貌。(似不能言)朱氏作、謙卑遜順、不以賢知先人也。

二節

其在宗廟朝廷、便便言、唯謹爾。

(便便)細辯。(爾)耳。(唯謹爾)惟以謹慎。(宗廟)禮儀所在。(朝廷)君之所在。在朝野、言貌與所交者相稱。

第二章

朝、與下大夫言、侃侃如也、與上大夫言、誾誾如也。

見在朝事上接下之容。(大夫)通稱、諸侯朝分上下、上者卿。(侃侃)直而不拘。(誾誾)溫和而謹。此未見君之時。

二節

第三章

君在、蹶踏如也、與與如也。君召使擯、色勃如也、足躩如也。

二節

揖所與立、左右手、衣前後、襜如也。

三節

趨進、翼如也。

第四章

賓退、必復命曰、賓不顧矣。入公門、鞠躬如也、如不容。

二節

立不中門、行不履闕。

（蹶踏）恭敬不安之容，如不知置脚。（與與）肅敬自在之貌。見爲君迎客之容。（擯）動辭，接賓。接鄰國之君或使者。（勃）變。（足躩）如腿下墜，朱氏作盤辟貌。

（揖）施禮。（所與立）同接客者，挨次立以傳命。（左右手）動左右手，施禮於左右者。（襜）襟整齊貌。

（趨進）速前行以接客。（翼如）展衣，如鳥張翅。（復命）報告君。（不顧）客不回視。至此，辭別之禮畢。

（記入朝之容）（公門）朝門。（鞠躬）曲身。（如不容）如門不容其進。

（中門）中於門。君門中央有闕，兩旁有棖，棖闕之中，人君專立之處，故臣子不敢立。（闕）門限。出入朝門，不立當中，不踐門限。

三節

過位、色勃如也、足躩如也、其言似不足者。

四節

攝齊升堂、鞠躬如也、屏氣似不息者。

五節

出、降一等、逞顏色、怡怡如也、沒階、趨、趨翼如也、復其位、蹶蹶如也。

第五章

執圭、鞠躬如也、如不勝、上如揖、下如授、勃如戰色、足踏踏、如有循。

二節

享禮、有容色。

(位)君之虛位。(似不足)其言若不敢出。君雖不在位，孔子過之，其色變，腿縮言過，如君在也。

(攝)提。(齊)朱氏作，衣下縫。禮，升堂，兩手執衣，以免繞脚傾跌。(屏)斂。

(等)階。(逞)放。(怡怡)如意之貌。(沒階)階下盡。(趨進)進字誤入原文，速至當立之所。君前，禮不可坐，復其原處，仍見不安之貌。

記爲君聘鄰國行禮之容。(圭)諸侯命圭，使者奉差鄰國，帶之爲憑。(如不勝)如力不足舉之。(上如揖，下如授)持圭，舉手不高於揖，不卑於遞物。(踏踏，如有循)脚難舉，如有拖物之累。

(一)獻。(容)安舒。獻禮於鄰君，有安舒之貌。

三節 私覲，愉愉如也。

第六章 君子不以紺緹飾。

二節 紅紫不以爲褻服。

三節 當暑，袗絺綌，必表而出之。

四節 緇衣、羔裘、素衣、麕裘、黃衣、狐裘。

論語 鄉黨第十

(私覲)以私禮見鄰君。(愉愉)喜悅貌。○晁氏曰：孔子定公九年仕魯，至十二年適齊，其間絕無朝聘往來之事，疑使擯執圭兩條，但孔子嘗言其禮當如此。

記治服之例。(紺)深青色，齋服。(緹)絳色，喪服。(飾)領袖之邊。

(褻服)家常服。紅紫，朱氏曰：色不正，近於婦女之服，故不用也。

(袗)單。(絺)細麻布。(綌)粗麻布。(表而出之)裏有繫身，其上穿單服，或細或粗。○孔子以露身爲恥，今人宜效之，庶免夏時見體之弊。

(緇)黑色。(羔裘)黑羊皮。(麕)小鹿，白色。(狐)黃色。衣與皮色相稱。

五節 褻裘長、短右袂。

六節 必有寢衣、長一身有半。

七節 狐貉之厚以居。

八節 去喪、無所不佩。

九節 非帷裳、必殺之。

十節 羔裘、玄冠、不以弔。

十一節 吉月、必朝服而朝。

第七章 齊必有明衣、布。

二節 齊必變食、居必遷坐。

第八章 食不厭精、膾不厭細。

二節 食饘而餽、魚餒而肉敗、不

(袂)袖。在家穿之皮衣長、右袖短、以便作事。

此古時治齋之例。是謂當在齊必有明衣布下

(狐貉)毛長而暖。(以居)以居家。

(佩)身帶之垂物。古例、佩玉器、使人徐行。亦有小刀手帕等物。

(帷裳)朝祭服。(殺)斜縫、上窄下寬。孔安國言、省料之意。

(不以弔)例、白為治喪之色、玄與弔不相合、故孔子不用。

(吉月)月朔。孔子每逢初一、穿禮服上朝、去仕後、仍依此例。

治齊之例。(齊)齋。(布)麻布。此下接必有疑衣二句

(變食)不用葷酒。(遷坐)改常坐之處。

記飲食之制。(食)飯。(精)細而潔。(膾)切肉。

(食饘)飯霉。(餽)味變。(餒)爛。(失飪)未熟、或過熟。(不時)

食。色惡不食。臭惡不食。失

不應時。

飪不食。不時不食。

三節 割不正不食。不得其醬不

(割不正)肉必切齊。醬得其宜。

食。

四節 肉雖多。不使勝食氣。唯酒

無量。不及亂。

(不勝食氣)食氣。罕用之辭。食原主穀。肉當與穀相稱。(酒不及亂)少用。不至於醉。常人難免亂。故全戒之爲妙。

五節 沽酒。市脯。不食。

(沽市)買於市。(脯)乾肉。例宜家製。

六節 不撤薑食。

(撤)去。每用食。備有薑。

七節 不多食。

食有節制。不過分。

八節 祭於公。不宿肉。祭肉。不出

(祭於公)助君祭。(不宿)不留過夜。(出三日)三日之外。

九節 三日。出三日。不食之矣。

食不語。寢不言。

朱氏曰。答述曰語。自言曰言。孔子飯間及臥時。例不語言。

十節

雖疏食菜羹瓜祭，必齊如也。

第九章

席不正不坐。

第十章

鄉人飲酒，杖者出，斯出矣。

二節

鄉人儺，朝服而立於阼階。

第十一章

問人於他邦，再拜而送之。

二節

康子饋藥，拜而受之，曰：丘

未達，不敢嘗。

（瓜）陸氏作必（齊）敬。肅朱氏解意不忘本。○上主既爲天下人之本，而日用與一切幸福，皆其所恩賜，每用食，當專感謝上主，而不祭鬼神。

坐亦欲齊整。

（杖者）老人六十扶杖於鄉。孔子待老者出，而後從之，以昭恭敬。

（儺）逐鬼以除疫。（阼階）東階。○欲避災疫，當仰求上主保佑，而謹於衛生，家中與街巷，皆除一切穢物，以免生毒而致病患。

問候遠友之禮。（拜而送）朱氏曰，拜送使者，如親見之敬也。孔子慎於用人饋之藥。（饋）送。（未達）不知，楊氏曰，拜而受之，禮也。未達不敢嘗，謹疾也，必告之，直也。

第十二章 廢焚、子退朝、曰、傷人乎、不

問馬。

孔子問災禍、重人而輕畜。(廢)馬房。(焚)燒。

第十三章

君賜食、必正席先嘗之。君賜腥、必熟而薦之。君賜生、必畜之。

見孔子於君之饋物、敬受之而每有所用。(正席先嘗)整位而少食、如君在。(腥)生肉。(薦)祭祀。(生)活物。(畜)養。○君饋熟肉、嘗之而後送人。饋生肉、養之而用以祭祀。饋生牲、收養於家。

二節

侍食於君、君祭先飯。

(侍食於君)伺候君而奉其食。(君祭)例、君專祭。(先飯)孔

三節

疾、君視之、東首、加朝服、拖紳。

子先嘗之而後奉君、不敢當客禮。

(疾)有病。(東首)首、動詞、置首向東。古例、病臥而不能起、褻服不恭敬、故以朝服披身、引帶於上。

四節

君命召、不俟駕、行矣。

記孔子遵君命以速。君一召即去、不待駕車。

第十四章

入犬廟、每事問。

重言。見八、十五、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百。

論語

鄉黨第十

第十五章 朋友死，無所歸，曰於我殯。

見孔子忠厚，友亡而無所賴，則自認葬事。（無所歸）無人照料。（殯）葬。（於我殯）葬事歸我備。

二節 朋友之饋，雖車馬，非祭肉，不拜。

（拜）道謝。朱氏曰：朋友有通財之義，雖車馬之重不拜。但此似不合投桃報李之義。

第十六章 寢不尸，居不容。

（寢不尸）不像死人殯臥。（居不容）居家不拘禮節。

二節 見齊衰者，雖狎，必變。見冕者，與瞽者，雖褻，必以貌。

（齊衰）喪服。（狎）親密。（變）變色。（冕）禮冠。（瞽）眼無光（貌）敬禮。遇喪者，雖親密，必變色。遇盛服與不幸者，雖自穿便服，亦施大禮。

三節 凶服者式之，式負版者。

孔子路遇喪者，與戴民冊者，施禮甚敬。（凶服）喪服。（式）車前橫木。（式之）曲身以至平軾，施禮以厚。（負版）戴國民圖籍。

四節 有盛饌，必變色而作。

（盛饌）豐席。（作）起。

五節 迅雷、風烈、必變。

第十七章 升車、必正立執綏。

二節 車中不內顧、不疾言、不親指。

第十八章 色斯舉矣、翔而後集。

二節 曰、山梁雌雉、時哉時哉。子路共之、三嗅而作。

(迅)疾。(烈)暴。變色、雷響風狂、不得不驚。

(執綏)持繩以上車。

(內顧)回望。(不親指)不以手指。

此章有闕文。朱氏曰、不可強爲之說。(舉)起。(翔)高飛。(集)下止。鳥見人面、驚而起、飛而後止。

(梁)橋。(雌)母。(時)應時。(毳)向而動。(三嗅)三次聞其味。○孔子見野雞、曰應時。子路擒而奉之以食。孔子聞其味而起。或作、子路向雞進以擒之、雞三鳴、驚而飛矣。

論
語

鄉
黨
第
十



一
百
二
十

先進第十一 凡二十
五章

第一章

子曰、先進於禮樂、野人也、
後進於禮樂、君子也。

二節

如用之、則吾從先進。

第二章

子曰、從我於陳蔡者、皆不
及門也。

二節

德行顏淵、閔子騫、冉伯牛、
仲弓。言語宰我、子貢。政事
冉有、季路。文學、子游、子夏。

孔子就禮樂較古今、稱古人爲美。(先進、後進)古士、今士。
(野)文藝不足。(君子)成學之名。(用之)用禮樂。先進尙道
德、而文質相宜、時人誤以爲野、後進重文而輕質、時人誤以
爲君子、孔子示周末文勝之過、而古人爲己所從也。
孔子思念昔日同難之徒、記者因即其才德、分爲四科。(從)
隨(陳蔡)二國名、屬今之河南陳州與汝寧。(及門)入我門、
鄭氏作、不及仕進之門。○孔子向遊二國、弟子隨之而同遭
難、是時年老、追念之、而歎其或散或亡。
弟子十人、記者以其才分列四科、稱爲十哲。以德行為首、口
才次、治政之才三、文學四。程氏言四科、特言從孔子於陳蔡
者、門人之賢者固不止此、所謂十哲者、世俗論也。

第三章

子曰、回也、非助我者也、於吾言、無所不說。

孔子以反辭稱顏淵、明道而善進。(非助我)弟子若疑問而辯道、師有所講解、回明通而無所辯問、故深美之曰、非助我。

第四章

子曰、孝哉、閔子騫、人不問於其父母昆弟之言。

美子騫之孝、衆人與家內、皆一口同音而證也。(問)動詞、異羣義作、非。○家內獨言其善、或可偏、但外人所言亦同、足證其孝之實。○孔子以字稱弟子、只此一次。

第五章

南容。三復白圭、孔子以其兄之子妻之。

孔子稱南容謹於言、以兄之女嫁之。(白圭)詩辭。大雅抑之篇、曰、白圭之玷、尚可磨也、斯言之玷、不可爲也。南容反復是言、可謂謹於言行、孔子稱之、而以兄之女妻之。

第六章

季康子問弟子孰爲好學、孔子對曰、有顏回者好學、不幸短命死矣、今也則亡。

重言。見雅也
第二章

第七章

顏淵死、顏路請子之車、以爲之椁。

見顏淵死、孔子不爲之買椁、而言其故。(顏路)回之父、名無繇、年少於孔子、向受其教。(椁)外棺。(請車以爲椁)求孔子賣車以買椁。

二節

子曰、才不才、亦各言其子也、鯉也死、有棺而無椁、吾不徒行以爲之椁、以吾從大夫之後、不可徒行也。

(鯉)孔子子、伯魚。○謂鯉雖不及顏淵、亦是我子、其死、吾未備椁、彼時吾爲大夫、禮當用車、故未賣、既爲子未備椁、自不可爲弟子備也。時孔子不在位、其用車否、可聽自便、曰不可徒行、託辭也。○此章有所可疑、按家語、回先鯉死有年、何有此說。

第八章

顏淵死、子曰、噫、天喪予、天喪予。

記顏淵死、孔子深痛之。(噫)痛歎辭。(天喪予)回亡、即若天滅我。見其甚愛顏回、傷道無傳。

第九章

顏淵死、子哭之慟、從者曰、子慟矣。

門徒病孔子哀顏淵太過、孔子曰、非過分也。(慟)哀過分乎。疑辭。(夫人)此人。○謂顏淵之德罕見、爲其傷痛、實合宜、是

二節 曰、有慟乎。

三節 非夫人之爲慟、而誰爲。

第十章

顏淵死、門人欲厚葬之。子曰、不可。

二節

門人厚葬之。

三節

子曰、回也、視予猶父也、予不得視猶子也、非我也、夫

二三子也。

第十一章

季路問事鬼神。子曰、未能事人、焉能事鬼。敢問死。曰、未知生、焉知死。

哀之正、非過分也。

言門徒葬顏淵從厚、孔子責其非理。(不可)顏路家貧、奢費難支、孔子以喪費、宜與家道相稱、大葬不合宜。門人不從。

孔子歎己不能待顏淵、如父之待子、其葬不與家道相合、非我過、乃爾弟子之過也。○孔子主重省儉、可嘉、今之治喪、多浮華而累家、寧去一切妄費、而不累家於債、則幸。

孔子避論鬼神與生死。(事鬼神)所謂鬼神者、不過亡人、不知後人事奉、且無禍福之權、敬之不但無益、亦僭上帝之尊(焉能事鬼)雖不能事鬼、幸聖經明示、能事奉上主、此君子盡孝報本之要務、經曰、當欽拜耶和華爾之上帝、而專事之。

第十二章

閔子侍側、闇闇如也、子路、
行、行如也、冉有、子貢、侃侃
如也、子樂。

二節

若由也、不得其死然。

第十三章

魯人爲長府。

二節

閔子騫曰、仍舊貫、如之何、

論語

先進第十一

馬太四
章十節（焉知死）死、萬國聖賢所莫測、故上主垂救世教、特

示生死之大局、善惡之永報、及贖罪之良方、篤信此道、可知
死生。聖經曰、凡信上主聖子者、必得永生。又曰、信基督者、已

出死入生。見約翰三章二十四節、
六節、五章二十四節、

見弟子各有所長、皆孔子所喜、但警子路、恐後不免凶終。

（侍側）立於旁。（闇闇）溫和而謹。（行行）剛勇貌。（侃侃）正

直無隱。孔子見弟子每有所長而樂之。

（不得其死然）恐不得安然而死。○子路勇敢太過、故警之、

恐後遇凶終。尹氏曰、此言驗於子路死在衛孔悝之難。

稱閔子儉省、言少而中理。（爲）改造。（長府）藏名、藏財貨公

所。王肅曰、藏錢帛曰府、藏兵甲曰庫。

（貫）猶繼。（仍舊貫）仍從舊式。王氏曰、改作、勞民傷財、不如

何必改作。

仍舊貫之善。

三節

子曰：夫人不言，言必有中。

（夫人）此人指閔子。稱其言少，發之以正。

第十四章

子曰：由之瑟，奚爲於丘之門。

孔子責子路過勇，然亦有所長也。（瑟）樂器。（奚）何。曰子路之樂有武氣，不當在我門，謂好武與道不相合。

二節

門人不敬子路。子曰：由也，升堂矣，未入於室也。

（升堂）譬有所進。（入室）進道之深。○弟子聞孔子病子路遂輕視之。故孔子謂子路雖未入道之深，亦有所進，所未知者，卽道勝於力，德美於才，和貴於勇。

第十五章

子貢問師與商也，孰賢。子曰：師也過，商也不及。

子貢以二弟子相較，孔子言各有所短，而皆失中道。（師）子張，奮勉而志高，病於過。（商）子夏，謹慎而意見狹小，病於不

二節

曰：然則師愈與。

（愈）勝。

三節

子曰：過猶不及。

（過）越乎中。（不及）未至中。道之美，在中央，過與不及，均爲

第十六章

季氏富於周公，而求也爲之聚斂，而附益之。

二節

子曰：非吾徒也，小子鳴鼓而攻之，可也。

第十七章

柴也愚。

二節

參也魯。

三節

師也辟。

四節

由也喭。

病。尹氏言，學之所主，在抑人之過，而引其不及。

孔子重斥求，事貪臣，助其虐民。（富於）富勝。（聚斂）積賦稅。（附益之）助之增財。周公，王之冢宰，有大功，而宜富。季氏只諸侯之臣，其富不免苟得，冉求代爲聚斂，乃虐民也。

（鳴鼓）例，市殺罪犯，擗鼓報罪以示衆。孔子怒求之不義，故命門人揚其非，以棄絕之。

孔子直指四弟子各有其病。（柴）姓高，字子羔。（愚）不明，但無僞。

（魯）鈍，緩於進，然能固守。

（辟）言，行習於虛僞。

（喭）粗陋。○吳氏曰：此章首無子曰二字，或疑下章當與此通爲一章。

第十八章 子曰：回也其庶乎，屢空。

二節

賜不受命，而貨殖焉，億則屢中。

第十九章 子張問善人之道。子曰：不踐迹，亦不入於室。

第二十章 子曰：論篤是與，君子者乎，色莊者乎。

第二十一章 子路問聞斯行諸。子曰：有父兄在，如之何其聞斯行之。冉有問聞斯行諸。子曰：

論顏淵與子貢，指回之盛德，賜雖有所長，亦多不及。（庶乎）近於全德。（空）窮乏。顏淵雖貧乏，其學亦近於足備。

（命）天命。（貨殖）增財。（億）量度。○子貢不乏裁度之才，但好財而未能順天命，故多不及矣。

言善人之於道，所能及與所不能及。（不踐迹）能免常人之過。程氏曰：不循途守轍。（入室）進道之深。善人雖有所進，能離常人之惡，仍未能進至道矣。

見不可獨以言貌稱許人。（論篤）言論誠實。（色莊）貌端正。○外貌與內心，屢不相合，故不可獨憑人之言貌，許之爲善。孔子教弟子，每因其性質而抑勉之。（聞斯行諸）一聞事即行之乎。（兼人）兼有才力之人。朱氏作：勝人，恐力行有餘，裁度不足。子路性急，理當抑之，故命問父兄，求性懦，故策其一

聞斯行之。公西華曰、由也問聞斯行諸、子曰、有父兄在、求也問聞斯行諸、子曰、聞斯行之、赤也惑、敢問。子曰、求也退、故進之、由也兼人、故退之。

第廿二章

子畏於匡。顏淵後。子曰、吾以女爲死矣。曰、子在、回何敢死。

第廿三章

季子然問仲由冉求、可謂大臣與。

二節

子曰、吾以子爲異之間、曾

論語

先進第十一

聞卽行。此孔子視門人之性而施教、性急則抑之、性懦則勉之。

記顏淵愛孔子、遇危不顧己身。(匡) 五見子罕 (後) 落後。(以女爲死) 孔子懼其遇害。回猶答、夫子不在、我亦或可死、夫子仍在、我何能不存。是視孔子如父、惟以其安穩爲念。

孔子論由與求、雖各有所長、不足以稱大臣。(子然) 季桓之弟。由求爲其家臣。(爲異之間) 以非常之人爲問。曾乃(具臣) 居臣位而無功者。(弑殺) ○孔子輕二子、以抑子然言

由與求之問。

三節 所謂大臣者、以道事君、不可則止。

四節 今由與求也、可謂具臣矣。

五節 曰、然則從之者與。

六節 子曰、弑父與君、亦不從也。

第廿四章

子路使子羔爲費宰。

二節 子曰、賊夫人之子。

三節 子路曰、有民人焉、有社稷焉、何必讀書、然後爲學。

四節 子曰、是故惡夫佞者。

第廿五章

子路、曾皙、冉有、公西華、侍

大臣之見隱、必主於道。但由求事無道之主、故不過是具臣。子然問、既是具臣、必從君之惡乎。答、非、君行大逆、則不從。此隱責季然之僭妄、亦見二弟子雖事無道之主、終不願縱容其大罪也。

孔子責子路妄薦人、見未學而仕用、必不勝任而有害。(賊)害。(夫人之子)人家之此子。子路爲季氏宰、舉薦子羔爲官。孔子斥之、指羔之學不足勝官任。(人)士。子路答、盡官職在治事、而行社稷之禮、何必讀書、方得勝任。孔子恨其說爲廢學之巧言。

孔子令四子、各言其所欲、而後逐一論之。(曾皙)曾參父、名

坐。

二節

子曰、以吾一日長乎爾、毋吾以也。

三節

居則曰、不吾知也、如或知爾、則何以哉。

四節

子路率爾而對曰、千乘之國、攝乎大國之間、加之以師旅、因之以饑饉、由也爲之比、及三年、可使有勇、且知方也。夫子哂之。

五節

求爾何如。對曰、方六七十、如五六十、求也爲之比、及

點。(待坐)坐於師旁。(吾長乎爾)孔子曰、我雖少年長於爾、不妨直言、是令弟子各言其志。

(居)平常。(不吾知)未有君知我。(如或知爾)若有君知而用汝、則欲作何事乎。

(率爾)輕速之態。(攝)包氏作、迫。(師)二千五百兵。(旅)五百兵。(因)又、羣義作、因大軍之故、必至饑饉。(饑)絕糧。(饉)缺菜。(比)正義作、近。(方)朱氏曰、向、向義。(哂)微笑。子路所欲乃大任、而主於勇與力。

(方六七十)小國。(如)或。(使足民)使民生計富。(以俟君子)必待君子以教之。冉有較子路謙、所欲不過小邦、但不

三年、可使足民、如其禮樂、以俟君。子

六節

赤爾何如、對曰、非曰能之、願學焉、宗廟之事、如會同、端章甫、願為小相焉。

七節

點爾何如、鼓瑟希、鏗爾、舍瑟而作、對曰、異乎、三子者之撰、子曰、何傷乎、亦各言其志也、曰、莫春者、春服既成、冠者五六人、童子六七人、浴乎沂、風乎舞雩、詠而歸、夫子喟然歎曰、吾與點也。

關乎道、止及外物、養生之利益。

公西赤謙、自認不足以治政事、惟能行儀文。(會)諸侯每獨朝見。(同)衆諸侯同朝見。(端)黑方衣。(章甫)禮冠。(相)助君之禮。

(希)音將歎。(鏗)樂之餘響。(作)起。(撰)具。(莫春)春末、溫和之日。(冠者)戴禮帽者、年二十始冠。(浴)禮洗。(沂)山東南方河名。(風)乘涼。(舞雩)求雨之壇、古人行禮跳舞在前。(詠)歌。(與點)許點所欲、但未發明許之之故。皇侃曰、諸弟子皆以仕進為心、惟點獨識時變、而超然物外、所欲在與時偕行、隨遇而安、故孔子稱之。

八節

三子者出、曾皙後、曾皙曰、

三子退後、孔子與曾皙、論各人所欲。

夫三子者之言、何如。子曰、

亦各言其志也已矣。

九節

曰、夫子何哂由也。

曾皙問孔子哂由之故。

十節

曰、爲國以禮、其言不讓、是故哂之。

(不讓)不謙遜。孔子責子路欲治大國、自恃太過、出言未免輕率冒昧之失、故笑之。

十一節

唯求則非邦也、與。安見方六七十、如五六十、而非邦也者。

(非邦也與)曾皙問、求非亦欲治邦乎。孔子答、方六七十里之地、豈非邦乎。是求亦欲治邦、但孔子未現明許之否。

十二節

唯赤則非邦也、與。宗廟會同、非諸侯而何、赤也、爲之小、孰能爲之大。

(唯赤)曾皙又問、赤非亦欲爲邦乎。孔子答、非國君、誰可治宗廟會同之事乎。但赤止用爲小相、誰能爲大乎。即許赤知禮儀、不但可爲相、亦可主理之。是孔子以三弟子所欲、示各

論語

先進第十一

十三

顏淵第十二凡二十四章

第二章

顏淵問仁。子曰：克己復禮爲仁，一日克己復禮，天下歸仁焉。爲仁由己，而由人乎哉。

二節

顏淵曰：請問其目。子曰：非禮勿視，非禮勿聽，非禮勿言，非禮勿動。顏淵曰：回雖不敏，請事斯語矣。

第二章

仲弓問仁。子曰：出門如見

所得之道也。

見修仁本乎克己，其所以成之之方。（仁）全德。（克己）馬融作約身。註曰：非克去其己，乃克去己中之私欲。（復）歸。（歸）與許。○言德乃人所必自修，非他人可與之，克服己私，而從理所當然，卽修仁之方也。

（目）條。（非禮）凡不合理者。（勿）禁止辭。（視）惡所以自外入於內。（言動）惡所以自內發於外。必慎此四者，以防惡而修仁。回自認不及，言欲以行之爲務。○人獨賴己力，不能化其心，克其欲，上主乃仁之本，心之主，故必賴上主，用其法，方可有成。上主之法，卽在救世道也。

見仁之發於行而施於交際。（賓）客。（承祭）助祭。（見大賓、

第三章

二節

大賓、使民如承大祭、己所不欲、勿施於人、在邦無怨、在家無怨、仲弓曰、雍雖不敏、請事斯語矣。

司馬牛問仁。

子曰、仁者其言也訥。

三節

曰、其言也訥、斯謂之仁矣乎。子曰、爲之難、言之得無訥乎。

第四章

二節

司馬牛問君子。子曰君子不憂不懼。

曰、不憂不懼、斯謂之君子。

論語

顏淵第十二

承大祭）敬謹之甚。（勿施）恕道。言在家在外、治公務、理私事、言動必主敬而循恕道、則仁見於行而施於衆。仲弓答與顏淵同。此章承上章之意、上章見仁在己、而本乎心。此章仁之發於外、而施於人。

見仁之發於言、使人謹而不放。（司馬牛）孔子弟子、名犁、向魋之弟。（訥）言難出、因自約。（爲之難）言易出而難行、故不可不慎。孔子知牛出言不謹、而以此戒之。聖經警人言語間易失曰、當速於聽、緩於言、緩於發怒。又曰、人若言語間無過、其乃完全人、能勒全身也。九見雅各一章十、九節三章二節、

見仁之效於己、使心無虧而安定也。（疚）病。○牛之兄弟叛逆、故憂懼、聞孔子言無憂懼、不知有係於仁德、故問。孔子欲撫慰之、示憂懼之根、在有所自咎、若自省而無愧、則可心安。

矣乎。子曰：內省不疚，夫何憂何懼。

第五章

司馬牛憂曰：人皆有兄弟，我獨亡。

二節

子夏曰：商聞之矣。

三節

死生有命，富貴在天。

四節

君子敬而無失，與人恭而有禮，四海之內，皆兄弟也。君子何患乎無兄弟也。

第六章

子張問明。子曰：浸潤之譖，膚受之愬，不行焉，可謂明也已矣。浸潤之譖，膚受之

無慮。

見仁之效及衆，使皆相愛而爲兄弟。(亡)無。牛因兄弟作亂，懼其將死，而歎已無兄弟。(命)天命。當解如前，上主所命。○世人之境遇，皆上主所定，人不能移，故不當患之。人若問心無虧，以禮交衆而行仁，雖家中無兄弟，則人皆爲兄弟矣。○四海皆兄弟，意甚佳，各國聖賢，所渴望也。幸救主降世，特成就此事，令萬國孝一天父，崇一天道，則皆相愛而爲兄弟也。

以弗所三章十五節、四章四、五、六節

見仁與明之相係，令人慎於所聞，不迷於毀言。(浸潤之譖)毀言深入於心，如水溼物。(膚受之愬)驚人之誣辭，殘害人，心如刀截身。○謂能辨真偽，不迷於妄謬，則仁明並施，可謂

第七章

愬不行焉，可謂遠也已矣。

子貢問政。子曰：足食，足兵，

民信之矣。

二

子貢曰：必不得已而去，於

斯三者何先？曰：去兵。

三節

子貢曰：必不得已而去，於

斯二者何先？曰：去食。自古

皆有死，民無信不立。

達遠。此孔子指世人之病，不察實情，而輕聽譖言。是章與言也。詞，意義相輔，彼章見仁人謹於出言，此章見其慎於聽言。言政之所必需者有三，孰爲至要。（足食）民之養生足，不獨係備倉廩，亦設良法興農。（足兵）兵備足以保國。（民信）上者得民之信任。○有食與道，仍能成國，故先去兵。有食無信，上下離間，何以成國耶？故去食，謂人皆終不免死，故寧死而不失信，旨哉是言，與孟子舍生取義同。今欲民國堅立，信實與真道，乃爲至要。法拿破侖 *Napoleon* 初爲君時，重兵而輕道，曰：戰之勝敗，惟有待於軍之強弱，及至敗於蛙得路 *Waterloo* 戰場，失位之後，始醒悟而改言曰：戰勝究本乎兵之有道德。可知其國亡，非因兵劣，乃因道廢而民無信耳。○貝瑟 Bacon 曰：國政之大柱有四，一、宗教，即基督二、公義，三、善謀。

四、資財。其重宗教爲首，爲道德所本也。兵與食包含於謀財之內。

第八章 棘子成曰：君子質而已矣，何以文爲。

二節 子貢曰：惜乎！夫子之說，君子也，駟不及舌。

三節 文猶質也，質猶文也。虎豹之鞞，猶犬羊之鞞。

第九章 哀公問於有若曰：年饑，用不足，如之何。

二節 有若對曰：盍徹乎。

三節 曰：二，吾猶不足，如之何其

論文質之相宜，皆不可少。方成君子（棘子成）衛大夫，歎當時文勝之病。（駟）四馬之車。子貢責子成去文有錯，謂其意雖美，但言急而過分。（鞞）去毛之皮。（文猶質）子貢誤以文質無分。言去文，則君子小人相似，即如虎豹去毛，則與犬羊無異。可知子成輕文有錯，子貢重文太過亦錯，其實皆不可少，以質爲本，文爲末，則合宜而成君子。見雍也十六章

見國之資財本乎民。富國之方，在寬待民，而輕賦稅。（年饑）馮氏曰：哀公十二年十三年皆有蝨，連年用兵於邾，又有齊警，此所以年饑而用不足也。（用）度支。（盍）何不。（徹）通，取十分之一。朱氏曰：周制，一夫受田百畝，而與同溝共井之人，

徹也。

四節
對曰、百姓足、君孰與不足、
百姓不足、君孰與足。

第十章

子張問崇德辨惑。子曰、主
忠信、徙義、崇德也。

二節

愛之欲其生、惡之欲其死、
既欲其生、又欲其死、是惑
也。

三節

誠不以富、亦祇以異。

論語

顏淵第十二

通力合作、計畝均收、大率民得其九、公取其一、則謂之徹。魯
宣公又加十分之一。○國餉足、有待於民之生計足、此有待
於賦稅不重。歉年多取、則民困難、而無以助國、少取、則民得
養生、而有所納入。理財學有言、貧民必需之物、如柴、米、鹽等、
理不當稅、惟富貴者之裝飾、如綢、緞、玉等、當多稅、如此、則公
允而國餉足備矣。

見崇德辨惑之方。(主忠信)言行以篤實爲本、凡德因真實
而立、凡惑由真實而去。(徙義)常向義而進。辨惑、孔子以譬
解之。(愛之欲其生、惡之欲其死)人之生死原天命所定、非人欲
所能移、故欲之乃惑也。先欲人生、後欲其死、尤背理而爲惑
也。

(誠不以富)詩、小雅我行其野之詞。程氏曰、此錯簡、當在季

第十一章 齊景公問政於孔子。

二節 孔子對曰：君君、臣臣、父父、

子子。

三節

公曰：善哉！信如君不君、臣不臣、父不父、子不子，雖有粟，吾得而食諸。

第十二章

子曰：片言可以折獄者，其由也與。

二節

子路無宿諾。

氏篇十二章。

言國治本乎人皆守道，而各盡其分。（齊景公）名杵臼。魯昭公末年，孔子三十五歲至齊，時景公失政，家中無道，故言此（信）果。（粟）糧。景公曰：人非各盡其道，則不幸，是隱示其臣子僭權而已危難。後國亂而君亡，果驗其言。孟德斯鳩 *Montesquieu* 見道德之大關於政曰：民主非有一物爲之大命則不行，道德是已。夫君主之制，自以爲超於法度者也。惟民主之制不然。民主之吏之行法也，非自律於法度不可，此民主之所以不可無道德也。

稱子路善於治訟，亦速於踐言。（片言）半言。（折）斷。（獄）爭訟。朱氏曰：子路忠信明決，故出言而人信服。（宿）留。（諾）應許。不緩於踐言，一許卽行，是其取信於人也。

第十三章 子曰、聽訟、吾猶人也、必也、

使無訟乎。

孔子自言聽訟與常人無異、至要者、乃令民歸道而無訟。○平訟、常人或可致、但令民行義而無訟、是急需也。范氏曰、聽訟者、治其末、塞其流也、正其本、清其源、則無訟矣。又言、爭財曰訟、犯罪曰獄。

第十四章 子張問政。子曰、居之無倦、

行之以忠。

見善政之方、在治事以恆與忠。(居)常存於心。(無倦)恆勤而不怠。(忠)主理義。朱氏曰、居、存於心、無倦、則始終如一、行發於事、以忠、則表裏如一。

第十五章 子曰、博學於文、約之以禮、

亦可以弗畔矣夫。

重言。見雅也 二 十五章

第十六章

子曰、君子成人之美、不成人之惡、小人反是。

見君子小人感人之異。(成)有意成之、如朱氏作、誘、掖、獎、勸、或作、無意成之、其善言篤行、不覺而感動人、引之進善、但小人不然、必引人尤為不善。

第十七章

季康子問政於孔子。孔子

對曰：政者正也。子帥以正，

孰敢不正。

第十八章

季康子患盜，問於孔子。孔

子對曰：苟子之不欲，雖賞

之不竊。

見政之意本乎正，上者引民以正，民無不從而守道。○時國亂，康子僭妄無道，孔子直言此，欲引之改過而歸正。

孔子直斥康子，指民之偷盜，原因其貪欲（苟）若曰：爾若不貪利，雖賞民竊盜，亦不肯也。胡氏曰：季氏竊柄，康子奪嫡，民之爲盜本乎此。孟德斯鳩 *Montesquien* 言道德之要，貪利之害，曰：道德一屏除，則好高爭競之欲遂生發，而通國之衆，必相率爲貪憊，向者以奉法守典爲自由，今也以亂法干紀爲自由，向也合通國小己之資，以爲公產之藏富，今也反變成數人之私產，民國之衆，視公本爲賊，即放蕩而相奪之，所謂國力者，特一二之專權，與衆人之放恣僭奢也。又曰：民主法之不行，必國民之朋興作慝，而後爾，朋興作慝，是其國亂。

第十九章

季康子問政於孔子曰、如殺無道、以就有道、何如。孔子對曰、子爲政、焉用殺、子欲善而民善矣、君子之德風、小人之德草、草上之風、必偃。

第二十章

子張問士、何如、斯可謂之達矣。

二節

子曰、何哉、爾所謂達者。

三節

子張對曰、在邦必聞、在家

而將亡也、烏從救乎。

見引民歸道之方、非在嚴刑、乃在上者作方法而先之。(就造就、即保佑而助其德。(德)有特別之意、善惡皆包於內。(草上之風)風加於草上。(偃)仆。康子問、殺惡以保良可否。答、何必用殺、不如引民以道、上者之於民、即如風之於草、風吹草必下垂、上者行善、民自效之而爲善。德托衛 De Toeque-
三。於美國民主書、言無論在君主制、民主制、上者之惡必有大力感民、其貪利夤緣、乃甚害民俗。

孔子明辨達與聞、見其彼此相反、有虛實之異、此戒子張務外飾之病。(達)名實、本乎才德。(聞)名虛、本乎美飾。子張務外貌、圖名譽、未明達聞之別、故孔子警戒之。(察言、觀色)考人之言貌。(慮以下人)自謙、不求上人。馬融曰、常有謙退

必聞。

四節

子曰：是聞也，非達也。

五節

夫達也者，質直而好義，察言而觀色，慮以下人，在邦必達，在家必達。

六節

夫聞也者，色取仁而行違，居之不疑，在邦必聞，在家必聞。

第廿一章

樊遲從遊於舞雩之下，曰：

「敢問崇德、修慝、辨惑。」

二節

子曰：「善哉問。」

三節

「先事後得，非崇德與？攻其

之志，察言語，見顏色，以顧人之所欲聞，有德之貌，而無其實。
（居之不疑）安於自是。（必聞）因銜美而揚名。程氏曰：學者須是務實，不要近名，有意近名，大本已失，為名而學，則是僞也。今之學者，大抵為名，為名與為利，雖清濁不同，然其利心則一也。

論崇德、修慝、辨惑之事。（雩）音魚。（舞雩）求雨之壇。（慝）惡藏於心。（修）改。（先事後得）以盡分為先，所得為後。朱氏曰：為所當為，而不計其功。（攻其惡）專治己之非，不查人之非。（非惑與）朱氏曰：知一朝之忿為甚微，而禍及其親為甚大。

惡、無攻人之惡、非修慝與。一朝之忿、忘其身、以及其親、非惑與。

第廿二章

樊遲問仁。子曰：愛人。問知。

子曰：知人。

二節

樊遲未達。

三節

子曰：舉直錯諸枉，能使枉者直。

四節

樊遲退，見子夏曰：鄉也，吾見於夫子而問知，子曰：舉直錯諸枉，能使枉者直，何謂也。

五節

子夏曰：富哉言乎。

則有以辨惑而懲其忿矣。樊遲粗鄙近利，孔子美其問而告之，以此以救其失也。

見知仁當施用於人，亦並行於政。（仁）發於愛人。（知）見於知人。英國詩家頗靈 Pope 曰：人類所當學，即人也。

見仁之於政，須以知而施，以舉賢才而令不善者歸正。（舉直錯枉）升善而去不善，知也。（使枉者直）仁也。（鄉）皇本作，不久，日近也。（臯陶）舜之臣，書經曰：邁種德，其爲司寇，全去罪犯，治平通國。（湯）成湯，伐桀傾夏，創立商紀。（伊尹）初事農，後爲湯之相，湯死，引湯之孫太甲歸道而後爲帝。子夏美孔子所言，而舉舜湯爲表，謂舜舉臯陶，湯舉伊尹，是其知人，使無德者退，或變爲善，是其愛人，舜湯以知仁並行，所以

六節

舜有天下，選於衆，舉臯陶，

化民而行大治也。

不仁者遠矣。湯有天下，選於衆，舉伊尹，不仁者遠矣。

第廿三章

子貢問友。子曰：忠告而善道之，不可則止，毋自辱焉。

言友交主於忠，但勸諫不當過分，恐招厭而使離間。（告）規勸（善道）惠引。羣義云：朋友主切磋，但須以裁度而知止。

第廿四章

曾子曰：君子以文會友，以友輔仁。

言君子之交，尚學而主於德。○以學接友，以善友益己之德，則彼此相助，增知而進道。

子路第十三 凡三十章

第一章

子路問政。子曰：先之，勞之。

見治政之方，在引民以德，勤公不怠。（先之）作方法引民。蘇氏曰：以身先之，則不令而民行。（勞之）勤勞民事。

二節

請益。曰：無倦。

（益）加言。（無）毋。（無倦）恆行而不怠。胡氏言勇者能力行，恐不能持久，故以是警子路。

第二章

二節

仲弓爲季氏宰、問政。子曰、先有司、赦小過、舉賢才。曰、焉知賢才而舉之。曰、舉爾所知、爾所不知、人其舍諸。

第三章

二節

子路曰、衛君待子而爲政、子將奚先。

三節

子曰、必也正名乎。子路曰、有是哉、子之迂也、奚其正。

四節

子曰、野哉由也、君子於其所不知、蓋闕如也。

五節

名不正、則言不順、言不順、

論語 子路第十三

見家宰治政之三、要（有司）理諸事之官（先有司）先以政事分派屬下、而督其成功（赦小過）大過必罰、小過可寬、則民悅服（舉賢才）仕用才德者、仲弓恐不盡知賢才而問、答所知者當舉、所不知者、他人必知而薦之。

言正名爲要、令人各盡其道、而事職皆得其宜（衛君）出公輒、時魯哀公十年、孔子自楚回衛（將奚先）政事以何爲首要（名）內包倫常職分（正名）人職各得其當、衛君之父蒯聵、恥其母南子淫亂而欲殺之、卽不孝、衛君據國而棄父、亦不孝、此倫常紊亂、而名失其正（迂）遠離、子路不明、以正名不關緊要（野）粗、孔子責其冒昧、不通理（闕）置於旁以重考（名不正、言不順）名當其實、則言合乎理而可信、言可信

則事不成。

六節

事不成，則禮樂不興，禮樂不興，則刑罰不中，刑罰不中，則民無所措手足。

七節

故君子，名之必可言也，言之必可行也，君子於其言，無所苟而已矣。

第四章

樊遲請學稼。子曰：吾不如老農。請學爲圃。曰：吾不如老圃。

二節

樊遲出。子曰：小人哉，樊須也。

三節

上好禮，則民莫敢不敬。上

則事可成。(禮樂不興) 范氏曰：事得其序之謂禮，物得其和之謂樂，事無秩序而不和，則政衰世亂。不中，不中理義。(無措手足) 不知舉動所從以守法，加刑罰不以公義，則民心慌亂，不知所從以守法，故君子所求於言名，乃使其無不正也。

見治政者所當事，非民之諸業，乃道之大端。(稼種五穀)(圃種蔬菜。(情) 朱氏作誠實。(襁) 布繡，用以背嬰孩。○時樊遲爲官，其欲學民事，意雖美，但務末忽本，故孔子責之，言上所當務，即以大道施行於政，則民自守法樂業，而遠者亦甘來歸順，是道之結果，上行下效，近悅遠來之象也。

好義，則民莫敢不服。上好信，則民莫敢不用情。夫如是，則四方之民，襁負其子而至矣。焉用稼。

第五章

子曰：誦詩三百，授之以政，不達，使於四對，不能專對，雖多，亦奚以爲。

第六章

子曰：其身正，不令而行；其身不正，雖令不從。

見學貴於備人盡職，有博文而無治事之才，則虛而不足觀。（誦詩三百）文學盛。（授之以政）託任政事。（不達）不知所當行。（使於四方）奉差外邦。（不能專對）不知所當答，必有人告之。

言上者於治政，躬行正爲至要，其命令之從違，惟有待於身行之軌否。（其身正）上之言行合道。（不令而行）上者有道，則不待政令，而民自行。（雖令不從）上者無道，則民不敬，雖出政令，亦不順也。淮南子曰：所立於下者，不廢於上。所禁於

第七章

子曰、魯衛之政、兄弟也。

第八章

子謂衛公子荆善居室、始有、曰、苟合矣。少有、曰、苟完矣。富有、曰、苟美矣。

第九章

子適衛、冉有僕。

二節

子曰、庶矣哉。

三節

冉有曰、既庶矣、又何加焉。曰、富之。

民者不行於身如此則不令而行。

言魯衛之形勢相似。(魯)周公子伯禽封國。(衛)康叔之封

國。周公康叔本為兄弟時二國勢亦同衰故言兄弟之政。

稱公子荆處境知足心不累於積財。(公子荆)衛大夫諸侯

之長子稱世子其餘稱公子。善居室善處家安於境遇。(苟)

輕略之意。(合)積。(完)全備。先少積後加物終多財皆所冷

視不以為心。楊氏曰公子每日苟而已則不以外物為心其

欲易足故也。

見善政所主即民繁多富足而有道。(適)往。僕趕車者。(庶)

多。(富之)使民豐足。民不教則近於禽獸先富後教當然之

序也。○嘗聞人曰吾華民太多故國不興也。此言含誤蓋美

英德之民數常增多而國尤興盛法民數常減少而國漸衰。

四節

曰、既富矣、又何加焉、曰教之。

查國衰之大由有二、即道德廢、而治民業之策不善。孟德斯鳩 *Montesquieu* 論教育之要曰、待教育最亟者、其惟民主乎、蓋民主之精神即道德、道德、克己之業也、使非教育、疇能至之。夫民主之道德、即守法而愛國、守法而愛國者、不以己之私利、先其國之公益也、不以私害公、道德之真正如是耳。德托衛 *De Toqueville* 言欲民國固立、所不可少者有三、一、宗教。指基督二、知識。三、順服守法之德。又曰、自由若無道德、不能堅立、道德若無宗教、亦不能立也。

第十章

子曰、苟有用我者、期月、而已可也、三年有成。

第十一章

子曰、善人爲邦百年、亦可

孔子言己若見用於政、所能成之功效。苟如果。期月朱氏謂、周一歲之月。可僅辭。○曰、見用一年、所成之效果或足言、三年見用、治可成也。朱氏言、此乃爲靈公不能用而發。言善人治政百年、可大有功效。爲邦百年治政百年之久。

以勝殘去殺矣。誠哉是言也。

第十二章 子曰、如有王者、必世而後仁。

第十三章 子曰、苟正其身矣、於從政乎何有、不能正其身、如正人何。

第十四章 冉子退朝。子曰、何晏也。對曰、有政。子曰、其事也。如有政、雖不吾以、吾其與聞之。

(勝殘)能化惡人(去殺)除斬法。此古言、孔子引之而準許。

言盛德之君、須一世為政、然後道德可徧行。(王者)盛德之君。(世)三十年。(仁)通謂道德。此章承上章之意、王者、德之首等也、善人、德之亞次也、故其見效之時、有長短之比例。

言臣子當謹於修身、然後可有功效於政。(何有)有何難。人心譬如政、若不能治己、何能治人。羅馬史家李衛(H. W. 述大帥司皮俄 Scipio Africanus 率兵之才曰、其能治人、因先學治己。

孔子隱譏季氏僭妄、以警冉有。(朝)季氏之私朝。晏晚(政)政務。(事)家事。(以)用。○冉有時為季氏宰、季氏僭權、不謀政務於公朝、乃與家臣私議、孔子言所議非政務、乃季氏家

第十五章

定公問一言而可以興邦，有諸？孔子對曰：言不可以若是其幾也。

二節

人之言曰：爲君難，爲臣不易。

三節

如知爲君之難也，不幾乎一言而興邦乎？

四節

曰：一言而喪邦，有諸？孔子對曰：言不可以若是其幾也。人之言曰：予無樂乎爲君，唯其言而莫予違也。

事，若是政務，我雖不在位，亦可得聞。古例，臣不在位，仍可與聞公事。

見國之興亡，本乎上者知盡職之難而聽諫否。（有諸）疑辭，有否。（幾）望，謂國之興不可望由一言而成。（人之言）古語。君臣知治政之難而謹慎，從此豈不可望國興乎。（予無樂云云）我所樂惟在常隨己意，國之危，豈非本於此乎。（如其善云云）君所謀若善而無阻，則幸；若不善而無阻，則邦必喪。○謝氏曰：知爲君之難，則必敬謹以持之。唯其言而莫予違，則讒諂面諛之人至矣。○范氏曰：如不善而莫之違，則忠言不至於耳。君日驕而臣日詔，未有不喪邦者也。○孟德斯鳩 *Montesquieu* 曰：天下古今爲人類之大虐者，夫非專制獨斷之政府歟，蓋惟王作憲，而非法律所制，其所欲爲，斯

五節

如其善而莫之違也，不亦善乎？如不善而莫之違也，不幾乎一言而喪邦乎？

第十六章

葉公問政。子曰：近者說，遠者來。

第十七章

子夏爲莒父宰，問政。子曰：無欲速，無見小利。欲速，則不達；見小利，則大事不成。

第十八章

葉公語孔子曰：吾黨有直躬者，其父攘羊，而子證之。

爲而已，故無窮之害疊出，政府紛且弱，官吏貪而苛，民貧而無恆產，是言不勝形容也。

言善政之效果，近人得益而喜，遠人聞聲而來，是隱指楚國之虐政，以警戒葉公。

見害政之弊，在行事急速而求小利。（莒父）魯西邑名。（欲速）行事以急，必忽略而不達。（見小利）主事之微利，則其大節必誤，而事敗也。程氏曰：子張問政，子曰：居之無倦，行之以忠。子夏問政，子曰：無欲速，無見小利。子張常過高而未仁，子夏之病，常在近小，故各以切己之事告之。

孔子與葉公論正直。（直躬）行事正直。（攘）朱氏曰：有因而盜。○嘗思當崇孝道，但不可以孝道害理義，雖父母之過，以

二節

孔子曰、吾黨之直者異於是、父爲子隱、子爲父隱、直在其中矣。

第十九章

樊遲問仁。子曰、居處恭、執事敬、與人忠、雖之夷狄、不可棄也。

第二十章

子貢問曰、何如斯可謂之士矣。子曰、行己有恥、使於四方、不辱君命、可謂士矣。曰、敢問其次。曰、宗族稱孝焉、鄉黨稱弟焉。

二節

論語

子路第十三

是爲是、以非爲非、乃永不易之天理。范氏所言甚美、子能改父之過、變惡以爲善、則眞爲孝。

見仁之所以行者有三、無論何在、皆不可失也。(居)私居。(之)至。(夷狄)無教化者。君子私居莊肅、治事敬謹、交人誠信、雖往接野人、亦不可失也。胡氏曰、樊遲問仁者三、此最先、先難次之、愛人最後。

孔子以仕分列數等、歎當時者不堪入選。(士)仕。(行)己有恥。恥於作惡。(不辱君命)才足以成上者之命、首等者。二、才有限、而德足以盡倫於家。(果)成功。(磬)小石之音。三、有所長、但固執之小器。(噫)煩厭聲。(簣)竹器、容斗二升。(斗)簣之人)朱氏作鄙細、小器、才德無足觀。○所分列四等者、一、才

三節

曰、敢問其次。曰、言必信、行必果、硜硜然、小人哉、抑亦可以爲次矣。

四節

曰、今之從政者何如、子曰、噫、斗筭之人、何足算也。

第廿一章

子曰、不得中行而與之、必也狂狷乎、狂者進取、狷者有所不爲也。

第廿二章

子曰、南人有言曰、人而無恆、不可以作巫醫。善夫。
不恆其德、或承之羞。

二節

德足以成名。二、德足而才有限。三、才德皆少、所短勝其所長。子貢問當時之仕如何。孔子譏之爲小器、不足言也。

孔子歎無上等之徒、故欲得次等者、而述其所長。(中行)行中道、首等者、無過不及之病。(與)授教。(狂)奮勉。(狷)謹慎、緩於進。曰、二品雖不盡美、有過與不及之弊、亦有所長、狂者善於進、狷者慎於惡。

言恆心堅志之要、無則不爲功。(南人)南國之人。(恆)常行不倦。(巫)交鬼神、行邪術者。(醫)行醫者。(不恆)云云。易經恆卦九三爻辭。(承)接。朱氏作進。(占)求吉凶之術。此非孔

三節 子曰、不占而已矣。

第廿三章 子曰、君子和而不同、小人同而不和。

第廿四章 子貢問曰、鄉人皆好之、何如。子曰、未可也。鄉人皆惡之、何如。子曰、未可也。不如鄉人之善者好之、其不善者惡之。

第廿五章 子曰、君子易事而難說也、

論語 子路第十三

子所創、乃前代貽誤、其害非淺、礙實學與真道、令人輕略所當爲、而專驚無稽之術、蓋世間之禍福、乃上主所命、非人可測度、故不當窺探吉凶、惟信從天道而安分、則福自來矣。見君子小人異於交人之情。(和)交情之正、雖意見不同、能體貼人情而無爭。(同)交際之偏、諂媚、自屈以從人、但私己而不主理、則不能和也。

見人之善惡、不可獨憑衆之好惡而定。(皆好、皆惡)衆人良莠不齊、故所好惡、不可獨憑之。惡人之情不正、其好或因有相同、其惡或因有相異、惟善者愛、惡得正、故曰善者好之、惡者惡之、方可證其善也。

見君子小人於用人、有厚薄公私之分。(器之)量人之才而

說之不以道，不說也。及其使人也，器之。小人難事而易說也，說之雖不以道，說也。及其使人也，求備焉。

第廿六章

子曰：君子泰而不驕，小人驕而不泰。

第廿七章

子曰：剛、毅、木、訥，近仁。

第廿八章

子路問曰：何如，斯可謂之士矣。子曰：切切、偲偲、怡怡。

用。（求備）求全才於人。○君子崇恕道，故易事之，因主理義，若以非道則不悅，故難悅之。小人多取於人，故難事之，因不主理而專求得意，可以非道悅，故易悅之。

見君子小人異於氣象。（泰）自重得當。（驕）自傲而輕人。君子主理，而知所當居之位，不自傲，不自屈，故安泰，小人反是，故曰驕也。

言性質之四類，皆助人進道。（剛）固立而不移。（毅）奮勉，不畏難。（木）樸實，無虛僞。（訥）謙而謹，能防過失，故曰，四者皆近於德。

言志士交人之德。（切切）懇切。（偲偲）詳勉。（怡怡）溫和。均子路所不及，故告以勉之。胡氏曰：又恐其混於所施，則兄弟

如也、可謂士矣、朋友切切
惻惻、兄弟怡怡。

第廿九章

子曰、善人教民七年、亦可
以卽戎矣。

第三十章
子曰、以不教民戰、是謂棄
之。

有賊恩之禍、朋友有善柔之損、故又別而言之。

見德育之貴、上者有道而久教其民、則有備戰爭。(善人)有德之上者。(七年)教之常久、則達而足備。(卽)就。(戎)兵械、武。○教民不但係兵法與軍械、尤包含道德、所係國與社會之職、既愛國捨己、非利與懼所能動。德國畢思馬克公 Bismarck 昔論德戰勝於法、謂德兵多忠勇、因信基督宗教、法兵多無信仰、故無約而敗。

繼言教育之要、民未教而令戰、不免敗亡。(以)用。(棄)使敗亡。(教)與上章同意、所重非兵備、乃道德、卽愛國捨己之德。孟德斯鳩 Montesquieu 法意書、言爭戰之大害曰、國之所
以亡、俗之所以敗、以其民戰勝而驕也、蓋因戰勝之餘、往往

憲問第十四 凡四十七章

第一章

憲問。子曰：邦有道，穀，邦無道，穀，恥也。

第二章

克伐怨欲，不行焉，可以爲仁矣。

二節

子曰：可以爲難矣，仁則吾

喜心如醉，則守法約身之德悉喪矣。又言救世道弭兵止戰之大功曰：試觀古希臘羅馬王若酋相戕之無已，更觀亞洲鐵木兒成吉思之用兵而所過爲墟也，然後知基督真教之造福於吾民，大且遠耳。內之有政治之憲法，外之有戰媾之條要，其所加之利益，乃人類永不能盡述而深感也。

言仕之辱，在不思公益而專主於利祿。(憲)原思名。見雍也章。
(穀)祿。○義仕之分，即專奉公也。國有道，出用其才，國無道，退隱守正，但不拘治亂，而專主於食，即仕之辱也。

言僅抑遏邪情私欲，不足以稱仁。(克)好勝。(伐)自誇。(怨)懷恨。(欲)貪欲，包括一切私欲。○原思以其所能爲足稱，故問。孔子答，抑制私欲，雖難能，不足以稱仁。仁者不但無惡，亦

不知也。

第三章

子曰：士而懷居，不足以爲士矣。

第四章

子曰：邦有道，危言危行。邦無道，危行言孫。

第五章

子曰：有德者，必有言。有言者，不必有德。仁者，必有勇。勇者，不必有仁。

第六章

南宮适問於孔子曰：羿善射，奭盪舟，俱不得其死然。

論語

憲問第十四

更當加善也。

言士欲成名，當主於進道，不求安逸。（懷居）以安佚爲心，則不能克己而勉進。此與前章懷土、求安飽、意相似。

見從政者宜慎於言行，而知達權，行須常從正，但言不必盡也。（危）直而毅。朱氏作高峻。（孫）順時之宜。尹氏曰：君子之持身，不可變也。至於言，則有時而不敢盡，以避禍也。包咸曰：但不可離真理。

言可憑人之內而知其外，不可憑其外而知其內也。○人善，其言必善。但言善，不足證其人善。仁者循理而必勇。但勇有不主理者，不過血氣之強而已，故不仁。

南宮适指強勇之害，引至凶亡，賢德之貴，使得國位，孔子美之。（南宮）姓。（适）名。魯大夫。羿，有窮小邦之主，原無德，逐

禹稷躬稼而有天下。夫子不答。南宮适出，子曰：「君子哉若人，尙德哉若人。」

第七章

子曰：「君子而不仁者有矣夫，未有小人而仁者也。」

第八章

子曰：「愛之，能勿勞乎？忠焉，能勿誨乎？」

夏太康而篡其位，後被己之臣寒浞所殺。（篡）澆，浞之子。力能陸地行船，被夏后少康所殺。（邊）推。（不得死然）不能壽終。禹，治水道。稷，治農。二人事農，禹繼舜而得天下。過千餘年，稷之後人周武王，亦得天下。适以羿、奭比當時掌權者，以禹稷比孔子，孔子謙而不答，适出後，即深美之。

見仁亦君子所難修，小人終不能也。○仁深且廣，君子雖志於高尚，亦有所不及，但小人原志弱而役於物，何能及之乎。謝氏曰：君子志於仁，然毫忽之間，心不在焉，則未免爲不仁。但小人私而又貪，終不能及也。

言父愛子，不可不嚴治。臣忠上者，不可不直諫。（勞）使之勞，嚴治。（誨）諫。○此論世人之常病，溺愛而不治，縱容而不諫，示爲親爲臣者，當各謹其重任，勿懼遭厭而推辭。

第九章

子曰爲命禕諶草創之世叔討論之行人子羽修飾之東里子產潤色之。

第十章

或問子產子曰惠人也。

二節

問子西曰彼哉彼哉。

三節

問管仲曰人也奪伯氏駢邑三百飯疏食沒齒無怨言。

稱鄭國國書之美，特因四臣之盛才而成也。○四人皆鄭大夫。(草)略。草創之。造粗稿。(世叔)游吉，即子太叔。(討)考究。(論)詳說。(行人)外交官。古解曰：治國使之禮者。(子羽)公孫揮。(修飾)補滅。(東里)地名。潤色)加文采。因四賢之功，文書馳名，而國交修好，鮮有敗事。故孔子稱之。

孔子論子產，子西、管仲，就各人之長短而褒貶之。(子西)楚公子申，亦賢大夫，然不能革楚國僭王之號，昭王欲用孔子，子西沮之，故怒之。(彼哉)輕視深斥之意。(人)爲此人。(伯氏)齊大夫。(駢邑)城名。屬今之山東青州府。(三百)三百家。(沒齒)年老齒亡。朱氏曰：桓公奪伯氏之邑以給管仲，伯氏自知已罪，而心服管仲之功，故窮約終身，而無怨言。○考伯氏無怨之故，或因管仲之功，或因懼其強，孰爲近理乎。苟

第十一章

子曰、貧而無怨、難、富而無驕、易。

第十二章

子曰、孟公綽、爲趙魏老則優、不可以爲滕薛大夫。

第十三章

子路問成人、子曰、若臧武仲之知、公綽之不欲、卞莊子之勇、冉求之藝、文之以禮樂、亦可以爲成人矣。

子云、子謂子產、惠人也、不如管仲、但管仲之爲人、力功不力義、力知不力仁、野人也。

言人之於守道、處貧難於處富、(貧)窮難受、故易怨、(富)易恃財而自傲、但知財物如浮雲、獨道德能常存、故戒之較易、量孟公綽之才、爲大家之宰有餘、爲小邦之臣不足也、(公綽)魯大夫、(趙、魏)晉有二大家、(趙、魏、韓、晉)權而分晉地、(老家宰)優)才有餘、(滕、薛)二小國名、滕、屬今之山東兗州府、薛相近、公綽寡欲而才有限、故有是說。

論完全之德、大約主乎理義忠信、(成人)全德者、(武仲)魯大夫、名紇、睿智著名、(莊子)魯卞邑大夫、(藝)射、御、書、數、等事、朱氏言兼此四子之長、則知、廉、勇、藝、皆備、又以禮樂文之、使德成於內、而文見乎外、故足稱成人也。

二節

曰、今之成人者、何必然、見利思義、見危授命、久要不忘平生之言、亦可以為成人矣。

第十四章

子問公叔文子於公明賈曰、信乎、夫子不言、不笑、不取乎。

二節

公明賈對曰、以告者過也、夫子時然後言、人不厭其言、樂然後笑、人不厭其笑、義然後取、人不厭其取、子曰、其然、豈其然乎。

（曰）孔子云、（授命）捐身、（久要）舊約、（平生）終身、朱氏言有是忠信、雖其才知禮樂、有所未備、亦可稱成人也。程氏曰、知之明、信之篤、行之果、天下之達德也。

論時臣之言、笑、取、各得其當、是孔子所疑也。（公叔文子）衛大夫、即公孫枝、獻公之後人、公叔家之祖、（公明）姓、（賈）名、亦衛人、不知其詳。羣義云、仕於文子。（以告者過）此告者言之太甚。（時）遇當言之時。（其然乎）孔子疑辭。正義言上其然、美其得道。下其然乎、嫌不能悉然。○常人之言行、或病於過分、或不合時宜。公明賈答、夫子言、笑、取、皆應時而得其當、故不遭厭、而人誤以為無、孔子知此難得而疑之、言未必及此也。

第十五章

子曰、臧武仲以防、求爲後於魯、雖曰不要君、吾不信也。

第十六章

子曰、晉文公譎而不正、齊桓公正而不譎。

第十七章

子路曰、桓公殺公子糾、召忽死之、管仲不死、曰、未仁乎。

病臧武仲不忠、勒求其君。(防)邑城名、原屬武仲之家、在魯今之山東沂州府。(爲後)立後嗣。(於魯)於魯君。要、勒索。○武仲遭孟氏怨逃邾、遂赴防城、請魯君代立後嗣、意君若不准所請、則據防作亂、孔子病之、雖無非道之形、果有勒索之實。事在魯襄公二十三年。

以文公桓公相較、辨其性之正譎。(晉文公)名重耳。(齊桓公)名小白。(譎)詭詐。二公爲諸侯盟主、周末、春秋時逐夷狄、桓公伐楚、猶從理義、文公伐衛、多從詭計、故謂桓公正、文公譎、其實二公多相似而不正、是乃比較之說而已。

論管仲不忠、但有功於政。(糾)桓公之弟。(召忽、管仲)從糾之二臣。○齊亂、二公子逃魯、後桓公佔國、使魯人殺糾、糾死、召忽遂尋死、管仲反投桓公而爲其相、子路病其不忠而害

二節

子曰：桓公九合諸侯，不以兵車，管仲之力也。如其仁，如其仁。

第十八章

子貢曰：管仲非仁者與？桓公殺公子糾，不能死，又相之。

二節

子曰：管仲相桓公，霸諸侯，一匡天下，民到于今受其賜。微管仲，吾其被髮左衽矣。

三節

豈若匹夫匹婦之爲諒也。

論語

憲問第十四

義。(九)或作聚。(不以兵車)不用兵力，惟以善謀聚諸侯，而興政治。(如其仁)誰能比其仁，重言，深許之意。○以公正論，子路所言有理，桓公殺弟，管仲縱容之而爲其臣，實屬不忠而害仁，雖有盛功於政，何足補其大咎乎。

孔子與子貢又論管仲爲人如何。(霸)長。(匡)正。(微)無。(被)散。(衽)衣衿。(被髮左衽)野人之式。謂無管仲則皆爲夷狄。(諒)小信。(經)絞，尋死。(瀆)坑。(豈若匹夫)何能如愚民之小忠，自盡於溝瀆中，而無人知之。○孔子言國治民化，乃管仲興政之功，既有大功，何必要其守正如小民乎。當知天理不分上下，不拘大臣匹夫，倫常皆當一律謹守，切不可視人之大功高位而縱容之，蓋上者敢負忠義，豈不上行下效，而通國陷於悖戾乎。謝氏曰：君子於其所不當爲，不敢須臾處。

第十九章

自經於溝瀆，而莫之知也。
公叔文子之臣，大夫僕，與
文子同升諸公。

二節

子聞之曰，可以爲文矣。

第二十章

子言衛靈公之無道也，康

子曰，夫如是，奚而不喪？

二節

孔子曰，仲叔圉治賓客，祝

鮪治宗廟，王孫賈治軍旅，

夫如是，奚其喪？

范氏言，不可以毫髮差，雖微，亦不可不謹，最中理也。

稱時臣謙而不蔽賢才。（臣）家臣。（升諸公）上公朝。文子薦其家臣僕，不恥同上公朝，並爲大夫。（文）諡號。朱氏曰，順理而成章。洪氏曰，文子有三善，一知人，二忘己，三事君，文子既謙而不掩賢才，其文號乃當得也。

孔子指靈公無道，其不失位，惟因有賢臣爲股肱也。（衛靈公）名元，南子之夫。曰靈，因好祭鬼神。（夫）彼。（奚）何。（喪）

失位。（仲叔圉）孔叔圉，亦稱孔文子。（治賓客）接外國使者。（祝鮪）治禮樂者。見雍也十四章（王孫賈）督理兵備者。○康子聞

孔子病，靈公無道，問何能不失位。答，因有非常之賢才治政，足以抵公之惡，作國之楨也。○曰治宗廟，人之要務，非祭亡人鬼神，惟欽崇上主，天地萬國之大君，是乃興道奠國之基。

第廿一章 子曰：其言之不忤，則爲之

也難。

第廿二章

陳成子弑簡公。

二節

孔子沐浴而朝，告於哀公

曰：陳恆弑其君，請討之。

三節

公曰：告夫三子。

四節

孔子曰：以吾從大夫之後，

不敢不告也。君曰：告夫三

子者。

五節

之三子告，不可。孔子曰：以

吾從大夫之後，不敢不告

也。

也。見列王前書八章十八至二十五節

孔子指大言之害，易出而難行。（忤）羞恥。（言之不忤）不恥出大言。○不量己力而言，則行之必難，終不免慚愧。

孔子指奸臣弑君之罪，責魯君臣皆推諉而不追究。（陳成子）齊大夫，名恆。（簡公）齊君，名壬。事在哀公十四年，孔子去世前僅二年。（沐浴）齋戒之禮。臣殺君之罪重，故孔子雖已告老，必往請伐之。（三子）三卿。時政歸三卿，故哀公命孔子告之。（以吾從）孔子退而言，我向爲大夫，不可不告也。（之）至。（三子告）孔子告三卿。（不可）三卿不肯。○鄰君被弑，魯公理當追究，惜乎衰弱不理，推於三家，孔子遂往告之，三家亦不理，孔子復言，示奸臣之惡大，當伐而不可不報，亦責上者皆不追究也。

第廿三章 子路問事君。子曰：勿欺也，而犯之。

第廿四章 子曰：君子上達，小人下達。

第廿五章 子曰：古之學者爲己，今之學者爲人。

見臣事上之道，當公正無私，直諫不諂。（犯）拒以直諫。○爲臣之常病有二，貪利而欺其上，諂媚而縱容上者之惡。當治事公正，直阻上者之非。○今共和成立，更宜如是，但犯者必主於理義，切不可橫議而黨爭，以至敗政。

見君子小人異於所歸向。○朱氏曰：君子循天理，故日進乎高明，小人徇人欲，故日究乎汗下。○此理推極，有關身後之大局，君子孝上主，守其道，則上達福德佳境，小人違道忘本，竟陷於絕望之禍坑。

言古今之學異於所主，即修己圖名之間。（爲己）非私己，乃主於自修。（爲人）主文飾以揚名。孔子示時人之學虛浮，以勉弟子崇實自修。○孔安國曰：爲己，履而行之。爲人，徒能言之。

第廿六章

蘧伯玉使人於孔子。

二節

孔子與之坐而問焉。曰夫

子何爲。對曰。夫子欲寡其過。而未能也。使者出。子曰。

使乎使乎。

第廿七章

子曰。不在其位。不謀其政。

第廿八章

曾子曰。君子思不出其位。

第廿九章

子曰。君子恥其言而過其行。

第三十章

子曰。君子道者三。我無能焉。仁者不憂。知者不惑。勇

孔子稱使者明道。足見主人自修之美。(伯玉)衛大夫。名瓊。

孔子向在衛住其家。時已返魯。故伯玉使人來。(與之坐)敬

其主之意。(欲寡過)欲使其不善日少。即切於修道。○使者

言其主人欲寡過而未能及之。足證使者尚道。而主人切於

自修。故孔子重言以深美之。

重言。見泰伯十四章

見君子專以職位爲念。○有德之士。必知其所而居之。明其

職而務之。所主不外乎此。是章易艮卦之象辭。

見君子輕言而重行。(恥其言)恥有失而不能踐。(過其行)

勉力於行。欲所行過於所言。

孔子言道之三美。非已所及。子貢以爲不然。(仁者)有德者

存心無愧。則不憂。(知者)通理而篤信。則不惑。(勇者)毅而

者不懼。

二節 子貢曰、夫子自道也。

第卅一章 子貢方人。子曰、賜也、賢乎

哉、夫我則不暇。

第卅二章 子曰、不患人之不知、患

其不能也。

第卅三章 子曰、不逆詐、不億不信、抑

亦先覺者、是賢乎。

果斷、則不懼。(自道也)此夫子自言、非我所敢許也。

孔子譏子貢議論人之病。(方)較、比論人之長短、此習有害、即察人之過、而略己之非。(賢乎哉)譏刺子貢之歎辭。(我則不暇)我無閒暇論人、惟以治己為務。此說最佳、寬人嚴己之道也。參考馬太七章一至六節

重言。見學而朱氏言、凡章意同文同、則纂修者之重複、凡章

意同文不同、則孔子之重言。

見無疑而明通、則中道、未遇惡不可疑之、一遇惡不可不識之。(逆)事未至而迎之。(逆詐)未知人之偽而疑之。(億)未見而預料。(億不信)人未曾不信而我料其不信。(抑)反辭。(先覺)猶早覺、一遇事即悟之。○無疑而不能知、不明也、疑

第卅四章

微生畝謂孔子曰、丘何爲是栖栖者與、無乃爲佞乎。孔子曰、非敢爲佞也、疾固也。

三節

第卅五章

子曰、驥不稱其力、稱其德也。

第卅六章

或曰、以德報怨、何如。子曰、何以報德。

而能知、不仁也。惟無疑而能知、乃知仁並行、足稱賢也。

或人譏孔子閒游而好言、孔子謂不然、惟固執不通、乃己所恨也。(微生)姓。(畝)名。或老而隱居、其辭氣不恭。(栖栖)如鳥棲。(佞)巧於言。朱氏曰、務爲口給以悅人。(疾)恨。(固)執迷不悟、暗斥微生者。○孔子此言、或責時人拘執之病、或特責此隱士固執避世、言己所欲、惟恆切傳道、並非閒游而好言也。

孔子借喻見力不足言、惟德足稱也。(驥)良馬之名。尹氏曰、驥雖有力、其稱在德、人所以爲人者、即在乎有德、有才而無德、何足尙哉。

論報惡之理。○以德報怨、老聃之言。六見道德經二卷六十三章(德)情惠。(直)公正。○以直報怨、人道也。以惠報怨、天道也。救主言

三節 以直報怨、以德報德。

不可以惡報惡。又曰、勿被惡勝、當以善勝惡。馬太五章四十四至五章四十五節、羅

第卅七章

子曰、莫我知也夫。

二節

子貢曰、何爲其莫知子也。

子曰、不怨天、不尤人、下學而上達、知我者其天乎。

第卅八章

公伯寮愬子路於季孫、子服景伯以告曰、夫子固有

孔子歎人不知己、然心安於天命、(莫我知)無多人知我、(怨天、尤人)遇艱難即恨上主、以己之咎歸人、(下學上達)下學人物、上通天理、孔子之意、雖人不知我、在上有知我者、故心可安。○曰天、古人誤以天與上主混言於一天字、未辨明上帝爲天地之主、而天乃無知覺之物、上帝所創造焉、故不可以上主之聖德、榮耀、歸於受造之物也。上主於聖經云、天乃我座位、地我之足凳、萬物非吾手所創造乎。行傳七章四十九節、以賽亞一六十六

見惡官毀謗子路以阻孔子之道、孔子不慮、言道之興廢、惟聽天命、非惡人所能阻也。(公伯寮魯人、向爲孔子門人、子

惑志於公伯寮，吾力猶能肆諸市朝。

二節

子曰：道之將行也與，命也；道之將廢也與，命也。公伯寮其如命何。

第卅九章 子曰：賢者辟世。

二節

其次辟地。

三節

其次辟色。

四節

其次辟言。

第四十章 子曰：作者七人矣。

第四一章 子路宿於石門，晨門曰：奚

論語

憲問第十四

服景伯（魯大夫，子服氏，景謚號，伯字，夫子指季孫，惑志）心疑惑（肆）陳尸（命）天命（其如命何）其對於天命，能何作乎。○時子路爲季氏家臣，寮畏季氏從孔子道，故毀謗子路以阻之。景伯怒而欲罰之。孔子言道之興廢，惟聽天命，非寮所能阻，故不必追究。此足見孔子高尚之志。孔子以隱士分列四等，言各退避之由（辟）避（辟世）全然退隱（辟地）去亂國，入治邦（辟色）君不恭則退（辟言）君不聽諫則退。

孔子言退隱之士少，止七人也。（作）作此事，卽退隱（七人）不知其誰。

隱士病孔子知世亂而不避世。（石門）齊魯交界之關，屬今

自。子路曰、自孔氏曰、是知其不可而爲之者與。

第四章 子擊磬於衛、有荷蕢而過孔氏之門者、曰、有心哉、擊磬乎。

二節 既而曰、鄙哉、硜硜乎、莫已知也、斯已而已矣、深則厲、淺則揭。

三節 子曰、果哉、末之難矣。

第四章 子張曰、書云、高宗諒陰、三年不言、何謂也。

二節 子曰、何必高宗、古之人皆

之山東濟南府(晨門)天明開門者、或賢人隱居而守關。(奚)何。問從何而來。(是知不可)譏孔子知道不行、仍欲出仕。

某隱士譏孔子不知時變、不當求仕。孔子指彼避世、乃固執不通。(磬)樂石。(荷)擔。(蕢)草籃。(有心哉)謂孔子之樂聲見其滿心憂傷。(鄙哉)譏孔子所爲、如石聲重複、令人厭煩。(厲)不脫衣而過水。(揭)褰衣而過水。此衛風匏有苦葉之詩。深淺指孔子宜辨時之治亂、不必求仕。(果哉)歎隱士固執避世、不助救國危。(末)無。(末之難)孔子示退隱不難。

言古君三年居喪時、諸臣聽憑宰相之令、政事仍行如常。(書)書經說命篇。(高宗)商王武丁。(諒)音良。(陰)音安。(諒陰)居喪之棚。皇帝諸侯死曰薨、皆一律治喪。(總已)謹職

然君薨，百官總己，以聽於冢宰三年。

第四章 子曰：上好禮，則民易使也。

不敢放縱。（冢宰宰相。百官受命於冢宰，雖帝卸事三年，政仍無損也。）

見民甘心服役，本乎在上者崇禮。○此通言遵命守法，或特言服役官派之工，皆可。

第四章

子路問：君子曰：修己以敬，曰：如斯而已乎？曰：修己以安人，曰：如斯而已乎？曰：修己以安百姓，修己以安百姓，堯舜其猶病諸。

見君子主於自修，特裨益衆人（君子）有德之上者（修己）

正身（以敬）謹慎（如斯而已）即是而無他乎（人）指所常相交者，家人、朋友（百姓）人之推廣，即衆民（病諸）患此。君子自修，乃主於濟人，亦廣濟衆，雖堯舜亦知其難，而自慮不及。○子路性急造次，恐輕略自修之功，不能安民，故以此警之。

第四章

原壤夷俟。子曰：幼而不孫弟，長而無述焉，老而不死，

孔子深責時人，終身無功爲棄才。（原壤）老人名，孔子所舊識。（夷）蹲踞，野人非禮之狀。（俟）待。（不孫弟）不謙，不知敬

是爲賊、以杖叩其脛。

長。(無述)無善可言。(賊)擾人之廢徒。(脛)足骨。○謂少而不敬、長而無功、老而廢棄、竟枉居人世、故深責之、以杖撻其脛。

第四七章

闕黨童子將命。或問之曰、

益者與。

二節

子曰、吾見其居於位也、見其與先生並行也、非求益者也、欲速成者也。

衛靈公第十五凡四十一章

第一章

衛靈公問陳於孔子、孔子對曰、俎豆之事、則嘗聞之矣、軍旅之事、未之學也。明

孔子責少年非禮、恐後無所成也。(闕黨)地名。(童子)少年人。(將命)送信、或傳賓主之語。(居於位)上坐。(先生)年長(並行)偕行、禮宜後行。少年見用於孔子、或人料其必得進益、孔子反指其不謙敬、未明長幼之序、是不求進益、惟求速成、故無可望也。

見孔子輕兵而重禮、遇困難、勸弟子忍耐而不怨。(陳)音鎮、韜略。(俎豆)禮器。○靈公好戰、孔子欲抑其武氣、見禮義爲要、故以此答之。

日遂行。

二節 在陳絕糧，從者病，莫能興。

（陳）國名。（從者）弟子。（興）起。孔子自衛至陳，因缺食，弟子生病，不能起。

三節 子路愠見曰：君子亦有窮乎？子曰：君子固窮，小人窮斯濫矣。

（君子窮乎）子路抱憾而問。（濫）放肆。孔子言君子能至於窮困，雖至窮困，仍不離道，但小人遇難，則放肆無所不為矣。

第二章 子曰：賜也，女以予為多學而識之者與？

對曰：然，非與？

二節 曰：非也，予一以貫之。

三節

孔子言已學非求多端，惟一通衆之大理。○子貢之學，或散於多端，孔子欲令總之於一大旨，故問以發之。（一以貫之）一大理貫通衆物。十五里仁（○）學之所主，即以衆理推於一，天文、地理、格致、性、化、等學，若推其極，皆歸一本，乃上主及上主救世之聖旨，聖經云：萬物本乎之。上主由於之，歸於之，願榮耀獻於之，世世無窮，亞門。羅馬十一章三十六節，以弗所一章四十一節，三章十一節。

第三章

子曰、由、知德者鮮矣。

孔子歎知德者少。(德)朱氏曰、義理之得於己。(知德)悟其貴而求之。朱氏又曰、自第一章至此、疑皆一時之言、此章亦爲愠見發也、意責子路不忍窮、乃因不知德而役於物。

第四章

子曰、無爲而治者、其舜也與、夫何爲哉、恭己正南面而已矣。

見道德有大感力於政、舜不自勉而能平通國。(無爲)無勉強、自然而成治。(南面)君位之稱。(恭己正南面)守己以敬、居位以正。○上者若有厚德、必有大感力於政、不覺而化民、此古王所以興大治也。

第五章

子張問行。

誠言正行、人所當務爲本、念念不失、朝野遠近、無不欽佩也。

二節

子曰、言忠信、行篤敬、雖蠻貊之邦行矣。言不忠信、行不篤敬、雖州里行乎哉。立、則見其參於前也。在輿、

(蠻)南夷。(貊)北狄。(州)二千五百家。(里)二十五家。(州里)本鄉。(參)二者與我並爲三。(輿)車。(倚)連。(衡)軛。車之不可少者。(紳)腰帶之垂、寫於上以記之。○子張病於圖外觀、孔子欲引之求實、曰、能誠言實行、則無人不尊重、不能、

三節

則見其倚於衡也。夫然後行。

四節

子張書諸紳。

第六章

子曰：直哉史魚！邦有道，如矢；邦無道，如矢。

二節

君子哉蘧伯玉！邦有道，則仕；邦無道，則可卷而懷之。

第七章

子曰：可與言而不與之言，失人；不可與言而與之言，失言。知者不失人，亦不失言。

雖在本鄉，亦無人信也。此當常置於目前，或動或靜，片刻不離。子張知爲至要，立書於紳。

孔子稱二賢之德，一正直，一達權。（史）史官（史魚）衛大夫，名鱣，字魚（如矢）直如箭（伯玉）知時而達權變（卷）收（懷）藏。○魚，正直而剛，臨終，自責未善諫君，遺命不可治喪於正堂，乃生以身諫，死以尸諫。伯玉，道能行則出見，不能行則退隱，是其權變之明。

見知者須以裁度與言。○人願聽而不與言，則使之失益，人不願聽而與言，則廢善言。當知人知時而言，則言與人皆無失也。聖經云：勿以爾珠即善言丟於豬前。又見箴言九章八、九節，二十六章四五節。

第八章

子曰、志士仁人、無求生以害仁、有殺身以成仁。

見高尚者知道德之貴、重之過於重生。(志士)志於道之士。(仁人)厚德之人。凡事主理義、寧死而不失正。以希臘瑣克而替 Socrates 羅馬曰古勒 Regulus 支那拳匪亂時袁昶許氏爲式。基督徒殉道者、古來亦頗不乏人。○曰殺身、切不可托此言以自盡、自盡與殺人無異、上帝所嚴禁也。

第九章

子貢問爲仁。子曰、工欲善其事、必先利其器。居是邦也、事其大夫之賢者、友其士之仁者。

見志士修道、以交賢爲方。○匠人治物、必先磨其具。士行道、亦先磨其德。此由交賢者而成。居何國、出仕當屬最賢之臣、交友當擇最美之士。聖經言、鐵能磨鐵、友能勵友、又云、與賢者相交、必得智慧。見箴言二十七章十七節

第十章

顏淵問爲邦。子曰、行夏之時、乘殷之輅。

見治政之方、在守古制之善、而去其不善。(爲邦)治國。朱氏曰、謙辭、謂天下。(夏之時)分歲首以夏爲準。(殷)商朝中盤庚時遷都於殷、而取其名。(輅)大車。殷輅木作而樸素、不似

二節

三節

四節 服周之冕。

五節 樂則韶舞。

六節 放鄭聲。遠佞人。鄭聲淫。佞人殆。

第十一章 子曰、人無遠慮、必有近憂。

第十二章 子曰、已矣乎、吾未見好德

如好色者也。

第十三章 子曰、臧文仲、其竊位者與、知柳下惠之賢、而不與立也。

周以金玉裝飾。(周之冕)以周朝禮儀爲式。(韶舞)舜之樂美且善、有舞列諧之。(放)去。(鄭聲)鄭國之樂。(淫)動慾而敗俗。(佞人殆)詭口巧言者、顛倒是非而陷國、故當戒之。

見人行事、當思其後關、以免難於近。(遠慮)思後關以自戒。不然、恐不久陷於惡、而遭禍。推此理、須常念死後之大局、善惡之永報、而誠信上主之道、則有備無患也。

重言。見公治長二十七章。(已矣乎)朱氏曰、歎其終不得見之也。

孔子病臧文仲嫉妒而蔽賢才。(竊位)偷取不當得之位。(柳下惠)魯大夫、爲柳下邑官。(惠)諡、展獲、字禽。○文仲雖知惠之才德、不薦之於朝、故孔子深責之、見嫉妬有大害於政。

第十四章

子曰、躬自厚、而薄責於人、則遠怨矣。

第十五章

子曰、不曰如之何、如之何者、吾末如之何也已矣。

第十六章

子曰、羣居終日、言不及義、好行小慧、難矣哉。

第十七章

子曰、君子義以爲質、禮以行之、孫以出之、信以成之、君子哉。

是文仲與公叔文子全然相異。見憲問十九章

當嚴治己而寬待人、則不遭憎惡。(遠)動詞。多求於己、少求

於人、任己以重、任人以輕、必遠離人之怨。

警戒無思疎忽之病、恐無法可救也。○謹慎而切思、可防失

而改過、但無思而疎略、不免陷於不善、實無法可救矣。

指俗人之病、不提及理義、而常求小利、則難以入道。(羣)衆。

(小慧)利己之細事。(難矣哉)歎其難以入道。鄭氏曰、終無

成。○人聚集一日之久、而所論不係道德、惟主利己之微事、

則無望於入道。此章或孔子警鄉黨家族而言。

見君子行事以義爲本、始之以謙、繼之以禮、終之以誠。(質)

本體。(孫)謙。○先義而後利、敬而無失、謙而不驕、真而無僞、

爲人如此、則真爲君子。

第十八章 子曰、君子病無能焉、不病人之不已知也。

第十九章 子曰、君子疾沒世、而名不稱焉。

第二十章 子曰、君子求諸己、小人求諸人。

第二十一章 子曰、君子矜而不爭、羣而不黨。

第二十二章 子曰、君子不以言舉人、不以人廢言。

第二十三章 子貢問曰、有一言、而可以

言、君子不患無聞、惟患無才盡職。○君子不圖名、不患人不已知、惟務職而慮己才不足以盡之。

見君子顧聲名合宜、雖不求名、亦不欲死後爲人所忘。（名不稱）因在世無足言、此句與上章意一貫而相輔。

見君子求己心之無愧、小人圖他人之稱譽。（求諸己）問心求無愧。（求諸人）沽名釣譽、此與前兩章相貫。

言君子交人之德、正而無偏。（矜）莊而泰、伸己是、不與人爭。（羣）善於交人、然而無阿比之過。

見君子取人必考其實、聽言惟主於有理。○善言易僞、故不可輕聽、亦必察其人。人雖不善、其言或可有理、故不可輕棄。

須以裁辨主理而取舍也。
見恕道之用廣、足爲一生交人之方。○施於我而不欲者、

終身行之者乎。子曰：其恕乎，己所不欲，勿施於人。

第廿四章

子曰：吾之於人也，誰毀誰譽，如有所譽者，其有所試矣。

二節

斯民也，三代之所以直道而行也。

第廿五章

子曰：吾猶及史之闕文也。有馬者，借人乘之。今亡矣夫。

我亦不當施於人，如此行事，則終身無損人愧心之失。此只以人道言，未以天道言。

孔子言己所褒貶，惟主於公正，三代之有道，本乎其民之良善。(毀)指責人之惡過分。(譽)稱美人之善太甚。(有所試)所譽者有所因，即人之德也。(斯民)以今之民，當三代之民。(三代)夏、商、周。(直道而行)行正道。三代之所長，乃因是民之德。孔子舉此以證己考實以謹，行褒貶以公耳。貝懇

孔子指古人信實，而歎當時之衰。○及字後多註加見字，曰：我亦能及此時。(闕文)事可疑，則留空於書，不敢逞己見補之。此史者崇實。(借馬)見古人信實，不至久假而不歸。今無影之與形也。

第廿六章 子曰、巧言亂德、小不忍、則

亂大謀。

此二事、足證世俗之衰。胡氏疑此章之意未詳。何晏註、有馬不能調良、則借人乘習之。似不近理。

見巧言之害、忍耐之貴。(巧言)混是非、故曰亂德。○昔法國

達利然得 Talleyrand 譏世臣詭詐、曰、言語原爲隱藏心思而創。(小不忍)不耐於小事、則大計必敗。正如機器有小節不順、則全器見礙而不動。

第廿七章 子曰、衆惡之、必察焉。衆好

之、必察焉。

言人之善惡、不可獨憑衆之好惡而定。○衆人之好惡、難免偏私、故不可獨憑之。(必察)必究其所因、然後可知人之實。程氏曰、衆好惡之而不察、則或蔽於私矣。

第廿八章 子曰、人能弘道、非道弘人。

言人與道之所相係。(弘)擴充。(人能弘道)以道發明而推廣於行。(非道弘人)消體原係理條空論、不能自現、必待人表之。

第廿九章

子曰：過而不改，是謂過矣。

見知過而不改，是固執而若加過也。○有過而不知，可歎，知過而不改，尤可歎。蓋故蹈前轍，心志必日昏且弱，終無法挽回。

見雅各四章十七節

第三十章

子曰：吾嘗終日不食，終夜不寢，以思無益，不如學也。

言學勝於思，思而不學，徒勞無益。（終日、終夜）思之久且切，無學而思，即如河乾而車水，口空而咀嚼，終無效益，不如學而多見聞，則足備於思也。

第卅一章

子曰：君子謀道不謀食，耕也，餒在其中矣；學也，祿在其中矣；君子憂道不憂貧。

君子爲學，惟主於道德，雖學間亦得祿利，此非其所主也。（餒）缺食。耕之意主食，雖主食，亦屢遇缺乏。學之本意求道，雖求道，亦屢得祿，但祿非其所主，故君子不患無祿，惟患不能得道也。

第卅二章

子曰：知及之，仁不能守之，雖得之，必失之。

見在位者所須有之四，少其一，則不能盡職也。○知及之，（之）朱氏作理，何晏作位。（蒞之）治民。（動之）誘民，或使民

二節

知及之、仁能守之、不莊以
泣之、則民不敬。

三節

知及之、仁能守之、莊以泣
之、動之不以禮、未善也。

第卅三章

子曰、君子不可小知、而可
大受也、小人不可大受、而
可小知也。

第卅四章

子曰、民之於仁也、甚於水
火、水火、吾見蹈而死者矣、
未見蹈仁而死者也。

作事。(禮)朱氏作義理之節文。○有知而無德、雖得位、不能
久持。有知德無莊肅、則不能威人而民不敬。有知德與莊肅、
若不以禮治民、則不足以盡職。須兼有此四者、方可勝任。

見君子小人相異於所務、及所托任。(不可小知)小事間
不能知。(可大受)可受托大任。○君子主重要務、故有備大
責、而小事間不可知。小人才德有限、故細微間可見其鄙劣、
而不可托大任。

見德之貴、勝於水火、有益無損。(民)人。(蹈)足踐。水、火、仁、皆
關乎人生、而仁爲至要。朱氏曰、無水火不過害人之身、而不
仁則失其心、是仁有勝於水火、而尤不可一日無者也。又水
火或有時而殺人、仁則未嘗殺人。蹈之、有益而無損。

第卅五章 子曰、當仁、不讓於師。

第卅六章 子曰、君子貞而不諒。

第卅七章 子曰、事君敬其事、而後其食。

第卅八章 子曰、有教無類。

第卅九章 子曰、道不同、不相爲謀。

見道德乃各人之重責、須自行、不可退居人後。(當仁)以仁爲責而承當之。雖師、不可後之。或解雖師、亦不可托之代行。見君子志堅、本於理義。(貞)剛、本乎道。(諒)志堅、無係於道。常人志堅、或係血氣之強而已、惟君子主理而剛也。數註以不諒解不必小信、是不中理。

言忠臣重職而輕祿。(敬其事)慎重其職。(食)祿。(後)與後獲之後同。以職爲首要、以祿爲次要。

言教育不分貴賤、人皆因此至於平等。○此章之意有二、教育不分品等、人皆可沾其益。二、卑賤者得學、則可漸升、而與上流歸於一等。希臘雷拉拖 Plato 常以學譬共和之政、意就教育論、人皆平等、均可沾學之益。

見同爲謀者必主於一理。(不相爲謀)不宜互相設法。○明

第四十章 子曰：辭達而已矣。

第四一章

師冕見。及階，子曰：階也。及席，子曰：席也。皆坐，子告之曰：某在斯，某在斯。

二節

子張問曰：與師言之道與？子曰：然，固相師之道也。

季氏第十六 凡十四章

第一章

季氏將伐顓臾。

二節

冉有季路見於孔子曰：季氏將有事於顓臾。

論語 季氏第十六

人治事，必考明其理，而後設法相稱，理同，法可同，理不同，法不可同。不然，則如圓鑿方柄，而事必敗矣。

見言語惟主於示意，不貴文華，辭簡意明則妥善。

見孔子之厚情，體恤警師。（師）樂師，警者名冕。（皆坐）客皆坐。（某在斯）逐示某客所在，孔子明示階、席，即敬客之意。然是（固）實（相）助。子張見孔子厚待警師，以爲過分，故問。孔子答，是例也，體恤警者而扶助之，非過分，乃理所當然。

本卷間稱夫子爲孔子，不從他卷之謂子也。

季氏謀攻鄰邦，孔子病，二弟子不阻其非，指季氏之禍根，非在外敵，乃在家之無道。（伐）征（顓臾）魯附庸之地。

二節

孔子曰、求、無乃爾是過與。

冉有爲季氏家臣、代聚斂而爲首領、故孔子獨指之、問曰、此非亦汝之過乎。

四節

夫顓臾、昔者先王以爲東蒙主、且在邦域之中矣、是社稷之臣也、何以伐爲。

(東蒙)山名、屬今之山東沂州府。陝西有西蒙、此謂東蒙以別之。顓臾之主、原先王所封以司祭蒙山。(邦域之中)魯界內。(社稷之臣)朱氏解顓臾主爲魯公家臣、司理社稷之祭。或作爲皇帝之臣、司主是祭。二說皆可。○顓臾屬魯、在其界內、其主亦社稷之臣、因此三故、不當伐之。

五節

冉有曰、夫子欲之、吾二臣者、皆不欲也。

(夫子)指季孫。求欲推過於季氏、言攻顓臾、非吾二弟子所欲。

六節

孔子曰、求、周任有言曰、陳力就列、不能者止、危而不持、顛而不扶、則將焉用彼

(周任)古史、來歷無考。(陳)施展。(列)列於仕中。(相)助警者。孔子指求無可推諉、當阻季氏之非謀、引古書曰、臣能行道則取位、不能則退隱、但君危而不助、倒而不救、何足爲臣

相矣。

七節

且爾言過矣，虎兕出於柙，龜玉毀於櫝中，是誰之過

與。

八節

冉有曰：今夫顓臾，固而近於費，今不取，後世必爲子

孫憂。

九節

孔子曰：求，君子疾夫舍曰欲之，而必爲之辭。

十節

丘也聞有國有家者，不患寡而患不均，不患貧而患不安，蓋均無貧，和無寡，安

乎。

（兕）音四，犀牛。（柙）閑或籠。（櫝）櫃。謂猛獸脫閑，寶物受傷，卽典守者之過，君謀不正而不諫，乃臣之罪也。

（費）季氏邑。求又推諉，托言顓臾強且近，若不攻取，恐貽患於後。

（疾夫舍曰）退避而不直言所欲，反設遁辭以飾之，乃君子所恨。

（有國、有家者）諸侯與大夫。（寡）民少。（均）各居其所。（傾）顛倒。（來）引來。言治政者所當慮，非民少且貧，乃民無道而亂，若外邦不順，當以教化誘來而綏之。（崩）傾倒。（析）間。（分）

無傾。

十一節 夫如是，故遠人不服，則修文德以來之，既來之，則安之。

十二節 今由與求也，相夫子，遠人不服，而不能來也，邦分崩離析，而不能守也。

十三節 而謀動干戈於邦內，吾恐季孫之憂，不在顓臾，而在蕭牆之內也。

第二章

孔子曰：天下有道，則禮樂征伐，自天子出；天下無道，

崩、離、析）四者，國內爭亂之大危，因此季氏政衰，而二子無力保全之。（干戈）兵械。（蕭牆）屏。禮，屏後見君，近之當加敬，故此稱。○全章所重，即上者有道，則民皆均，和安而貧，寡傾之數患俱無，內必順，而外相和，皆德政之效也。總之，國之危，不因於外敵，乃因國內分間，所當懼者，非鄰邦之強，乃季氏家之無道。

國權歸上者執掌，則治。被屬下僭奪，則亂。所歸者愈下，則政之衰頹愈甚。（征伐）武備，鄰邦亂，發兵制服之。（禮樂，征伐）

則禮樂征伐、自諸侯出、自諸侯出、蓋十世希不失矣、自大夫出、五世希不失矣、陪臣執國命、三世希不失矣。

二節

三節

第三章

天下有道、則政不失大夫、天下有道、則庶人不議。孔子曰、祿之去公室、五世矣、政逮於大夫、四世矣、故夫三桓之子孫微矣。

政之要務。(十世希不失)十代而國不亡者少。(陪臣)大夫之屬官。諸侯掌權乃僭妄、國鮮有存至十代者。大夫掌權、則尤僭妄、國鮮有存至五代者。又下而大夫之屬官僭權、則政治衰甚、國存至三代者鮮矣。(庶人不議)民無私議。○孔子是言、足驗於支那歷代之亡朝、上者劣弱則政衰、而權歸大臣、尤衰、則漸歸下官、以致亂極而國亡。羅馬國衰傾、亦可取鑒。

孔子舉三家之衰、見時臣掌權之害、以發明上章之意。(祿)餉稅。(祿去)公失權而政歸大夫。(五世)自孔子推、文公死、公子被殺、妻子立爲宣公、歷有宣、成、襄、昭、定、五公。(逮)至(四世)文、武、平、桓、四子。(三桓)仲孫、叔孫、季孫、皆桓公之後、故謂三桓。因國歷代之衰、三桓之後人、因而弱甚。

第四章

孔子曰、益者三友、損者三友。友直、友諒、友多聞、益矣。友便辟、友善柔、友便佞、損矣。

第五章

孔子曰、益者三樂、損者三樂。樂節禮樂、樂道人之善、樂多賢友、益矣。樂驕樂、樂佚遊、樂宴樂、損矣。

第六章

孔子曰、侍於君子有三愆。言未及之而言、謂之躁。言及之而不言、謂之隱。未見

警人慎於交際、指損益之友、各有三。(友直)則言我過。(友諒)則助我誠。(友多聞)則廣我知。(便辟)貌善而溺於汚俗。(善柔)善於諂媚。皇侃曰、面從背毀。(便佞)巧言顛倒是非、而無聞見之實。後三者、皆屬詐偽而害德、與前三者相反。言損益之樂、各有三。(節禮樂)辨明禮樂之美。朱氏曰、辨其制度聲容之節。此益人之文雅。(道人之善)述人之美、則助我仁。(賢友)交善者以勵我德。(驕樂)好勝、自傲。凡國之好戰、及社會之爭競、多出於此。(佚遊)閒玩而怠惰。(宴樂)貪酒色。三者敗德、故宜謹戒。

示人對上者出言、所當戒之過有三。(躁)急。(隱)臧。(瞽)無目。(言未及)時未到、上者未請而先言、則冒昧。(言及之)時已到、當言而不言、則蒙蔽。(未見顏色)不顧上者聽否而言、

顏色而言，謂之瞽。

第七章

孔子曰：君子有三戒。少之時，血氣未定，戒之在色。及其壯也，血氣方剛，戒之在鬪。及其老也，血氣既衰，戒之在得。

第八章

孔子曰：君子有三畏。畏天命，畏大人，畏聖人之言。小人不知天命而不畏也，狎大人，侮聖人之言。

二節

第九章

孔子曰：生而知之者，上也。

則盲言。對上者言，當敬謹，誠實，而知機也。

指厚德者所戒之病有三：（少之時）年青，精神未定而私欲強，宜戒色。方剛）身力盛而心志堅，易有好勝之弊，故戒鬪。（既衰）精神疲敗而好色，好勝之欲消，恐貪利之欲長，故戒得。○爲去此三病之計，莫善於上主之道也。

見君子所敬畏者有三，小人皆不知而輕視之。（天命）宜解。上主所命，定世人之禍福，善惡之報。（畏大人）因掌權，行律法。（畏聖人）因施教育。（狎）慢。（侮）朱氏作戲玩，竊疑當作忽略而違背，小人不知上主之威、國之尊、教育之貴，故皆輕視之。

孔子就才知以世人列四等：（生而知）未學而才知全。（學

學而知之者，次也。困而學之，又其次也。困而不學，民斯爲下矣。

第十章

孔子曰：君子有九思。視思明，聽思聰，色思溫，貌思恭，言思忠，事思敬，疑思問，忿思難，見得思義。

第十一章

孔子曰：見善如不及，見不善如探湯，吾見其人矣，吾聞其語矣。

二節

隱居以求其志，行義以達

而知。聰明而易得之。（困而學）勤勞而僅得之。（困而不學）勤勞而不能得。○曰生而知之者，雖有此稱，其實無有不因學而知者，孔子明言已非生而知也。

見君子行九事，每制之以思。視思明以觀清，聽思聰以通達。（色思溫）以昭和氣。（貌）舉動（思恭）以崇禮。（言思忠）以主信實。（事思敬）以重職分。（疑思問）求解以明理。（忿思難）慮後患以抑怒。（得）利（思義）惟取所當取。如禮記云：臨財毋苟得。

孔子言世間有拒惡勉善者，但未有安於道之極者。（見善如不及）盡力勉道。（探湯）手摸煖熱之水。（見不善如探湯）甚懼惡之害而拒之。（吾聞其語）孔子引古語。（隱居以求其志）捨祿位以專於修德。（行義以達其道）捨利取

其道吾聞其語矣。未見其人也。

第十二章

齊景公有馬千駟。死之日。民無得而稱焉。伯夷、叔齊餓於首陽之下。民到於今稱之。

二節

其斯之謂與。

第十三章

陳亢問於伯魚曰：子亦有異聞乎？

二節

對曰：未也。嘗獨立，鯉趨而

論語

季氏第十六

義以盡其道。此甚難。孔子謂聽是言未見是行也。

見富而無德者不足稱。貧而厚德者衆人讚而不忘。(景公)

見顏淵(伯夷、叔齊)二見公治長(駟)四馬並駕(首陽)山西

蒲州山名。○皇侃曰：生時無德而多馬，一死則身名俱亡，夷

齊雖流落而餓死，民歷代稱美其盛德。(其斯之謂與)彼說

非由此發明乎。此句不全。程氏以爲顏淵篇錯簡，誠不以富

二句當在此句之上。朱氏曰：章首宜有孔子曰三字，蓋闕文

耳。大抵此後十篇多闕誤。

言孔子命子學詩與禮，其教子無異於門人。(陳亢子禽(伯

魚)鯉(孔子之子)(異聞)子所得異於門人所聞也。(獨立)

孔子獨立(趨)急行，子行過父前當急也。(學詩)朱氏曰：事

過庭。曰：學詩乎？對曰：未也。不學詩，無以言。鯉退而學詩。

三節

他日又獨立，鯉趨而過庭。曰：學禮乎？對曰：未也。不學禮，無以立。鯉退而學禮。

四節

聞斯二者。

五節

陳亢退而喜曰：問一得三。聞詩，聞禮，又聞君子之遠其子也。

第十四章

邦君之妻，君稱之曰：夫人。夫人自稱曰：小童。邦人稱

理通達而心氣和平（無以言）不足與敘談（無以立）品行無所以立，不知接人以敬。○陳亢疑孔子教子，必厚於門徒，故問。伯魚答，非，遂述孔子勸學詩與禮，曰：若不學，則不足與言，而品行無所以立，故退而學之。陳亢喜聞曰：問一而聽三，即詩、禮、父子之交。○曰：君子遠子，正義云：非疏遠之謂，乃相接以禮，朝夕不相褻狎也。○父子之交，宜戒二極之弊，即褻狎、疏而迂拘，惟主於中正，即親愛也。

言君妻之數稱。（夫人）夫，原係扶助之意。（小童）夫人自謙之稱。（寡小君）君之使者謙稱其主寡君，即少德之君，故君

之曰君夫人稱諸異邦曰

寡小君異邦人稱之亦曰

君夫人。

陽貨第十七 凡二十六章

第一章

陽貨欲見孔子。孔子不見。

歸孔子豚。孔子時其亡也

而往拜之。遇諸塗。

二節

謂孔子曰。來。予與爾言。曰。

懷其寶而迷其邦。可謂仁

乎。曰。不可。好從事而亟失

時。可謂知乎。曰。不可。日月

逝矣。歲不我與。孔子曰。諾。

妻之稱亦相同。此係宮廷禮儀之古制。

見陽貨責孔子。悞機不出仕。孔子允諾。言欲不久出仕也。

(陽貨)季氏家臣。名虎。(不見)不往見。(歸)饋送。(豚)小豬。

(時其亡)乘其不在家時。(遇諸塗)路中遇之。(懷其寶)以

珠收藏。譬藏德。(迷邦)任其國亂。(好從事)欲從政。(亟)屢

次。(失時)悞機會。(逝)過。(與)猶待。(諾)允辭。(將仕)不日

出仕。○陽虎向囚季桓子而僭政。欲孔子來見。以豬饋之。禮

大夫饋於士。士宜親自往謝。孔子趁其不在家往拜。後路遇。

陽貨勸之。光陰快過。宜早出仕。助救國危。孔子知其說有理。

第二章
吾將仕矣。
子曰：性相近也，習相遠也。

第三章
子曰：唯上知與下愚不移。

第四章
子之武城，聞絃歌之聲。
夫子莞爾而笑曰：割雞焉
用牛刀。

三節
子游對曰：昔者偃也，聞諸

而允諾，似不以人廢言也。孔安國曰：以順辭免，乃推託也。見人所相異，多因於習慣。○孔安國曰：君子慎所習。○世人之性質，大約相同。其所異者，多因境遇、風俗、與交際。憑此可知教育與真道之要。蓋國之興旺，乃本乎道德，道德與正教，本乎上主及救世道也。考近今各國之興衰，凡博學強盛之國，原信奉救世道。衰弱之邦，皆未信奉也。

見世人有二等，不由習而變。（上知）明且剛，其不變，因基於理。（下愚）昏而污，其不移，因拘執不通。此章承上章之意。見禮樂之貴，雖小地亦不可少。（武城）屬沂州府費邑，子游爲其宰。（絃歌）樂音。（莞爾）哂然。焉用牛刀，謂治小地，何必用大道。君子小人，以地位，非以道德，言也。（易使）易受管。子游引孔子昔所言，證學道之貴，禮樂化民之效。孔子聞之

夫子曰、君子學道則愛人、

小人學道則易使也。

子曰、二三子、偃之言是也。

前言戲之耳。

第五節

公山弗擾以費畔、召、子欲往。

二節

子路不說、曰、末之也已。何必公山氏之之也。

三節

子曰、夫召我者、而豈徒哉、如有用我者、吾其爲東周乎。

第六章

子張問仁於孔子。孔子曰、

稱其是、謂己所言、不過戲辭而已。

孔子欲往見畔臣、子路阻之、孔子言欲見、惟切望興道也。
(公山弗擾)季氏宰。(公山)姓。(弗擾)名。○弗擾爲逆臣、助陽虎囚季桓子、故子路力阻孔子去見之。(豈徒哉)何能無益。(吾其爲東周)周往魯西、孔子言我若見用、或可興道、使魯爲東周。其竟從子路之勸而不往也。

孔子示仁所含之五要。(行於天下)徧行通國以至夷狄。狄

能行五者於天下，爲仁矣。請問之。曰：恭、寬、信、敏、惠。則不侮。寬則得衆，信則人任焉。敏則有功，惠則足以使人。

第七章 佛脍召，子欲往。

二節

子路曰：昔者由也，聞諸夫子曰：親於其身爲不善者，君子不入也。佛脍以中牟叛，子之往也，如之何。

三節

子曰：然，有是言也，不曰堅乎，磨而不磷，不曰白乎，涅

子言五者特補子張之缺。（不侮）不遭人輕慢。（得衆）得衆人之心。（人任）衆所倚賴。（足以使人）能令人甘心服役。○此見仁之行於世交，特指所係官職者。

孔子欲往見無道之臣，子路阻之。孔子言相交之無礙，不懼染污。（佛脍）晉大夫趙氏之宰，管中牟。親於其身親自（不入）不與交。朱氏作，不入其黨。（中牟）縣名，屬今之河南彰德府。佛脍佔中牟而叛，子路以爲孔子不當去，引其言以阻之。（不曰）問辭。（磨而不磷）物硬，雖磨不能使薄。（涅而不緇）物白，雖浸於皂水，不能使黑。孔子指善人接交不善，能不染污而守正。（匏）瓢，可掛不可食。意，人知我善而欲與交，

而不繼。

四節

吾豈匏瓜也哉。焉能繫而不食。

第八章

子曰：由也，女聞六言六蔽矣乎？對曰：未也。

二節

居，吾語女。

三節

好仁不好學，其蔽也愚。好知不好學，其蔽也蕩。好信不好學，其蔽也賊。好直不好學，其蔽也絞。好勇不好學，其蔽也亂。好剛不好學，其蔽也狂。

交之何妨，居世而免接交不善者難矣。其實子路之言有理，孔子竟從之不往見。

孔子論六蔽，見德非制之以學，則偏而為病。（蔽）心昏而德偏。（居）子路立，孔子使之坐。（好學）能究理而辨明。（好仁）若不制之以學，則柔弱而溺愛，故愚。（好知）若不學，則迷於虛遠而心散，故蕩。（賊）害。（好信）若不學，則謹慎不足而受欺，故賊。（好直）若不學，則易過分而怠慢，故絞。（好勇）若不學，則無約而易叛，故亂。（狂）孔安國曰：妄抵觸人。（好剛）若不學，則執固而猛浪，故狂。子路好勇力行，病在不好學，故言此以抑之。

第九章

子曰、小子何莫學夫詩。

二節

詩可以興。

三節

可以觀。

四節

可以羣。

五節

可以怨。

六節

邇之事父、遠之事君。

七節

多識於鳥獸草木之名。

第十章

子謂伯魚曰、女爲周南召

南矣乎、人而不爲周南召

南、其猶正牆面而立也與。

第十一章

子曰、禮云禮云、玉帛云乎

哉。樂云樂云、鐘鼓云乎哉。

孔子指學詩之益有六、以勉弟子攻之。

(興)振人之知覺與志。

(以觀)用以自省。

(羣)交人之誼。

(怨)抑恨。

近能孝親、遠可忠上。

(多識)廣人之雜知。

孔子示子以詩經首二篇之要、不學、則無以進道。(爲)學習。

(周南、召南)詩首二篇名、言修身齊家之事。(牆面而立)面

靠牆、不能前進。(與)問辭。

孔子責時人失禮樂之義、重外貌而輕內實。(禮云)引時人

之說。(玉帛)禮之美飾。(鐘鼓)樂之佳聲。○孔子引常言、譏

第十二章

子曰、色厲而內荏、譬諸小人、其猶穿窬之盜也與。

第十三章

子曰鄉原、德之賊也。

第十四章

子曰、道聽而塗說、德之棄也。

人行禮樂、專主義文樂聲之美、不知其本意、即禮主於敬、樂主於和、既崇外貌而失其本、則虛而不足觀矣。

人怯弱而偽飾剛勇之貌、乃真可醜也。(色厲)剛勇貌。(內荏)心怯弱。(穿)穿牆。(窬)越牆。人原怯弱、而假作剛勇之態、即如小賊破屋越牆、鼠竄而懼人知也。

孔子深責鄙陋假善之人。(原)當作愿、樸實。(鄉原)鄉人似乎信實、有善人之貌、全無善人之實。(德之賊)知其偽、足令人厭德。七見孟子盡心下三十一節

人旋聽而旋言、未得道之效而急講論之、則敗德也。(道聽而塗說)路間聽而途中言。○人之論道、當出於己所經歷、必先得道德之效果、然後傳說可也、惟聽道而急言之、則虛浮而害德也。

第十五章

子曰鄙夫可與事君也與

哉。

二節

其未得之也、患得之、既得

之、患失之。

三節

苟患失之、無所不至矣。

第十六章

子曰古者民有三疾、今也

或是之亡也。

二節

古之狂也肆、今之狂也蕩。

古之矜也廉、今之矜也忿

戾、古愚之也直、今之愚也

詐而已矣。

第十七章

子曰巧言令色、鮮矣仁。

孔子深責當時之貪官、始終專主於利己。(鄙夫)可醜之物。
(可與事君也與哉)何能與彼同從政乎。深責其非道。(患
得)惟慮取利。(患失)惟慮失利。其置國家之安危於不顧、
而專營私利己、且無所不為以持之、乃可憎之甚。

孔子就三病較古今、見世之甚衰。(疾)身患、於此謂性之病。
(亡)無(或是之亡)此或沒有。(狂)志太高。(肆)疎略小事。
(蕩)放肆無約。(矜)威嚴過分。(廉)隅、退避而不羣。(忿戾)
乖橫爭鬪。(愚)古之不明而無偽、今之不明而詭譎、今之三
病、較古加劣、足徵其衰頹。

重言。見學而
第三章

第十八章 子曰：惡紫之奪朱也，惡鄭

聲之亂雅樂也，惡利口之

覆邦家者。

第十九章

子曰：予欲無言。

二節

子貢曰：子如不言，則小子

何述焉。

三節

子曰：天何言哉，四時行焉，

百物生焉，天何言哉。

孔子取譬示邪之勝正，爲己所恨也。（朱）正色。（紫）間色。（鄭聲）淫樂。（亂雅樂）敗正樂之佳音。（利口）奸佞，顛倒是非而迷人（邦）諸侯之國家大夫之家。覆邦家，敗國與家。孔子欲發明其道，以言不如行爲要。（欲無言）正義曰，以言之爲益少。（子如不言）夫子若不論道，弟子有何可記乎。（天何言哉）謂天無言，但有奧妙運動，如日月常轉，四時輪行。我發明吾道，亦欲如此，卽以行強於言。○曰天無言，當辨明。天不過氣物，自不能言，但不可藉此謂上主無言，而未嘗垂教。夫曰上主無言，乃謂其不及世人能且仁也，蓋家父不可不教子，况至聖之天父，垂教於世人哉，幸上主古時，以聖道明示於先知，而終由聖子垂教以救世，所示之大道，卽載於救世聖經。

希伯來一章一二節

第二十章 孺悲欲見孔子，孔子辭以疾，將命者出戶，取瑟而歌，使之聞之。

使之聞之。

言孔子不見孺悲，推託有病，而以絃歌示已無病。（孺悲魯人，來歷未詳。將命者傳言之人。）辭以疾。古註曰：孔子不見之，欲責其非禮，故託疾不見，遂作樂，使孺悲知其無病。○竊疑人之非，有時不可不責，但責之以直言為美，恐託辭不免有礙誠實矣。

第廿一章 宰我問三年之喪，期已久矣。

矣。

二節 君子三年不為禮，禮必壞。

三年不為樂，樂必崩。

三節 舊穀既沒，新穀既升，鑽燧

改火，期可已矣。

四節 子曰：食夫稻，衣夫錦，於女

孔子論三年之喪，責宰我欲減之，而指守喪期之故。（期滿年。）已止。宰我言喪期太長，恐禮樂二年不習則廢。（沒盡。）（升）長。（鑽）錐。（燧）生火之木。（改火）改木。古人四季各用其木生火。宰我以天時為比，言一年稼穡皆完，時物全換，故喪事可隨之而止。（食稻，衣錦）用玉食美衣。孔子問，爾用美衣，心可安乎。君子居喪，不求安飽，今爾求之，明然不當也。（予之不仁）宰我出後，孔子指其過，以使弟子告之。（免父

安乎。曰。安。

五節

汝安則爲之。夫君子之居喪、食旨不甘、聞樂不樂、居處不安、故不爲也。今汝安則爲之。

六節

宰我出。子曰。予之不仁也。子生三年、然後免於父母之懷。夫三年之喪、天下之通喪也。予也有三年之愛於其父母乎。

第廿二章

子曰。飽食終日、無所用心、難矣哉。不有博奕者乎。爲

論語

陽貨第十七

母之懷) 可離父母之懷。謂嬰孩時、三年蒙父母之特恩、實人子所報不盡、故三年之喪、理當通行、予亦曾蒙此愛、自不當減喪期。○人子於父母之恩、實宜終身念念不忘、但世俗治喪多尙繁華、屬虛文、恐全失孝道之意。爲盡孝之方、守道強於祭祀、行善美於具文、人子行正而力助善舉、如義學醫院等、則真報父母之愛、廣濟衆而體上主好生之心。

孔子深責饕餮懶惰之輩、乃棄才、無所望也。(博)賭錢。(奕)圍棋。(爲之猶賢乎已)博奕者強於彼等、此非許可賭博、乃

之猶賢乎已。

第廿三章

子路曰：君子尚勇乎？子曰：

君子義以爲上。君子有勇而無義，爲亂。小人有勇而無義，爲盜。

第廿四章

子貢曰：君子亦有惡乎？子

曰：有惡。惡稱人之惡者。惡居下流而訕上者。惡勇而無禮者。惡果敢而窒者。曰：賜也，亦有惡乎？惡徼以爲知者。惡不孫以爲勇者。惡訐以爲直者。

二節

僅謂有用心之長，但嗜食怠惰者，毫無足言，果爲棄才也。

孔子警子路當重義輕勇，謂勇而無義，則爲害也。（尚）崇重。上二君子，就德言。下一君子，就位言。（亂）叛逆。○子路之病，好勇過分，故孔子指勇之危，以抑其銳氣，令之崇義。

孔子與子貢論君子所惡之病。（稱人之惡）揚人之非，則不仁。（下流）下位之人。（訕）毀謗。（勇而無禮）恐傲慢而強迫人。（窒）不通。（果敢而窒）固執冒昧，而不明通。（惡徼）子貢之言。（徼）窺探，知之妄用。（不孫）不謙，誤以爲勇。（訐）發見人之隱事。三爲字甚有力，謂不如此，而自以爲如此，皆以病爲德。所惡，非人，乃其惡事。

第廿五章

子曰。唯女子與小人爲難

養也。近之則不孫。遠之則怨。

第廿六章

子曰。年四十而見惡焉。其

論語

陽貨第十七

言難與交接之類有二。(女子)妾。(小人)奴僕。待下之道。難以得中。近則下者狎而慢。遠則以爲人輕己而怨。○嘗思取妾置奴之俗。最礙齊家與仁風。使國難以進化。觀宇內文明強盛之國。皆早已除去之。惟有印度土耳其與斐洲之野族。仍相沿舊。以至卑污而衰弱。今中國欲重新。當全行除掉也。孟德斯鳩 *Montesquieu* 曰。多取婦妾之制。誠無益於人倫。其於男女。均爲病俗。男病者也。女所病者也。其最不利者。莫若所生之子女。且雖多有妃妾。其漁色之事。未嘗絕也。夫好色不殊於貪財。往往積蓄彌多。而務得益甚。好色者亦猶是耳。其多有妾女。亦不足以止國人之淫行。反往往生逆性之淫。蓋人道之惡。每降益荒。常如此也。

言年長者習成而難改。(見惡)因有過。弊病習成。○人年幼

終也已。

時性未習慣，而過可改，至四十則性定而病難除，此警青年當及早自治而寡過焉。

微子第十八 凡十一章

第一章

微子去之。箕子爲之奴。比

干諫而死。

二節 孔子曰：殷有三仁焉。

稱殷朝之三賢，皆捨己守正。（微箕）二小國名，屬今之山西潞安、遼州。（子）爵之四等。（微子）紂庶兄。（箕子，比干）紂諸父。微子知紂無道，故退隱。箕子諫紂，紂不聽而囚之，箕子遂佯狂而爲紂之奴，既自屈，何足述乎，似於不辱身，見危致命，不合也。比干亦諫紂，紂不聽，怒殺之而剖其心。（三仁）此三人，雖境遇不順，世俗荒亂，皆能守正，故足稱仁也。

第二章

柳下惠爲士師，三黜。人曰：子未可以去乎？曰：直道而事人，焉往而不三黜？枉道

見柳下惠守道愛國，雖屢革退，仍不去國。（士師）審判庭長。（黜）革退。（未可以去乎）譏辭，謂今不當退乎。下曰字，惠之言曰：我以道從政，可往何邦而不見黜，若枉道從政，何必去

第三章

而事人、何必去父母之邦。齊景公待孔子曰、若季氏、則吾不能、以季孟之間待之、曰、吾老矣、不能用也。孔子行。

第四章

齊人歸女樂。季桓子受之。三日不朝。孔子行。

第五章

楚狂接輿歌而過孔子、曰、鳳兮鳳兮、何德之衰、往者

祖國。示其被革、非因有過、乃因政乖也。

見景公輕待孔子、不從其道、故孔子去齊。○齊公與臣商議、以何禮待孔子。(季氏)魯上卿。(孟)魯下卿。(季孟間)以中等之禮待之。景公不能從孔子之道、推託年老難改、故孔子退而返魯。

言齊以詭謀敗魯政、阻孔子興道。(歸饋)女樂。(婬女)季桓子(魯大夫)。(三日不朝)罷政事、專淫樂、按史記定公十四年、孔子為司寇、攝為宰相、齊人懼其興政、而謀阻之、饋美娼八十人、馬三十駟、魯君臣遂淫亂、政事全誤、孔子傷之而去國。

見隱士路問責孔子不退隱、孔子欲與談、隱士遁避不與言。(接輿)楚士名、又稱陸通、因世亂不欲仕而佯狂、走孔子車

二節

不可諫。來者猶可追，已而已。今之從政者，殆而孔子下，欲與之言，趨而辟之，不得與之言。

第六章

二節

長沮桀溺耦而耕。孔子過之，使子路問津焉。

三節

長沮曰：夫執輿者爲誰？子路曰：爲孔丘。曰：是魯孔丘與？曰：是也。曰：是知津矣。問於桀溺。桀溺曰：子爲誰？曰：爲仲由。曰：是魯孔丘之徒與？對曰：然。曰：滔滔者天

前歌而責之。(鳳)傳言奇鳥，有道則見，無道則隱。指孔子，譏其於亂世，宜隱而不隱。(來者可追)雖往者無法可治，可防備後來無過。(已)止。(而)成句之辭。(殆)危。孔子下車，欲與言，接輿固執已見，不與談，遂速遁去。

二隱士責孔子不避世。孔子言不可不與世人相交，以期行道，救世亂耳。(長沮、桀溺)楚士，不知姓名，二人避世者。(耦)治地之具，二人並發，正義云：二耜爲耦。時孔子自楚返蔡。

(津)渡河處。(知津)譏孔子徧游，當知津。(滔滔)如洪水氾濫。(以)與。(易)改。且而之而，作爾。(辟)避。(辟世之士)全然退隱。指孔子止避人，不避世。謂爾見天下亂甚，從彼避人者，不如從我避世者。(蘧)蓋種。(不輟)不止。(憮然)愁然歎。(同羣)同類。(徒)類。(徒與)相交。(不與易)無用我變化之

下皆是也、而誰以易之、且而與其從辟人之士也、豈若從辟世之士哉、纓而不輟。

四節

子路行以告。夫子憮然曰、鳥獸不可與同羣、吾非斯人之徒與、而誰與、天下有道、丘不與易也。

第七章

子路從而後、遇丈人、以杖荷篠、子路問曰、子見夫子乎。丈人曰、四體不勤、五穀不分、孰爲夫子。植其杖而

也。○二人因天下亂、以爲孔子不當求仕、不如避世事農。子路告於孔子、孔子曰、世雖亂、我不得不與人相交、別無可交也、且世若不亂、我何用行道以變化之乎。指其當出仕而傳道、特因世之亂也。

見隱士病孔子不避世、子路論隱見之道、以伸孔子是。(從而後)從孔子而落後。(丈人)扶杖者、隱居之老人。(荷)負(篠)竹器。(不勤)不知勞。(植)插地而倚之。(芸)去草。(拱而立)舉手敬立。(爲黍)糞黍。(食之)供其食。(見)引見。(潔

芸。

二節 子路拱而立。

三節 止子路宿，殺雞爲黍而食之，見其二子焉。

四節 明日，子路行以告。子曰：「隱者也，使子路反見之，至則行矣。」

五節 子路曰：「不仕無義，長幼之節，不可廢也。君臣之義，如之何其廢之？欲潔其身，而亂大倫，君子之仕也，行其義也。道之不行，已知之矣。」

身）因欲守正則違大道。○老人譏子路以斥孔子，雖知世亂，仍欲仕而不知避世。曰：爾身不能勞，五穀不知辨，爾師爲誰，不知時變，道不行哉。子路敬立其前，老人遂領之於家而款待留宿，供食，以二子引見。子路回以告孔子，孔子知是賢士，使子路復見之，隱士早已退避，子路方與其家屬論出仕之宜，指臣之於上，卽如子之於父，皆有當行之職，雖欲守己正，切不可廢此大綱領，蓋君子出仕，必專主於義務，雖知道不能行，仍盡其所能也。

第八章

逸民、伯夷、叔齊、虞仲、夷逸、

朱張、柳下惠、少連。

二節

子曰：不降其志，不辱其身，

伯夷、叔齊與。

三節

謂柳下惠、少連，降志辱身

矣，言中倫，行中慮，其斯而

已矣。

四節

謂虞仲、夷逸，隱居放言，身

中清，廢中權。

五節

我則異於是，無可無不可。

第九章

犬師、摯、適齊。

二節

亞飯、干、適楚。三飯、繚、適蔡。

論語

微子第十八

承上章之意，以隱賢分列三等，見各退隱之故。孔子言已意

不同，惟主於權變。（逸民）避世者，朱氏以逸作遺，即無位之

稱。（虞仲）仲雍，與泰伯同遁荆蠻。（夷逸、朱張）無考。（少連）

東夷人。（不降志，不辱身）上等者，志堅於道，不許俗污一點

加於其身。（言中倫）二等者，其言合乎理。（中慮）其行與

人所慮之善相合。雖自屈染污，其言行大約合理，為眾所稱。

（放言）三等者，不謹言。包氏作置言，不復言世務。（廢）不見

用。中權從權變。其隱居清正，有權變之明，但有失於言。（我

則異）孔子言已無預定之意，惟審時度勢而行也。

承上章避世之意，見魯樂衰微，樂師皆退而四散。（犬師）樂

官長。（摯）名。見泰伯十五章。（適）往。（亞）第二。（飯）餐。古例君上一

四飯缺適秦。

三節 鼓方叔入於河。

四節 播鼗武入於漢。

五節 少師陽擊磬襄入於海。

第十章

周公謂魯公曰：君子不施其親，不使大臣怨乎不以。故舊無大故，則不棄也。無求備於一人。

第十一章

周有八士：伯達、伯适、仲突、仲忽、叔夜、叔夏、季隨、季駟。

日四餐，諸侯三餐，餐間奏樂，每餐易樂師。魯公亦可用君禮。
(干、繚、缺)三樂官之名。(鼓)鳴鼓者。(方叔)播鼓者之名。(入於河)入黃河北地。(播)搖。(鼗)小鼓。(武)播鼗者之名。(漢)漢江近地。(少師)副樂官。(陽、襄)二人名。襄教孔子彈琴。(海)海島。孔子正樂後，樂又衰微，諸樂士無望於復正，故四散隱居。

周公教子以治政之方，多主於厚待屬下。(魯公)周公子，名伯禽。(施)作弛，易。孔氏曰：不以他人之親，易己之親。(以)用。
(故舊)久識之家。(大故)如違逆之故。(求備一人)求全才於一人。見子路二章。○四者皆係以厚道待人。

見周朝之初時，足備於賢才。○按古傳，八士，一母四產而生，其姓與時無足據，或曰成王時，或曰宣王時，此章與上章相

第一章

子張第十九凡二十
五章

子張曰：士見危致命，見得
思義，祭思敬，喪思哀，其可
已矣。

第二章

子張曰：執德不弘，信道不
篤，焉能為有，焉能為亡。

第三章

子夏之門人問交於子張。

論語 子張第十九

貫、證上者以厚道使人，自足得賢能相政也。

此卷無孔子親言，皆弟子所論也。

子張言志士之四美（致命）捨身以盡忠（得）利（其可已矣）是人真為可許。○真德秀曰：敬哀皆言思，致命獨不言思者，死生之際，惟義是徇，不待思而決也。○曰祭，可知祭祀非士所當務，祭亡人無益，敬之妄用。事上主天理，敬之正用。亡人身沒，不知而無權。真主永在，全知而全能。

指狹見與淺信之害，使人無所成而不足言也。弘增廣。執德不弘。拘執而安於小成。（信不篤）懷疑則道無效。（焉能為有亡）其存亡奚足算乎。士於修德，當廣而常進，於信道，宜深而不疑。

子夏子張論交際之理，各示其見。（可者）可益我者。子夏

子張曰、子夏云何。對曰、子夏曰、可者與之、其不可者拒之。子張曰、異乎吾所聞、君子尊賢而容衆、嘉善而矜不能。我之大賢與、人何所不容、我之不賢與、人將拒我、如之何其拒人也。

子夏曰、雖小道、必有可觀者焉、致遠恐泥、是以君子不爲也。

子夏曰、日知其所亡、月無

言、能益我者當交之、不能益我者當棄之。不然、則染污受損。
(容)寬忍。(嘉)稱讚。(矜)體恤。子張以爲子夏之見、惟主利己而太嚴、故言賢者當美之、無才者當容之、我有才德、自當忍容不才者、我無才德、世人必棄絕我、故拒人非我所當也、不拘人之優劣、皆宜接交而求相裨益也。○包咸曰、友交當如子夏、汎交當如子張、是申理也。

見小道之用有限、故君子不務、專求大道。(小道)如百工、雜藝。朱氏言如農、圃、巫、醫等、但醫屬要學、切勿同列於巫之邪術。(泥)不通滯。○技藝雖小、各有其理、但其理之用有限、不達大道、故君子不事、而專主道德與政治。

見爲學之方、在常勉所未及、而恆持所已得。(亡)無。(所能)

第四章

第五章

忘其所能，可謂好學也已矣。

第六章

子夏曰：博學而篤志，切問而近思，仁在其中矣。

第七章

子夏曰：百工居肆，以成其事。君子學，以致其道。

第八章

子夏曰：小人之過也必文。

所得而能用。○學之常病在不求進，而忘所已得，故曰，知所未得以勉求之，所已得則堅持之，如是新積舊存而學足備也。曰日月，指學宜時常不輟，此章與溫故知新意近。

指爲學之四要，士所以修仁之方也。（博學）廣知。（篤志）實行。（切問）究理懇切。（近思）用以自省。○多聞見，實力行之，敏於究理，用以自治，終必至仁。但學、志、問、思，皆當主於上主之道也。

見匠人專業，以精修其工，志士勉學，以推極其道。（肆）工人專居陳貨之處。古時同業者，共居一方作工，以互相鼓勵，練成其藝。（致道）推道之極處。君子修道以學爲所居之肆。指小人飾過之病。（文）動詞，粉飾。君子誠實求道，有過必改，但小人虛浮，專主美觀，不改過而飾之。

第九章

子夏曰、君子有三變、望之儼然、卽之也溫、聽其言也厲。

第十章

子夏曰、君子信、而後勞其民。未信、則以爲厲己也。信、而後諫。未信、則以爲謗己也。

第十一章

子夏曰、大德不踰閑、小德出入可也。

言君子之容言、雖遠近似相異、其實歸一而主於道。(望之)遠見。(儼然)威嚴貌、其實莊肅。(卽之)近之。近之則溫、因接人以和。(厲)果斷。(言也厲)因主理則果斷。謝氏曰、此非有意於變、蓋並行而不相悖也、可知容貌雖變、其心不變、始終惟一而主理。

爲臣者須得人信任、然後對於上下可治事合宜。(信)得人信任。上則以爲、指民言。下則以爲、指君言。(厲)苛虐。未得民信而使用、民則以爲虐己。未得上者之信而勸諫、上者則以爲謗己。朱氏言、事上使下、皆當誠實、則得人信、而後可以有爲。

言道之大節爲要、小節或可略也。(大小德)道之大小節。(踰)越。(閑)門下止足之木。朱氏解最不中理、蓋人於小事擅自

第十二章

子游曰、子夏之門人小子、當洒掃應對進退、則可矣、抑末也、本之則無、如之何、子夏聞之曰、噫、言游過矣、君子之道、孰先傳焉、孰後倦焉、譬諸草木、區以別矣、君子之道、焉可誣也、有始有卒者、其惟聖人乎。

二節

論語

子張第十九

違道、不久於大事亦違道也。救主曰、忠於小事、亦忠於大事、不義於小事、亦不義於大事。章十節 吳氏曰、此章之言、不能無弊。謝氏言、君子於其所當為、不敢須臾離。又有曰、君子之於言動、雖微、不可不謹。此二說、頗中理也。

子游病子夏教人、務末而忽本、子夏言惟就弟子之才而循序耳。(洒掃、應對、進退) 譬言儀文、容節、言辭等、皆學之小節。(抑) 不過。子游譏子夏之門人專學細微、未究道之大端。(倦) 疎略。(區) 類。(誣) 誤。(焉可誣也) 我豈可誤弟子。(卒) 終。○子夏歎子游不明、謂己之於道、無所輕略而不教、乃層層漸進、視門人之才而教也、惟有聖人能以道之本末一並闡明。

第十三章 子夏曰、仕而優則學、學而優則仕。

第十四章 子游曰、喪致乎哀而止。

第十五章 子游曰、吾友張也、爲難能也、然而未仁。

第十六章 曾子曰、堂堂乎張也、難與並爲仁矣。

第十七章 曾子曰、吾聞諸夫子、人未

見官與士、各當務其職、後有餘暇、可彼此相考其事。(優)餘暇。與學而六章行有餘力意近。○官盡職而後又加學、則尤爲善備、士先攻學而後餘暇時考仕事、則有備後來得任也。見治喪主於盡哀、不可過分也。(致)至極處。喪主於哀、哀盡則當止。不然、則過分而有害。若印度虛妄之俗、丈夫死而火葬、其婦自拋於火而自盡。

子游指子張志高、能而德不足也。(爲難能)能做難事、但未言其事。○子張重容儀、好行難事以衒其能、而略修道之功。

曾子譏子張好高、難與進道。(堂堂乎)高隆貌。○子張尙盛容、自傲而輕人、故難與修仁。欲接人修道、須以謙恭爲本。曾子引孔子言曰、人盡其極、現其心、即在喪親之時也。(自

有自致者也，必也親喪乎。

第十八章

曾子曰：吾聞諸夫子，孟莊子之孝也，其他可能也，其不改父之臣，與父之政，是難能也。

第十九章

孟氏使陽膚爲士師，問於曾子。曾子曰：上失其道，民散久矣，如得其情，則哀矜而勿喜。

第二十章

子貢曰：紂之不善，不如是

論語

子張第十九

致。盡其極。（親喪）喪親最動心之事，故於此際，必用其極，現其衷。但乘父母仍在而盡孝，尤爲妙也。

曾子引孔子稱孟莊子之孝，不更父之臣，不易父之政。（孟莊子）魯大夫，名速。馬融、何晏言：雖父之臣與政有不善，三年不忍改。○竊疑其意雖美，非正孝也。孝之眞道，必令人專求善，去一切不善。雖父之臣、父之政，若有不善，不可不改，以免政乖而國受害也。

曾子言行法律之道，當體恤民情，以仁義並用。（陽膚）曾子弟子。（上）凡在位者。（民散）放蕩犯法。（情）實情。官審案，查實情，知民有罪，不可自矜其能，當念民之非，本乎上者之咎，故體恤之而以仁行法律。英詩曰：以仁慈與公義相洽。以紂爲鑒，見人所留之惡名，必較所行之惡尤甚。（下流）衆

之甚也、是以君子惡居下流、天下之惡皆歸焉。

第廿一章

子貢曰、君子之過也、如日月之食焉、過也、人皆見之、更也、人皆仰之。

第廿二章

衛公孫朝問於子貢曰、仲尼焉學。

二節

子貢曰、文武之道、未墜於地、在人、賢者識其大者、不

水所流之低處、譬惡行敗名之步位、謂紂之惡雖大、其惡名尤大、此非輕紂之罪、乃指世人歸咎之甚嚴、是警人戒惡、免為萬惡所歸、又可以羅馬皇帝尼羅 Nero 為鑒、聖經云、惡人之名、必永朽敗。嚴言十 章七節

言君子之過、顯而易見、不遮而改之、(如日月之食)人所皆觀、月經過日之面、隔阻其光、即日食也。地居日月之中、隔阻日光、使月在蔭下、即日食也。古人以為有獸於天上食日月、故此稱(更)改、(仰)之敬而慕之。

子貢稱文武之道常存不廢、孔子之學所本也。(公孫朝)衛大夫。(文武之道)朱氏解、文王武王之謨訓功烈、及凡周之禮樂文章、(識)記。(何常師)孔安國言、凡人物孔子皆以為師、故無用有士特別教之。○子貢答、因文武之道常存、人各

賢者識其小者，莫不有文武之道焉。夫子焉不學，而亦何常師之有。

第廿三章

叔孫武叔語大夫於朝曰：子貢賢於仲尼。

二節

子服景伯以告子貢。子貢曰：譬之宮牆，賜之牆也及肩，窺見室家之好。

三節

夫子之牆數仞，不得其門而入，不見宗廟之美，百官之富。

四節

得其門者或寡矣。夫子之

憑其才德，皆得知道之大小端，故孔子隨處可學，而不用常師，其實雖最明哲者，孰不須有師乎。

子貢取譬，見孔子迴勝於己，曰：其德高於常人所能通也。（武叔）魯大夫，名州仇。《語》動詞，謂《宮牆》宮與牆。《及肩》我牆止高及肩，人易觀其內，譬言其才學不高，衆人所能及也。《仞》七尺。《夫子之云》指武叔言。《不亦宜乎》所言豈不與其小才相稱乎。○曰孔子之才德高，非從門而入，不能知其美，但得入門而知其盛德者少，是武叔不能及，其狹見竟不足怪，非與其小器量相合乎。

云、不亦宜乎。

第廿四章

叔孫武叔毀仲尼、子貢曰、無以為也、仲尼不可毀也、他人之賢者、丘陵也、猶可踰也、仲尼、日月也、無得而踰焉、人雖欲自絕、其何傷於日月乎、多見其不知量也。

第廿五章

陳子禽謂子貢曰、子為恭也、仲尼豈賢於子乎、子貢曰、君子一言以為知、

二節

子貢又取喻美孔子、其德超越衆、謗言所不能損、（無以為）無用為此、（丘陵）土堆、大為丘、小為陵、（踰）越、（自絕）自隔、（多）音止、朱氏作祇、○子貢言毀謗孔子無用、其德高不能毀也、常人才德如丘陵、人所能越、孔子如日月、終不能越、人自隔於日月、非害日月、乃害己、毀謗夫子、非害夫子、惟露不知己之器量小耳。

子貢又美孔子之德盛、衆人所能及、引古言、見孔子若得高位、必興大治、（恭）謙、（一言以為不知）責子禽妄說、當慎於言、（階）梯、（得邦家）為諸侯、或為大夫、（立之）興民之生

一言以爲不知，言不可不慎也。

三節

夫子之不可及也，猶天之不可階而升也。

四節

夫子之得邦家者，所謂立之斯立，道之斯行，綏之斯來，動之斯和，其生也榮，其死也哀，如之何其可及也。

堯曰第二十凡三章

第一章

堯曰，咨爾舜，天之歷數在

論語 堯曰第二十

計。(斯)卽(道)導。(行)從。(綏)安康。(動)鼓勵。(和)平而順。○子禽曰，夫子太謙，孔子何能勝爾。子貢責其不謹言，曰，人之稱爲知愚，屢因一言之得失也。孔子爲人所不及，如天之不可及也。若得大位，必應常言而興大治，其立民則皆安，引民則皆從，福民則衆來，勸民則衆順，生受讚，死被哀，如此，人何能及之乎。○以眞理論，天之尊不當歸於人，蓋世間最睿哲者，才德皆有所限，而上帝言未有無罪者。天之尊宜獨歸上主，惟其聖德無限無量，而充滿天地。試想上主造化宇宙，保養人物，救贖世界，其大作爲，非不勝言，而人類極當頌讚乎。耶利米二十三章二十七節，提摩太一、一章十七節

敘述堯、舜、禹、湯、武之事，見其大治皆本乎盛德。○上五節多

爾躬、允執其中、四海困窮、天祿永終。

二節 舜亦以命禹。

三節 曰、予小子履、敢用玄牡、敢

昭告於皇皇后帝、有罪不敢赦、帝臣不蔽、簡在帝心、朕躬有罪、無以萬方、萬方有罪、罪在朕躬。

四節 周有大賚、善人是富。

五節 雖有周親、不如仁人、百姓

有過、在予一人。

六節 謹權量、審法度、修廢官、四

取於書經。(咨)歎聲。(歷數)天時之列次、定帝王相繼之緒。(允)篤。(執)持。(中)中道。○曰、國位之大任歸爾、當篤守中道、若民至困乏、國餉必終沒。(舜亦以命禹)舜傳位於禹、命之亦如此。見書經大禹謨篇(曰)湯曰、(履)湯名。(予小子履)湯自稱之謙辭。伐桀後、祈上帝告諸侯之言。(玄牡)黑牛。夏例、用黑犧牲。(皇皇后帝)巍巍天帝。古人原知上主乃獨一真神、惜後人妄封死人為神而奉之、即僭上帝之尊、而陷國於無窮之害。(不敢赦)不敢不伐桀。(帝臣)賢人為上帝之臣、不敢忽略而不用。(簡在帝心)所查考必遵上帝之意。(萬方)通國之民。(罪在朕躬)我有罪、不可歸於眾民、眾民有罪、皆當歸於我身。(周)武王。(有大賚)施大賞以富善人。見周書武成篇(周親)至親。紂之至親者雖多、不能敵我周家多仁人。周書

方之政行焉。

七節

興滅國、繼絕世、舉逸民、天

下之民歸心焉。

八節

所重民食、喪、祭。

九節

寬則得衆、信則民任焉、敏

則有功、公則說。

泰誓之言。(百姓有過)因不伐紂、民歸咎於我一人。○此下皆武王之事。(權)稱錘。(量)斛斛。(審)考而撰。(脩廢官)重立已廢之官職。(興滅國)復興已亡之邦。(繼絕世)取旁支承無後之家。興滅、繼絕、朱氏曰、封黃帝堯舜夏商之後人。(舉逸民)使用隱賢。(信民任)因誠實、民皆信之。(公則說)因公正、民皆喜悅。○古王興大治、原本乎道德。今欲使國強盛、其基址無他、即道德也。新學、憲法、機器、諸術雖皆美善、但無道德、則不靈效、而國不能興也。推究道德之本、無非上主及其救世道也。昔英女皇維陀禮亞 Victoria 言及本國強盛之故、以救世聖經示之曰、無他、惟恃此而已。美瓦與滕亦作證如此。今支那誠信此道、則光眞復而國必大興、固驗書經所言、欽崇天道、永保天命也。孟德斯鳩 Montesquieu 言

第二章

子張問於孔子曰、何如、斯可以從政矣。子曰、尊五美、屏四惡、斯可以從政矣。子張曰、何謂五美。子曰、君子惠而不費、勞而不怨、欲而不貪、泰而不驕、威而不猛。子張曰、何謂惠而不費。子曰、因民之所利而利之、斯

二節

基督宗教之大效益於民德曰、篤信此道者、必明於人生之天職、且殷然求著於實行、彼篤教之情愈深、將其愛國之心愈摯、蓋基督之道、若深銘刻於心、其感人之勢力、較君主之虛榮、民主之慈善、及專制之恐怖、乃大不勝言也。

見爲政之方、在尙五美而去四惡。(屏)除。(惠而不費)恩待民而不費國餉。羣義作、能令民下荷於潤惠、而我無所費損。(因民之利利之)使民各事其生計、無所妨礙而獲利也。卽善治其農工商務、而輕賦稅。(擇可勞)使民作所當作之工、則無怨。(欲仁)欲行仁政。(無敢慢)不失敬、不輕人。(儼然人望而畏之)容貌莊肅、足以威人。(虐)苛待。不戒視之視責、或索。(不戒視成)未預警戒而迫其成功。(致期)刻期。先緩而後急催。(賊)欺害。(猶之)朱氏作、均之。(出納之吝)付

三節

不亦惠而不費乎。擇可勞而勞之。又誰怨。欲仁而得仁。又焉貪。君子無衆寡。無小大。無敢慢。斯不亦泰而不驕乎。君子正其衣冠。尊其瞻視。儼然人望而畏之。斯不亦威而不猛乎。子張曰。何謂四惡。子曰。不教而殺。謂之虐。不戒視成。謂之暴。慢令致期。謂之賊。猶之與人也。出納之吝。謂之有司。

賞以薄。(有司)具官。居位不事職者。○孔子所言之五美、一、用國餉以儉。二、使民以公。三、取利以義。四、接人以敬。五、治人不暴。所指之四惡、上三者戒凶暴。下一者戒刻薄。皆仁政所當主也。孟德斯鳩 *Montesquieu* 言基督道大裨益政治曰、夫宗教之事、其於道也、固皆有所主張、以爲標揭、雖然、未逮事也、其諭俗而維世、亦必指導其勢力之所趨而後可、是惟基督宗教爲之、乃最可嘉也。又言救世道與善法典之所係云、基督宗教、既原命人彼此相愛、其弘願正宇內人民同享盡善最公之法典、蓋除基督宗教外、凡人類所能受授之利益者、未有大於此法典矣。

第三章

子曰、不知命、無以爲君子也。

二節

不知禮、無以立也。

三節

不知言、無以知人也。

言士所當知之要有三。(命)天命、如前解、上主所命。(知命)知世間之禍福、皆上主所定、故凡事當順之。(知禮)則交人接物合宜、品行之所以立。(言)人所以示其意。(知言)能達己意而通人之意。知命、係天倫、人對於上主所當行也。知禮、知言、係人倫、社會相交之誼也。天命、人倫、當考上主之道方可知、所載於救世聖經。



